



新安左田黃氏世譜舊序

新安左田黃氏家譜序

余嘗遊海上登天台之峯喟然嘆曰茲非春秋外夷之地歟而何今昔之異也
又入鄒魯之墟俯泰山之野嘯爾長嘯感景物之瀟疎嘆禮樂之寥寂蓋群胡
中擾鴻鴈無歌百竊旁生碩鼠且甚震驚我師而大江之南顧殊華夏逮夫黃
巢掉臂疾風掃雲出入山谷灑血無依其又如衣冠之族何而文獻之存者亦
寡矣余適流離之餘奉典籍侍父迺乎故居立室家於再造補玄識於將來曰
人心自良豈劫火之所能絕第太史公之書幸在而吾家乘猶存斯則後世有
訂耳乃遡安陸淮陽之望擬姚墩之寓聞廬墓之風仰郡守之祖故始之以漢
丞相公霸而三十二代之譜成焉宦業孰崇德行孰美庶幾後人不忘先世詩
曰無忝爾祖聿脩厥德執此以往膏我耿光家聲其不墜乎昔梁龍德二年壬
午歲一陽月望後三日縣尉公六世孫叔宏拜書

新安祁閻左田黃氏源流序

家之有譜猶國之有史然史之作代有專官脉絡明事實附故全也徵譜則家

無良焉不知所重或曠世一循簡而不詳則宗法不明後世無所據耳吾何以觀之哉准我黃氏出自黃帝諸孫陸終後世曰緡佐周有功成王復封之嗣伯爵春秋時封黃為國地在豫州之域其地遠齊近楚後結齊而不歸楚貢由是楚伐之即外黃之地也子孫因以國為氏然荊州之域春秋時亦封黃國之地是為內黃之地也後世曰歇事楚楚令辨使與太子完質於秦秦晉之襄王病歇計令太子歸以身待命應侯說秦王放歇還楚襄王卒考烈完立以歇為相封春申君王徙壽春賜淮北十二縣即古黃國之地也考烈王卒幽王立遭李園之害按史記春申君得賜淮北十二縣食客三千皆躡珠履李園嫉之以妹獻春申君有姪後納考烈王是生幽王考烈王卒幽王立國使盜殺春申君而攻其族類居故吳墟惟與閔延避南郡而生隆隆生谷字東明仕漢為長沙內史子曰季琰季琬遷淮陽生子秦頊頊子三曰雷雲霸雷遷會稽霸字次公生漢元封五年武帝末以待詔入錢賞官補侍郎察廉為河南太守丞宣帝聞治法平召為廷尉正數決疑獄擢揚州刺史再遷潁川太守政化大行嘉禾生郡鳳數集境詔賜爵關內侯徵為太子太傅五鳳丙寅拜丞相封建城侯徙杜陵甘露二年卒葬考城子三智仁聖仁字文潛遷南陽聖字文涵智字

文淵遷居江夏生子仲瑱瑱子二曰惇惇字卓立生直固遷潁川惇字東賢生况字直美為葉令子曰香字文強生東漢永平辛未幼事親孝京師號曰天下無雙江夏黃童年十二太守劉公召署門下孝子元和元年肅宗詔詣東觀讀所永元四年拜左丞和帝增秩二千石遷尚書令遂管樞密延光元年遷魏郡太守勅賜孝行里忠孝門卒葬安陸子二曰瓊瓊字世榮瓊字世英生東漢永元甲午初為太子舍人遭父憂服闋五府俱辟辭病不就永建三年公卿多薦徵拜議郎元嘉元年遷司空永興元年遷司徒轉太尉封祁鄉侯延平壬子卒贈車騎將軍謚曰忠侯葬安陸四方名士會葬者七千人子三曰理默點點字仲鳳理字仲龍子曰中字子雄遷壽陽默字仲鴻子曰琬字子琰生東漢永和辛巳初拜童子郎稍遷五官郎中光和末徵拜議郎遷青州刺史中平初遷少府太僕又為豫州牧擊平賊寇威聲大振政績為天下表封關內侯遷司徒拜太尉更封陽泉鄉侯初平三年卒葬孝行里子曰奎壽松壽龜壽世居孝行里椿壽江壽遷延陵松壽子曰相字仁安遷南陽曰權字仁武生中平乙丑任縣簿子曰徇曰德德子穡字元序穡字元集生西晉太康庚子初仕主簿督

郵次轉考功員外補祭酒太典庚辰任新安太守歿於官塋郡南姚家墩娶貴
溪涓南村張氏卒塋同鄉有丁仙師地記云七星羅維其形若龜丙辛壬巳仙
貴光輝子尋字伯常廬墓家焉因以姓名其地曰黃墩隱居教授不仕郡守李
公辟不就子二貞英字敬賢任吳郡守家食于吳原奕字世昌生東晉咸和丁
亥官封都尉亡陣於蔡子公冕遷兗州公衮子遠期任臨水簿生子伯澤任金
華郡守因家金華伯漢子碧綺遷常州碧璠孫德涵字從道生隨太業乙丑歷
官御史中丞上柱國賜紫金魚袋子昂字仲軒任晉陽令生子景福字與時官
任協律郎子彥倫字永華生唐咸亨辛未歷官刑部員外郎子二宗唐遷績溪
宗韞字廷珍生天授庚寅歷任禮部侍郎子曰損字時中生景隆丁未任吏部
侍郎子儀字元和生唐開元丙寅世居黃墩天寶間入仕初任績溪尉次任青
陽尉三任閬門尉大曆丁未肇基治東左田卒大曆己未墓塋本處安陸源口
栢林墩龜形亥向娶績溪丁源洞汪氏共擲生子四益遜字堯夫生天寶甲申
建中時官秘書省正字妻程氏同塋兩坑口益光字子亮遷歙黃屯園益謙字
循禮子孫居休南益讓字尚卿任潯陽令遜子三思德遷旌川思道任盱眙尉

因家焉思誠字希寧子三泰慶泰字縉禮黃村慶字澤遠令蒲田泰字伯
飛生唐元和庚寅世居左田宣宗時官太液院中書娶青陽縣方氏同塋蓮塘
青龍山飛鳳形艮向子槐字伯奇行百一塊字仲奇瑞字季奇行百四軌符間
因黃巢之亂避難黃墩兵寧仲奇復居左田子三叔宏叔仲叔季後晉天福間
財季遷新昌賴公街叔仲遷婺源石門凹叔宏字知國行太十一光化己未進
士初任長垣縣令次任福州刺史禦寇有功官擢武安將軍遷開府儀同三司
墓塋天門庵管塘坑叙形丁向子五透詔速幹修詔子忠重速子三香果京幹
子三珙臻弼透字道貫吾之高祖也生中和癸卯為中書令娶謝氏同塋何小
塢子三宗崇炳宗子二致欽崇子曰鼎炳字昌化吾之曾祖也生後梁開平戊
辰卒開寶甲戌塋橫路丁家園妣汪氏塋楊林墩子三文璣文錫文載璣子三
曰暨羲和錫子三景之景臣景成載字道立行十四吾之祖也生後晉開運乙
巳儉以持家義以處世遇難施財逢凶分食墓塋虎坑口娶胡氏塋丁家園子
三鑒佐居居字希道鑒字子晦吾之先君也生開寶乙亥雅好山水博學不仕
有兄希孟不幸蚤世子同弟希顏荷祖宗之德托寄於庠序余嘗閱太十一公

所輯家譜始知本源之所自朝夕兢兢惟恐有類家聲是辱雖然源深者流必長膏沃者光必燁我黃氏世德培於前而繼於今者固已厚矣詩曰先祖是承又曰保艾爾後允我嗣胤蹶然而興起相與益培其根以達其枝詩禮不忘才德利用不亦斯譜有光哉若夫明宗序正彝倫以厚風俗之道則有先世垂訓慷慨詳明茲不更贅大宋至和乙未秋八月朔旦縣尉公十一世孫希逸拜書

休寧西坑黃氏族譜序

水有源流水之道也匪源靡出匪流靡衍有所以出之者有所以行之者而脉絡分明地靈灌注是故可以觀水道矣知水道者知人道乎記曰人道親親夫以人之易疎不可強而親也舊矣隔形骸則分爾汝隔牆藩則分比隣蓋自其同氣之親而已若是等而上之以至於祖至於始祖遠而推之以至於總至於無服曳乎難哉噫其亦未思而已矣使誠思之血脉源流聯屬罔間呼吸枯潤實同一體如邇九河而尋星宿誰能續斷異同於其間必不然也然則雖欲不視而不可得故曰人道親親人道之與水道一也予於西坑黃氏源流而有感焉西坑之黃左田之委脉也左田出黃墩黃墩出江夏江夏出軒轅端有端緒

而至語其雲仍蕃盛瓜瓞綿綿可以一考而詳者自左田始元和公歷闔門尉定居于是十二世盱遷西坑博學廣文隱居不仕而重厚老成開基垂創足以無忝前人其將來後嗣子孫紹世澤而振家造殆未涯矣一日正本明宗而脩譜牒乃具叙其源流而求為序其首予獨感夫飲水邇流窮源之義以為諸凡有志於人道者皆所宜知而親親之心可以油然而生矣油然而生其親親之心而尊祖敬宗收族之意油然而生矣故樂序之

宋慶曆五年乙酉歲夏五月端陽日屯田員外郎初門姻生馮式撰

左田黃氏續譜序

譜其昉于後世之欲有徵者乎譜以氏設氏以譜明則悠然以思吾有是身豈其空桑出者可以忘孝吾有是身豈其空門已者可以忘慈吾有是身豈其可以忘睦是故思孝思慈思睦咸於譜焉係之其有視息兩間謾不知所重者必其無人心者也君子病其氏之無人嗚呼孰謂譜其可忽也乎吾家先世緒出江夏及元集公守新安歷元和公尉閭門遂家左田而子姓寔蕃瓜瓞可考而知叔宏公丁再造之餘首事家乘希遠公恐墜家聲增光前烈舉知所重者

矣衢也忝承世澤入仕不幸中遭劫運百死一生僅乃以免每退食靜思撫今追昔喟然嘆曰吾此未泯之身其於左田前而作者後而起者並而生者所係頗重何以自效乃仍舊譜而訂脩之今先所錄如列未改但加詳焉嗚呼此吾思孝思慈思睦書也讀是譜者能無同然之思乎允若是雖叔季易世之後桑梓隴地之遙而骨肉一體恩愛一家之義有近古風可以無憾矣苟精神靡貫草木同枯未免為忝此身非吾意也

大宋政和五年歲次乙未春三月吉旦縣尉公十三世孫天衢頓首謹書

休寧黃村黃氏族譜序

族譜之作周官小史職也奠世系辨昭穆別親疎祖宗由是而尊先德由是而昭孝弟由是而興此譜之所以作也但世之為譜牒者詳則或失之誣畧則或失之疎或訛而不通或浮而不實何取於譜牒為哉今休寧黃川黃君萬仁德仁術仁衍崇尊祖敬宗之誠編續族譜甫成來求予序予雖叨列之後久遠筆視奚以為說雖然論譔先美著之後世以為忠孝之勸斯亦縉紳者所當揚之其可辭乎觀黃氏譜牒其先世居江夏至東晉時琬曾孫曰積字元集官任新

安太守歿於任子尋廬墓家食黃墩至唐大曆間太守十五世孫儀字元和任閩門尉家居左田是為創業肇迹之始祖也由左田而轉遷休邑之黃村始祖曰恭字繩禮廼縣尉公四世孫也寔能克紹前烈垂裕後昆而蕃衍迄今無惠矣黃君好古博雅君子一旦念及先世恐湮沒無稽不足為來者法程于是編續族譜詳畧有法疎遠不遺其載悉備正得譜之條理者也使一覽而知本原之所自出則世系以之而叙親疎以之而別昭穆以之而辨祖宗功德以之而昭奉先追遠之心以之而興視夫世之誣疎訛浮而不免於失者相去徑庭此黃氏之譜所以異於衆而允可傳者與為子若孫由其條理而繹思之近之亢宗黃村遠之繩祖左田又遠之增光新安媿羨江夏則忠孝一脉植國承家而碩大蕃滋雲仍萬葉其又安有窮已乎哉予故不辭而為之序乃書

宋慶元丁巳孟冬既望

賜進士出身浙江縉水縣令同郡汪雄圖撰

左田黃氏重脩譜序

嘗竊怪杜正倫非城南之族而求其譜郭崇韜非令公之裔而拜其墓以為彼

雖甚無識者當不至是以貽譏于千古既乃自思其故殆由譜牒廢壞茫無稽考遠而憶之疑其或然而亦無從決其非然乃遂至是夫人孰無尊祖敬宗之心亦孰不願其祖若宗之表々人世者以其尊祖敬宗之心秉之以緝高慕大之願故遂服躁至是卒以貽譏其亦可悲也已譜之脩也斷其不可曠哉予左田之有譜舊矣蓋自叔宏公肇脩于前希遠公繼脩于後而天衢公又脩之凡經幾手暇嘗取而閱之若元集公以上源流遠有端緒神明開先忠孝奕葉某某々等噴々在人口角或以傳信或以傳疑較然有體而無附會之嫌若元和公以下瓜瓞縣々不數鳴珂朝著抱玉林泉某某々等昭々在人耳目或以紀言或以紀事井然有法而無謬亂之失其譜斷自新安左田耳也但住遷靡常生謝世異不有再脩又將何考庸是與諸父老子弟群議而重脩之補所未備使非族者免魚目混珠而的族者能桑梓不忘是予區々意也至其守書香於一脉篤宗盟於百世繩武簪纓繹思水木是在吾黃賢者蓋未艾也昂其亦願執譜以俟宋嘉泰甲子秋八月既望縣尉公十五世孫昂頓首拜書

休寧古林黃氏世系圖序

吾黃氏得姓始於陸終望於江夏顯於東漢視他姓為易攷逮五季淆亂四方割據于孫散處譜牒局廢間有孝子慈孫欲求宗系以明世次殆又攷之不易也予新安黃氏皆曰肇於東晉出自郡守惟吾古林之所傳者有長沙世系圖歷世分明脉絡昭貫其於他派俱未之及意者遷祖注筆但保其分脉所自以示來裔耳今証之諸黃世緒繼述不一似難據信蓋譜牒之作特以統倫紀厚風教俾子孫知其所自根本足矣若必唐人之譜局習成家上自受姓下及遷徙班班具載則未免牽強采飾有傷的脉不若姑叙方里之近謹守長沙之舊庶乎有俟訪會也若夫左田遷居之後吾所得而聞見者續叙世次詳示將來未遷新安之前吾莫得而稽識者一遵舊書不敢強為增損以矯九泉之目斯予注圖列系永保清白之意自後京器子孫有采而新之者即此為式戒妄攝焉宋淳熙丁未秋八月既望東晉新安郡守公二十九世孫文益頓首拜序

左田黃氏宗譜序

棲迹木天固忘情於霞靄沈眸芸闥每歆感於琅函故念祖德膏腴支流洋溢苗裔芬芳遂使後昆膺膺仕而登巍科燁燁人文而燦高楣以致上下相安崇隅

相恤而弗渙於漠然者良由慶澤之有自也粵我洪祖肇於江夏著於新安逮
元和公始居左田肇跡有自嗣而益遜公官秘書省正字太中公居中書令叔
宏公居開府儀同三司天衢公宦遊議郎公官拜特奏商伯公職任掌書諸
翁幼學壯行成躋盛美自叔宏公致澤之餘慨家乘之弗叙也爰明支系而統
叙之追崇先德而光烜之誠懿舉也迄後希遠公天衢公昂公等繼備于厥中
世舍炳然支枝繹若珪璋羅列冕珮軒昂亦既具矣然而蔓蕃易殫歲久或湮
義宜再緝愚叨祖宗神庥獲躋翰苑未嘗不以本源為慮于是重加考訂殘缺
者有補失次者有序非吾宗者委之非異之也源非源也而涇渭為之自明誠
吾族者簪之非誣之也本同本也而葛藟為之自著葩訓有曰雖有他人不如
我同姓又曰無忝爾祖聿備厥德其斯之謂歟於乎自茲脩之本源正矣世系
昭矣鑒祖風有所稽式祖德者有實籍矣

宋咸淳八年歲次辛未春正吉旦縣尉公十七世孫遇龍拜書

黃氏世譜序

出婺源橫槎

黃氏之先其出有二顛頊之苗裔曰女脩女脩生大業太業娶少典之子曰女

華女華生費為伯翳即伯益也佐舜鳥獸多馴舜賜姓嬴氏生大費生木若
木實其玄孫曰費昌去夏歸商為湯御以敗桀於鳴條遂別姓為黃氏其後子
孫或在中國或在夷狄至漢武帝時有黃義者嘗從太將軍衛青擊匈奴被懷
南王謀反義坐累廢徙以死子孫散處而別姓之黃無聞其一出自顛頊高陽
高陽者黃之孫昌意之子也高陽生稱稱生卷章卷章生吳曰紹重黎之後
居火正為之融吳回生陸終陸終子昆吾夏之時為侯伯嗣爵至桀湯滅之周
之時昆吾之苗裔曰梁澤事武王早卒其孫曰緡當成王時舉文武勤勞之後
嗣而封緡於黃至襄王三年楚成王伐黃滅之子孫因國而為氏一云其後或居楚或適江
夏顯于楚者有黃歇游學博文事楚頃襄王王以歇為辯使於秦不辱命復與
太子完為質於秦秦留數年楚頃襄王病歇以計令太子歸而以身待命於秦
應侯說秦玉婦以親楚楚頃襄王卒太子完立是為考烈王以歇為相封為春
申君賜淮北十二縣後春申君以淮地邊齊為郡便請封於江東考烈王許之
因城故吳墟以自為都邑彘徙亡黃居楚者之後以實焉楚烈王之二十三年
春申君從王徙壽春二十五年王卒李園殺春申君滅其家而吳之黃獨無恙

家于江夏者有黃東明從鄱陽令吳芮佐漢為長沙內史自吳居江夏以江夏為望雲仍駢蕃隱顯不一一云其後有霸者漢宣帝時為潁川守以循吏稱累遷御史大夫代丙吉為丞相考西漢書列傳霸淮陽人陽夏至東漢尚書令香以孝行聞香子瓊永建間拜奉議郎與李固陳蕃范滂等相善累遷太尉時宦監用事瓊自度力之不能制乃稱疾不起瓊七世孫曰積字元集當晉元帝即位為新安太守卒于官葬郡之姚家墩子尋居新安生景原奕原奕三世碧璇居黃墩碧璇三世曰德涵任福州刺史德涵生昂昂生景福景福生彥倫字允華累官至刑部員外郎子伯積官任集賢校理子儀字元和歷閭門尉家左田子益光復居黃墩益謙子孫居休寧益讓官任浦劍令益遜居左田生思誠思誠生泰泰生理現生叔宏叔仲季叔仲遷婺源與常厚善博學廣聞隱居不仕厚嘗以書遺之曰足下有超群之材卓異之資而乃擬跡巢由枕山棲谷獨不為蒼生計耶公復言曰昔畧夔在位巢由遜世非窮通之殊也蓋其所志者然也且朝夕林泉起居自適詩酒足以陶其情煙霞足以怡其神故將隨其所樂而從其所遇哉仲四世孫曰與權嘗修宗譜以明黃氏之所由來而漢自太尉公至於今年代悠邈若絕無考者稽諸書史窮源究本而譜成焉請予為以誌之於是稍加裁定正其謬說非有所虛譽也自黃氏之從來而紀之大中其襲錄以遺子孫云宋慶曆乙酉秋八月既望光祿大夫叅知政事吳育書于樂心軒淵按家譜序與五城會通譜有異乃馮州者之誤也今正之以釋後疑淵謹識

黃氏宗譜圖序 出盱眙

余嘗讀周官書見有小史之職莫世系辨昭穆以定邦國之志此世族之譜所由起也蓋世之有氏為族者微有譜識其所從出考其所由分世日益遠族日益繁必至不相維繫而昭穆之辨淆矣譜謀之不可不作也余族之譜賴我先曾大父盱眙公以家藏新安祖譜致力於重修而為繇來辨定據所自于首以吾族之先本出江夏自尚書令文彊之先蓋有東明者同吳芮佐漢為長沙內史蓋就家于江夏尚書令與太尉瓊父子江夏之安陸人有豐功茂德顯于漢中興望是出于江夏太尉孫琬少辯慧太尉先是為魏郡太守時日食京師詔問日食多少瓊未有對琬曰何不言日食之餘如月之物即以其言應詔官五官中郎將事具東漢書郎將之後有曰積者晉建興中入仕為祭酒元帝中興擢新安太守卒于官都亭侯陶瞻為樹墓碑子尋隱居教授廬守先墓遂造家

于姚家墩新安之有黃氏實自太守始尋之子原奕官都尉討蘇峻有功湘東太守范琬立傳原奕子奇遠奇遠子達道達道子伯隨伯隨子昌昌子章靖章靖子邈邈子仲繁仲繁子碧璇碧璇子德任御史中丞若曰晉陽縣令昂其伯子也縣令生協律郎景景生員外郎論縣令訓訓為縣于洛有治績民立祠祀之論以進士初官尉績溪擢尚書刑部員外郎尋改為河南令冢子宗器屢遷禮部侍郎生損遷吏部侍郎知衢州子士克接父武官起居舍人起居子縣尉儀家初門儀子遜翁謙翁謙翁家海寧遜翁於我為高王父茂年中進士官秘書省正字二子諱思誠思道諱思道者又我曾祖父盱眙尉也有名行洪中書芹為立傳謂孫諱思道徽之祁人也吏部侍郎損之玄孫幼承家訓以善賦奏第累更調始遷秩右史丁父艱起復值政府大臣舉所知以篤實願確當復相先推轂遂由兩淞官入主誥院輪奏利疾上稱善擢宗正簿遷國子監丞改尉盱眙縣政聲籍甚民其愛戴之越八載卒其天性恬淡不干進取故久淹選調臺省多同年僚舊羨官可躡致即不肯就時論益推重為卒塋盱眙縣之東山先祖遂留家于盱眙先祖諱宗香事祖致孝晚年以先人官貴勅贈朝奉郎先人諱志立茂年侍祖盱眙公讀書入仕為江淮水陸計度轉運司幹辦公事累超遷至副使終先妣方氏夫人生不肖兄弟二先兄諱和之官提幹早世惟不肖子子獨存今又竊祿于朝為鈞州判官茲將再考不幸遭母夫人大故遂營冢于鈞二子以家學並僥祿于朝未得旋盱眙服闋謝退僑寓于鈞暇日因思世遠事湮來者無聞謹取先曾大父盱眙公所修之譜重加訂校推本安陸相傳世系之所自沿及新安以至我盱眙用世經人緯之制度以尚書令可見之世次為始而下綴其支裔子姓昭穆雖去側微流沿異邦者必錄非我族類而取通譜者雖富貴亦皆不與竊效春秋立宗以遺民者法也然吾先世自尚書令而下公侯卿士衣冠蟬聯代無乏人茲皆萃擷類拔而表出之為如干卷各立以目並極其詳三綱以之而可立六紀於是而可明賢者有所獎不賢者有所勸庶可以振宗祚而傳後代也觀是譜者得不知所以收族屬等喪服使親盡而情不盡服窮而義不窮尊尊親親孝友睦婣之行於禮義又得不益淳予於是汲汲而留心焉為黃氏之子孫與斯譜誦斯文者得無有感於斯異時安陸之祖家新安宗系盱眙族屬見而誦之者又未必以予言為迂也哉黃氏世

孫鈞州判官元之百拜謹序

按雲蘇公修統宗譜以程子天相秉筆將時始序
顛倒元奕公以下妄增四世豈廿三年為一世哉

休寧五城黃氏家譜序

侃自紹興之初侍兄念七丞事藻彥文三八丞事儀彥美四五丞事廷瑞振甫
因問吾宗支派圖皆曰昔罹兵燹之後莫有存者相傳自遷祖謙公始卜居休
陽南鄉地曰西湧至高祖大丞諱歲公生于英宗朝承先世遺業富甲一鄉子
孫業儒至乾道間惟伯六兄何字景蕭首奮志掇高科登顯仕自是儒風丕振
有志場屋者不可枚舉比以地隘人繁乃徙五城之市居焉其餘支派遷徙江
淮子孫散處莫知世次侃因質以舊日所聞父兄之言詳究本末始知先世丘
隴所在其餘歷世既多故難稽考惟自高祖而下昭然可據者書之公生四子
厝于西湧祖宅基中厥後子孫綿綿至于今日凡七世矣其間雖有富貴貧賤
之殊然泝流尋源同出一宗豈可相視如途人哉今自高祖而下編序世次纂
成一圖俾後世子孫知尊祖敬宗之義名分尊卑之序世世守之永傳不朽其
不備歟紹熙四年癸丑正月上元日裔孫侃子和謹識

何再拜展觀五世以來枝緒繁衍一至如許非吾祖宗澤厚派長之

報耶猶恨長老零落五世而上蓋不可詳然根本寢高枝葉寢盛不
俟按圖槩可想見何獨無似叨竊科名與被寵數此尤足以見吾祖
宗積慶儲休俾不肖後昆得以至是雖然是幸至耳安能自必乃若
尊親睦族讀書修身安田樂業無為不肖以為先人羞此則祖宗瞻
睠於其後人之意也有如吾族派分散在他境異時按圖尋譜則恍
然夢覺知江之東淮之南本一家人父子是則此圖之功也夫慶元
丙辰九月既望嗣孫翰請即賜緋魚袋朝議大夫何拜手謹跋
余嘗謂老泉蘇公之叙族譜有見視途人之憂且曰觀吾之譜者孝
弟之心油然而生有味於其言之也吾家族譜自子和公編次於紹
熙間而寺丞公之書後亦曰吾族散處江淮異時按圖尋譜者知其
本一家人父子皆此圖之功也亦隱然蘇公之憂矣夫其本一家人
父子至於途人相視必待按圖而後孝弟之心生人心天理何如哉
余嘗讀譜舊圖於至元乙酉近者元二兄語次囑余傳錄乃取譜圖
續而新之以復于兄之編次昔

皇慶元年壬子歲嗣孫行與拜跋

浮梁勒功黃氏家譜序

余讀春秋傳至昭公十八年鄭子來朝能遠紀其祖蓋古人之尊祖敬宗之義重故也後世宗法不立未及戚單屬盡視其廟祀之位為虛位視其宗族之人為途人者多矣此眉山蘇氏所以有忘其祖之說也間有賢大夫家能系之以圖著之以譜以傳示其子孫俾有所勸知以自別於流俗之人雖不能盡古人尊祖敬宗之義而追遠睦族之念將因是以生亦足尚矣否則無所垂勸雖其祖父功名爵祿之盛而子孫學術不修頑率奢傲或一再傳而名字已有不能知者良可為之慨嘆也此原憲所以甚思而汲汲者也原憲與余交好嘗與從容語及其家譜未嘗不慨然而歎曰吾宗自江夏而遷新安載徙浮梁之燕山至原憲父子又十三四世矣自王師渡江宗族逃竄譜牒湮逸今雖旋定故里當田疇蒿萊之餘漸次墜闕所以為生者必苗薈髮櫛始就條理禮義何暇哉其後進小子自祖宗禰而上憚然罔知今不為則自吾之後愈莫能究故不得不為之懼而汲汲也乃纂成帙又自為之序引以勉諸其後嗣間數追其子堯

之復徵予言予觀其志可尚可無辭以發之乎嗚呼為原憲之後人者能以原憲之心為心則繼今以往族系之派益繁流民之懿愈遠所以建大業立大名顯祖父榮宗族將見其人為俾其後世之續譜者為之大書特書不一書顧不備歟堯之然之故書以為期鄉貢進士同鄉友人汪儀輔拜序按原憲五世祖夢栢刑部尚書夢松刑部侍郎夢桂彰德知府夢槐密南宋時作浮梁黃氏譜宗志圖序曰嘗聞宗志後裔孫彌昌曰人本乎祖祖帶厥克綱蓋天地之所賦於人倫綱常正道之大經歸同一理也吾嘗竊聞先達論吾黃姓其出有二一出顯項之而裔曰女備其孫曰大費為伯翳即伯益也佐舜賜姓嬴氏後裔歸湯別姓黃氏有子孫名義者繁如奴因淮南謀反坐累廢徙瀛之黃遂無矣一出顯項者黃帝之孫是為昌意之子顓頊生祁黎生卷章卷章生吳回吳回生陸封伯家安陸江夏郡其後口歌字涅涵生周顛王乙未奇才卓犖事項襄王王以歌為禪使於秦不辱命後與太子完為質於秦秦留之數年楚襄王卒歌以計令天子歸而身待命於秦秦應侯說秦王曰以親楚楚王既卒考烈王完便考烈王許之因城故吳墟以白為都邑并徙亡黃以實為考烈王考烈王完與穰侯李園之宮其妻歐陽氏隱居河而外家遺腹之子曰穗字穗洪生王王已未脈流後裔秦亂有黃東明者物任番陽令陸長沙內史而穗移居眉州子三與關與蘭迂廣川會泉澤與關居彭澤虎溪子三初起初平初移居眉羊人金華山遇仙得道初起入山尋平獲之平叱石為羊起亦得仙號魯般平號赤松子初隆生秦莊襄王癸丑子挂結桂齡子二季瑛世居虎溪季宛居安陸生叔瑛叔瑛子三雷霸雲霸字次公生西武帝元封乙亥任潯川守治平為天下第一帝聞之召入宸殿陞侍御史拜崇政殿左丞封建城侯謚忠相

墓在江夏山口劉氏封太恭人共御子三智仁聖仁字文潛遷南陽諸葛里
 聖字文涵遷西蜀楊雄澤智字文淵居江夏生仲瑋仲瑋子仲瑋仲瑋字東昱生
 植固植固生靈字敬度神季孝廉不執郭林宗薦之為京兆尹再拜中丞墓在
 江夏山西為娶張氏封太恭人共御子三智仁聖仁字文潛遷南陽諸葛里
 生東漢建武丁亥幼而事親至孝郡守劉公遂率以聞擢魏郡守遷尚書令再
 拜右侍御封江夏孝行里忠孝門墓在安陸源口娶李氏封孝德宜人共御生
 子二瓊瓊瑤字世榮遷桐廬富春山娶守世英生東漢建武丁亥幼而事親至
 射遷太尉封仲鴻子一推字推期為河南大將軍蓋字推騰為都尉亦聖之捷遷青
 龍點字仲鳳生宛字推炎生東漢永和庚辰為司隸校尉拜中郎將聖司空厝
 州點字仲鳳生宛字推炎生東漢永和庚辰為司隸校尉拜中郎將聖司空厝
 孝行里娶劉氏共御子二松持松字福晉遷鄂州建堂松字松壽居孝行里子
 二稼穡字元序稼穡字元集生西晉太康戊申遷安慶鄧家源東晉碑琳王時
 薦卒通州知府後元帝渡江任新安太守既卒都亭侯陶公鑿為製碑文以表
 其墓墓在蘇州姚家墩娶黃氏生元帝渡江任新安太守既卒都亭侯陶公鑿為
 星之業龜蛇圍丙辛壬巳生元帝渡江任新安太守既卒都亭侯陶公鑿為
 數真生東晉太華庚午遷常德州太朗內有良田美地桑竹之屬遂仙女散其
 酒公衣公衣子碧樹碧樹字道真官封都尉遷蘇峻之難太守范范為立傳
 壽王元微乙卯永泰間任南昌太守再任揚州墓在蘇州右灣娶李氏
 封恭人共御宗器生遠期遠明子伯漢伯漢字仲軒官協律郎有考工負外郎李弘銘
 生德涵字道敬生唐貞觀壬辰舉慶卿史中丞上柱國家任黃敬徽卜坑口甲
 山庚向娶李里程氏共御德涵生昂字仲軒官協律郎有考工負外郎李弘銘
 其蓋昂子景福字與時與時子彥翰字永華永華子伯積伯積字時中集
 賢校理遷禮部侍郎子元和世居黃陂以春秋入仕任績溪尉次任青陽尉三
 任和門縣尉因家左田墓骨不處火燒坦栢林城已山支向驛就卸室形娶績
 溪丁源洞汪氏共御子益益字益謙遷休寧五城益謙上堯虎先口子思誠
 思誠子泰恭字伯飛任太夜院中書三子理理字理子叔家叔仲叔仲仲仲
 範丁源洞汪氏共御子益益字益謙遷休寧五城益謙上堯虎先口子思誠

高場黃氏源流序

黃氏出自顓頊高陽者黃帝之孫昌意之子也高陽生稱稱生卷章卷章生吳
 回紹重黎之後居火正為祝融具回生陸終陸終子昆吾夏之時為侯伯嗣爵
 至桀湯滅之周之時昆吾之苗裔曰梁澤事武王早卒其孫曰縉當成王時舉
 文武勤勞之後嗣而封縉于黃到襄王三年薨成王伐黃滅之子孫因國為氏
 顯於楚者有黃歇楚項襄以歇使秦不辱君命王卒太子完立是為考烈王以
 歇為相封春申君二十三年從王徙壽春家于江夏者有黃東明從番陽令吳
 丙佐漢為長沙丙史至東漢尚書令香以孝聞子瓊拜奉議即累遷太尉五世
 孫曰德為臨水簿子積為新安太守卒于官葬郡之姚家墩子尋居新安簿十
 一世孫曰德任福州刺史德之四世孫曰論天授間明經上第調績溪縣尉陸

禮部考功員外郎論生四子長宗器任至禮部侍郎宗器生損任至吏部左侍郎損生儀字元和歷閩門尉家于左田儀生遜先謙讓遜生思誠思誠生泰泰生瑰瑰生叔宏叔宏生迢迢生禹遷高源傳學廣文隱居不仕一日正本明宗而備譜牒因以先世所傳頭宦遺神半身圖像造成寶冊求我為誌其首於是推明其所由來而為之序雍熙乙酉柱國金紫光祿大夫叅知政事吳育書

左田黃氏續譜序

古者世國世家代有譜牒所以奠世系正人倫明宗法別同異也自秦以來不設小史之職以致姓氏無書宗法廢弛故晉咸康二年詔索天下諸譜淮安侯表奏之唐貞觀戊戌復下詔越國公又奏之至五季時法愈大壞邇來尤甚凡作譜者多假榮顯棄貧賤駕注溢美虛浮之詞而務於誇張致自迷其所出者今祁閩左田黃君顯卿所輯家譜一帙奉其梓本走書告予曰生先世自江夏而徙歙之姚家墩又徙祁閩之左田傳緒各遠其家乘自宣議公天衢公屢嘗修輯而統紀詳畧猶將有待誠恐子孫散處四方各望其地愈久愈失後雖有孝子慈孫欲究其既往於數百載之上實有所不能也生每患焉顧茲所編止

以始居此地者為祖自祖而下支分派析巨細書之上此者則存其畧於首蓋以明斯譜之可信也敢借先生一言以序其篇端予閱之累日得其始末而為之書曰黃氏為天下著姓新安鉅族而出黃帝之裔也其居新安者則自元集公始仕東晉為新安郡守歿於官塋歙姚家墩子尋廬墓因家焉垂十五世孫曰元和者大曆間為閩門尉肇基於治東左田左田之有黃氏寔始于此然他郡邑諸黃則又派自縣尉公之後也而唐建中時有秘書省正字益遜宣宗時而有太液院中書伯飛龍德間開府儀同三司知國貞明時中書令道貫宋元符進士天衢上賜紫金魚袋乾道間掌書宗香嘉定時京簿尉宗元紹熙間進士曰鼎淳祐進士遇龍咸淳時進士公選冠蓋蟬聯簪纓世繼將與昔之江夏安陸後先相望其盛固非他族比也矧君之所編斷自始遷之祖而譜之所收則以遷祖之子孫不拔榮而棄賤不苟合而從俗深得子來子之意而不失夫歐陽氏之法上以續前人久曠之典下以啓後嗣無窮之基其出於尋常萬萬也獨不可嘉尚也哉雖然譜之輕重在乎人人之賢否在乎德勗君族之人漸磨乎禮樂涵泳乎詩書悉其心以象先世之賢焉讀為良儒耕為良農仕為

良臣庶幾此譜為不朽矣不然所謂系名諱而備考實者在在有之何貴於譜何補於族何取於予言哉是為序元大德丙午正月吉旦浙江杭州山長休邑玉溪吳親萬書

新安祁間左田黃氏家乘後叙

右家譜一帙首源流次世次系略次附錄錄凡有涉於宦蹟行實著書之本宗元集公東晉時任新安太守因家歙之黃墩後十五世曰元和公由官尉間門肇基于斯幾六百載亦可謂之遠矣然事之遠者人情之所易忘愈遠愈失不至於昧其本源者幾希由是汲汲于心一旦奮然乃取先世舊譜重而訂之世次事蹟一倣蘇氏圖而譜之詳其親而略於疎名曰左田黃氏家譜俾家藏之庶他日子孫知其本源所自而不失夫先世之業耳嗚呼烏論猶庇其根射額亦知報本可以人而不如物乎為我後人宜深念之分有親疎而以祖宗視之則無親疎固一體也世有遠近而以祖宗視之則無遠近固一脉也由親疎疎由近逮遠無忘仁孝一念斯可矣元大德丙午冬縣尉公十八世孫顯卿書

休寧古林黃氏重編族譜序

余嘗感夫水之千流萬派未始不由於一源山之萬絡千支未嘗不本於一脉矧吾黃氏世系自學錄公編於南宋淳熙丁未迄今百有餘年枝敷葉蕃人文倍昔思夫今古相懸晨星易落匪藉紀述之功則後世奚從攷據前烈曷克著聞民德何由歸厚族屬其能烝義不待服畫如塗人者幾希矣時因居隙語及酌古諸弟考錄本宗世次躬加手編自遷祖萬一府君而下謹注遷徙分派之明生娶卒葬之實宦遊之彰孝行之蹟知詳畧缺不敢妄載訂成定簡付畀列房後雖散處殊鄉百世之遠一展斯譜皆知萬山之祖崑崙一源之分河洛篤同出之親興嗣續之念使無恃強欺弱挾衆援寡孝悌之風油然而復則余斯譜之作未必不為革世道之凌夷攝人心之散逸光前烈之丕休啓後世之張本正名扶教之一助云

元皇慶癸丑三月上朔十六世孫婺源州儒學學正立拜序

西坑黃氏續譜序

譜所以紀名實別親疎彰先德而啓後賢為故家舊族之所重者也粵自義農世遠姬風肇代支分派別繁衍蔓延于天下苟不有姓氏之書以各記載其所

自來則泯泯芬芬誰能知其如本之有根木之有源哉西坑黃氏本晉新安太守積公之十五世孫曰儀為祁閩尉遂家于左田歷數世浩公之父曰十萬五季中始遷于此其地敞而夷泉清而環木秀而蔭允為富厚悠遠之居歷數世而永昌公脩德行義創業元宗十四世勝祖壽祖公之昆弟卓犖有為勝祖公三子長聖奴公生子岩九岩九生大吉大昌大樵大志音奴公子七而孫十八真奴公子三而孫九螽斯蟄蟄而壽祖公子忠奴忠奴生勝齡勝齡生大洪亦綿綿未艾有輕財好施而樂隱不仕者有敦孝讓恒念慈闈之訓而不忍忘者又有由監胄而榮授中書之選者匪地靈人傑能至是耶抑豈非前人之積德而後裔之昌耶然則家譜之脩其誠不可以已矣乞予一言以弁諸首敢以蕪辭遂書此以歸之元至正十三年春二月既望婺源州判邑人朱克正撰

休寧黃村續譜序

族譜之作所以明世次別親疎也為人後者可不重乎否則上而高曾無所傳下而曾玄無所續良可慨也休寧黃村曰隆字惟興一日持族譜來告余曰吾自恭公遷居黃村子孫蕃衍家之舊譜久未經續恐後有失今重編緝頭著一言用勗我後人余惟子孫賢而後譜法典譜法典而後彛倫叙後之昧者於祖父遺業則銖較寸計而先世之譜牒獨捐獎漫不加省可勝惜哉今觀黃氏之譜世承弗墜其知倫理之重如此與世之輕視其譜者大不侔矣昔歐陽子嘗言李唐之世惟其譜牒完備故其士子脩飾喜其樹立惟恐墜其世業士大夫家譜之散佚者亦將有感於斯乎噫譜固以祖宗之德而顯亦以子孫之賢而傳為黃氏之子孫必當繼承聿脩厥德寶箴嗣輯以繩前人之志則世澤將未而無替也今因隆君之請用書此以歸之至元癸巳冬至月朔日後學俞秀序

休寧古林黃氏族譜序

古者譜牒之書掌於太史氏有國家者得以明宗叙正彛倫而厚風俗者也自后王降德于民之典不明于天下後世宗子之法廢而不講譜牒之書隱昧而不彰世教陵夷風俗頽靡殆甚矣是故喜不慶憂不吊不待服畫而為塗人也期功而胡越者皆是也兄弟至親也尺寸之畔刀錐之微乖爭而鬩訟者不少也豈惟兄弟哉父借耰鋤而德色毋取箕箒而諄語嗚呼三綱淪而九法斁孰有甚於是者哉君子於此則思所以自反焉崇愛敬敦義讓親其親以及人之

親長其長以及人之長幼吾幼以及人之幼不徒若是而已也推本原之同以正昭穆之序以辨親疎之殺明冠婚喪祭之典以導之於前厲孝友睦婣之行以訓之於後由五服之宗至於同姓之族莫不觀感而化恩洽文著其庶幾乎是則譜牒不可以無述也如此傳曰人道親親也親、故尊祖尊祖故敬宗敬宗故收族收族所以尊祖也親之道合譜牒其奚務哉柰何兵燹之餘舊譜廢燼好古之士奚從考徵予竊悼焉今觀黃生宗三叔宗所編黃氏家譜推本源之同序昭穆之次文分派別文獻行實於斯可徵豈非大有裨於世教者乎余自弱冠即嘗遊古林瞻識伯固君啓二先生皆質直重厚有古人風言行無不可為法式今二先生不可見矣而其子若孫誥、文李以承其家叔宗又伯固之孫也質美善學存濟物心然則叔宗斯譜之作所以為尊祖敬宗者與所以為承其家學而基忠厚之風者與所以為敦崇古訓者與余以為規利忘義暴棄其親者非可同日語則其懲艾於時反躬自脩必有道矣是故序而歸之

洪武庚戌六月朔後五日婺源汪應仲魯父序

休寧五城黃氏重編族譜序

古之為國為家者有大宗小宗之法以收其族姓雖至百世之遠而蒸嘗不廢親疎不殺尊卑等禮之節文皆可攷而見也後世宗法壞而禮義消世家大族或經喪亂譜牒失墜不惟先世之有善義者湮沒而不彰加以貧富盛衰之不齊則怵惕之念無以勝夫愛惡利害之私至使懿親為途人者有焉非長厚之君子莫能盡然而及此也休寧黃子高氏以其所修家乘託其姻家未公潤來示余黃為五城之望族余固知之惜不見譜牒其原委分明條理縝密如水之自源徂派木之由本遯末彙列不紊綽乎可觀雖古禮之品式未能遽復然一門之內遠迤洽比孝友睦婣之意粲然可見推而行之庶幾乎云於禮者之禮歟余嘗病世之人敬多怠於至親禮恒忽於所玩其見鬼神也則叩首鞠躬惴惴不敢肆遇官豪則跪而後言拜而後食至宗親之逝者憂然如不相關存者毅然而不加敬余不知其何心也今子高以喬木之家敏而好古推考所自追遠及今派系相沿脉絡昭著不以貧富貴賤盛衰而別其等殊編緝成書以垂久遠縱不得古者大宗小宗之法至枝枝有本葉葉相承則宗法亦不外是可謂孝而能敬長厚之君子其視世人滅裂忘本者子高無媿為黃氏子孫矣余

平昔疾惡而喜道人之善遂信筆題而歸之其於故家上世以來豐功碩德先輩已詳言之余不敢贅

洪武二十八年三月吉旦同郡曹譽從善書于泮宮之東白軒

休寧漢口黃氏續譜序

新安以休寧為壯縣休寧以黃氏為望族黃氏世居五城其大顯者寺丞公何而破天荒者也寺丞之父奉直公諱傑吾七世族祖宣奉程公文夷實其胥內翰洛水公現實其甥也黃程世姻其所由來尚矣且黃氏慶源有衍族大益繁由宋而來歷職州縣策名天府者項背相望若雲之蒸猗歟盛哉予嘗慕五城之里而未經其處起敬其族而莫見其譜為欠也正統癸亥春眷家黃德馨氏持其族兄子高編次譜系示予且曰子高兄之所編是為洪武己巳歷年五十有五昔為狡提之童者今皆有子而孫矣其間有起而顯者令名著居而隱者清風存不可不登載也我且今居雲溪去五城三十里許不及及修他日子孫愈久愈失其傳不知其為五城之族屬乎於是即其舊而新之五世為圖以表世次請問其然乎否乎予曰昔者老泉譜蘇氏山谷譜黃氏吾邑會里文簡公

譜程氏皆此例也美哉是譜源委而不濫井井條理而可觀視舊有勝焉耳作譜之要在明一本而濬其源所以尊祖而敬宗也究各派而疏其流所以別親疎之遠近也辯昭穆所以識尊卑之次第也行吉凶慶弔之禮敦孝友睦婣任恤之行所以崇宗族之典禮也是皆因譜而明也若譜之不作問其源則不知其所從來妄認他人祖為己祖究其派則不知其派之所由分視至親如途人昭穆不知而祖孫並坐尊卑不識而叔姪交拜於禮讓何有哉德色耨鋤之語有傷父子骨肉之至親也終臂閱牆之爭有傷兄弟手足之大義也於外人則杯酒殷勤而有刎頸之交於同氣則牂於殄憑陵而有欺孤奪幼之患父母之忠言逆耳而不聽於交結之巧言令色是悅父母之饑寒不恤於老宮曇宇之施是從况一家人父子尚如此豈惟疏遠之族屬哉是禽獸之不若也吁有父子而後有兄弟有子姪傍而伯叔遠而族屬視其初皆本一人之身也由一人而之千萬人不反本於一人之身者是皆宗法不立之所致耳今德馨氏之編是譜也凡例而有春秋之書法可以昭祖宗之潛德作後人之勸戒觀是譜者孝弟之心可不油然而生而無前是數者之病實大翁功於名教也序文

有命故不辭而書之眷生程萬輝序

休寧黃村續譜序

夫祖宗者子孫之根本也子孫者祖宗之枝葉也若不究水木之根源則曷以知生身之本耶吾黃氏自黃帝曾孫陸終受封於黃其後以國為姓始於江夏遷於新安著於左田吾祖思寧公由左田而轉遷休邑黃村由祖而下世居于此夫自兵變之後憤然而不知譜牒者多矣吾今篋中檢得舊譜一帙左田原末俱存當竭力而脩之以盡尊祖敬宗之禮庶水木有本源之誼可以傳諸悠久而不忘也苟失不脩則宗派親疎無所知長幼行第無所別丘墓不知其所婚姻不知其所自覓立繼紹者而不知其所因此譜之所以不可不續也吾依歐陽公式五世為一圖、後有傳編集成帙後裔子孫開卷一覽則知根源婚姻丘墓等事靡所不知原委分明昭穆不紊矣上不負祖宗德澤流芳之碩下可以為子孫萬世傳家之張本也與後之子孫翕而勗之幸無忽焉是為序
洪武三十五年辛巳陽復之月裔孫府庠歲貢河南王府教諭時寧謹序

休寧古林黃氏族譜序

至正丙申春始從先師朱孝士隆隱先生讀書于風滿林時先生續朱氏家乘甫畢以示諸生曰譜牒之式當如是然此事非學者仕者耽習文墨知先知近遠以敬宗收族為已任者不易為之也宗三佩服茲訓因念吾家宗枝圖譜僅存無能嗣而紀述之中心憮然於是混淆者考推而正其謬缺墜者搜羅而補其遺皆有依據不敢臆度漫書以取譏於世俾妄認狄梁公與拜郭子儀墓者一覽為之顏厚嗚呼是編之成非一日之力惜先師未之見亦庶幾為黃氏不朽之傳也後之人尚勉繼之哉洪武庚戌臘月歲日三十五世孫宗三謹識

高場黃氏續譜序

自夫天地定位類聚群分聖人設教敦族明倫人之有倫也而後分明今明而後義生義生而後禮行禮行而後祖尊是故人倫之行始於父子兄弟夫婦化諸家而後及諸國推而觀之則知聖人所以厚風俗化天下者豈不重於正名也哉夫正名莫先於禮義、莫大於譜牒此譜之所以有功於世也此譜之作所以不可不作高源黃君士能同族屬以世系示余曰吾家雖有圖系以載其實弗求諸文無以彰其美也敢請較焉而輯之以示將來予辭弗得嘗稽黃

姓顯於江夏望於新安著於左田而五季末伯禹公自左田遷於休之高源由禹公以至社公凡十三世矣逮至煥二公生三子曰奎一奎二奎三其奎一公生三子曰酉曰庚曰義、紹奎二之後者也三子者才皆幹乎前盡德皆裕乎後業然而子孫之蕃衍產業之豐豫孝節之制行仕宦之榮耀文學之冠世咸煥二公之後裔也使無譜牒以紀之則世傳愈遠枝派愈繁皆俛焉莫知所辨是故先之以世系圖像次之以行實贊傳夫如是則先世之可頌者不衰而後裔之秀出者莫不永言孝思而繩其祖武矣故韓子有曰莫為之前雖美而不彰莫為之後雖盛而不傳予閱黃氏譜前後有人世濟其美有故家之遺風也有衆善之悉備也有正倫之大本也不曰可嘉矣夫故序之

大明天順七年歲癸未孟夏月中澣首川朱若禮拜書

休寧黃氏正宗譜序

江夏之黃自次公文強以忠孝大顯於漢至東晉時有元集者仕為新安太守因家于郡厥後子孫少而為祁門休歛之黃為婺源黟縣之黃為浮梁之黃然探本泝源其始遷之祖一耳今居休寧者九三派地曰古林曰五城曰溪口考

諸先代至于

國朝若太李博士君山富陽縣尉日起嚴州府僉和甫官業並有可稱至國李檢閱景宿李錄叔明朝議明仲節幹國秀日新齋諭元亨暨君啓子運子中皆以行義文李為時儒師子運之孫景高克繩世業綽有祖風春坊諭德程篁墩先生嘗銘其墓極加歎許是皆古林中隱顯之傑然者也若迪功雷豐提幹雷奮制幹雷利司戶雷復省元彌振慶士求心並為聞人是蓋五城中隱顯之傑然者也其在溪口者若景蕭當宋乾道中登科歷官至太府寺丞文章政事卓然名于一時寺丞之子曰煥運幹通直即曰澄通判蘄州曰華權院寔由溪口遷家于嚴陵以及嶺南一清處士在元季以布衣者碩為李韓公張蔡公趙魯公諸老所重力推薦之皆辭不起所居有秋江釣月之樓故其號曰秋江秋江之子俊屯田提舉晉教授徽州至今子孫文雅亦與前派者齒於戲黃氏文獻有足徵矣考其上世諸派之譜雖叔明斯立行叟叔宗雲夫一脩再脩先後不為無人然古林自古林五城自五城溪口自溪口一派一其譜耳近族亦未之合而况遠如祁門如婺源如黟歛益遠如浮梁者乎今古林之裔曰世瑞五城

之胤曰思濟者既自譜其派矣又併考集祁門浮梁黟歙諸派合而一之復取正於程春坊而為統宗之譜成世瑞乃不遠五六千里奉至

京師介其姍友汪進士守貞大行人從仁二昆季過訪小軒因出以示余徵序其首余聞世瑞之名於春坊舊矣及觀其所輯之譜自序之文與其家世業詩書敦禮義之懿如前所云然者信乎黃氏世澤渾涵之久培植之深而子孫之有人也夫大家世族非有譜以維持之則昭穆不明親疎不別雖同處一鄉亦塗人耳况異州遠邑而望其親之心同睦族之義篤胡可得也先正脩譜若韓魏公所考僅及八世八世之上闕焉曾南豐則遼漢都鄉侯上接子與子皆皆殊貫繩々罔有間斷蓋譜其可考不譜其不可考二公豈故思耶使其可考者畧之則失於紀實非南豐意也不可考者強之則病於駕虛非魏公意也黃氏斯譜蓋酌以韓曾之見定以歐蘇之法追遠合異收族重倫之意諒然可見其善於作譜者歟夫世瑞以此存心而又能以問學克之達而為寺丞之榮窮而為秋江之高吾知皆其所能耳思濟余雖未及詳其為人然汲々欲會斯譜以傳者尊祖敬宗同一世瑞之心則亦非凡士也予故為序於此以告其族之

人與夫世世子孫使知二君敦本之志云成化癸卯秋七月

賜進士出身翰林院 國史脩撰儒林郎三山林瀚書

休寧古林黃氏續譜序

吾鄉巨姓必標其所居之地以自名其不地者不問可知其為下姓也蓋姓必以地則君子有所據而聯姻小人有所依而獲庇然非數百年聚處而有道以維之亦不足以致之也自魏晉以來用門地取人實有封建遺意然中原多金革之事故雖大姓如崔盧土著如朱陳者今亦不復知其所在矣江南地險僻非用武之國而吾鄉又多深山長谷風氣聚而不散人習禮義而重遷故巨姓視他郡為盛若古林之黃其一也黃之先曰元集為晉新安太守始家于郡後六世孫碧璇居郡之黃墩碧璇之九世孫元和又居祁門左田其孫思敏則古林之所從出也自元以來吾鄉先達以程朱二大儒皆郡人由是慕聖賢之孝不輕於仕而黃氏先人多從之遊思敏十七世孫伯固以易名家朱風林孝士稱為畏友伯固之從弟君啓從孝江明安先生而友東山趙徵君又館于師山鄭公師山亟稱之君啓三子皆克世其孝曰子運從孝風林尤以行義稱以祖

產讓其弟子中子度而自闢後園以居孝者稱後圃先生東山著春秋屬辭諸書子中與有參訂之力伯固之孫叔宗亦從孝風林手編古林黃氏族譜而汪蓉峯司直序之則洪武庚戌也當是時江南新脫于兵人不自給而叔宗拳於敬宗收族其志遠矣惜乎益謙以上舊譜失傳叔宗亦莫得而紀之也迨今又百餘年雲仍之來者益蕃於是後園曾孫世瑞本其父景高之志重輯之世瑞不以其譜為足出而求證于四方得汴梁黃氏所藏祁門舊譜乃克上推其源得益謙公以上三十二世下行其流凡子孫之後出者皆在焉總之為五十四世小傳以詳一族之行附錄以備一家之言由是古林黃氏之譜殆無憾焉間請予序予每重世瑞之性行李識嘗往訪于古林見其山之蒼然峙乎其前聽其水之浩然注乎其東則曰此固山水之秀鍾乎古林黃氏之先人者也南望之為璜源之吳北望之為會里之程西望之為斗山之程西而南為大畷之汪東望之為商山之吳東而南為汭口之程則又曰此固大家巨姓與古林黃氏相輔而立而通姻婭者也然考其先驗其後未始不由於祖宗之積學累行而能致其族之興者亦未始不由於子孫之率德繩武而能保其族之長者然則譜牒之脩不知其本可乎噫今日之祖父前日之子孫也今日之子孫後日之祖父也一親踈崇孝敬而謹其立墓之守奉其詩書之業以不墜門閥之傳則庶幾此譜之不為虛器也已古林黃氏可不勉歟成化壬寅春三月望日賜進士及第奉訓大夫左春坊左諭德同脩國史經筵官程敏政序

續左田宗支譜序

余弟芳當曾和時同予游于碧溪之曲俯數游鱗仰視飛翮坐石上引觥而飲月上東山忘歸浩然歌曰擊空明兮橫中流思千古兮懷蘭舟渺山居兮將安求逸吾老兮吾休休芳亦和之其聲琅琅振林木已而余又肅嘆曰余先子不有厥仕者時也余兄弟能吟哦恨不得與林逋魏野諸君相遇西江詩派之祖非我宗山谷耶當時坡公且服其獨立萬仞之表今取其詩讀之誠然但為分寧人蓋遷自金華而金華又遷自我新安者也代遠地殊竟未得一訪其子孫考其世夫亦宗譜之難通而宗支之未收也夫山谷嘗為太史宜知亟此顧不得相聞實一大欠事芳曰兄何見之晚耶吾黃氏如山谷者不少第兄為兄者即可耳遠慕近遺恐後之視今猶今之視昔也是夜步月而歸不寐達旦乃同

弟聚我宗支續諸譜而言曰欽哉不可不勉為君子也某也賢某也愚某也佳士某也凡夫某也名天下傳後世某也寂寂焉無聞於吾宗支譜可指諸掌矣欽哉不可不勉為君子也乃序

成化癸卯年秋七月吉日裔孫顯政書

休寧潛川黃氏家譜序

予掌教休寧邑庠之六年黃生仲餘一日持其家乘進而言曰生之始祖謙翁五季間自祖門左田徙家休寧之五城子孫蕃衍四方散處不下萬餘指八世祖宣議公恐有相視如途人之憂率族眾編黃氏宗譜三卷其後子高先生繼其志稽其事實重而修之凡若干世矣生之考徙家潛川即今居是也謹訂家譜一帙詳載遷徙之由用詔後世願求先生一言以弁之予惟人之良知良能無不知愛其親無不知敬其兄及其世次愈遠族類益滋為父若兄為子若弟之屬彼將不復辨其等差或因富貴貧賤之分或因毫末取與之利鮮有不至於乖爭而相為仇敵者矣惟其有是譜也披而一覽尊卑有別長幼有序孝弟之心油然而生雖踈而亦親雖遠而亦密則其有補於人倫也為不淺矣今觀

黃氏譜圖在宋有諱何者乾道二年進士仕至守岳處二州歷大府寺丞贈朝議大夫子澄通判蘄州又有諱雷奮者淳祐十年進士仕至提幹及其弟雷利寶祐四年進士仕至制幹雷復咸淳四年進士仕至台州司戶叅軍俱以文學進身代不乏人至於持儒雅抱道德者如草廵先生智孫紫陽齋長求心秋江處士清夫又不可以禁舉也吁人之有祖猶水之有本水之有源本之固者未必茂源之深者流必長祖宗其能樹德行仁宜乎後世子孫有振振之美者矣雖然是譜之作豈徒為文具哉况仲餘負明敏之才今秋以詩經取鄉貢進士可謂能踵先世之武者矣明年會試

禮闈功名事業殆不可量推尊祖敬宗之心以致

君澤民美教化厚風俗予所深望於生也生勉乎哉

永樂九年嘉平月望日莆田陳永儀書于遜敏軒

休寧陳村黃氏宗支圖序

嘗謂千百年故家巨族必有世譜譜者紀姓氏之書也姓以紀其所自出氏以別其所自分得其分忘其所自出吾見其未為足譜也吾邑陳村黃處士子拱

諸子告曰先世出新安太守晉元集公後世居邑之五城歷宋以來其顯大者如大府寺丞何公司戶雷復公提幹雷奮公制幹雷利公功名勲業勒之金石莽莽然也其隱晦者如草牒先生智公紫陽齋長求心公菊圃先生晚公春谷處士仕元公文章德望著于鄉史炳炳然也

國朝初先君子彥明先生實衛戶侯陳公之館甥遂依居陳村今子拱又抱子矣宗支不續後世失真乃取舊譜續注宗支圖一卷敢請先生一言以弁之予曰先正有言人生天地間一噓一吸一毫一髮皆厥初生民翁媪之所傳也假令無服之親可視若途人則無服之祖亦可視為途人乎途人相詬不足計也若使詬吾之先者鮮不頰耳而怒之若是豈可謂無列乎子拱拳拳繼先傳後之心為心深得先正之旨別其分紀其出既詳且備奚待浮溢之空言哉他日子孫以賢繼賢保五城之立墓而不失謹百世之昭穆而不亂故家巨族文獻有足徵者斯圖預有光焉

永樂乙未春三月文林郎知江西宜黃縣事同邑朱金陵書

德興茗園新田黃氏家譜序

黃氏家譜一通處士仲敬之所續也間以請予叙之予嘗讀周官書見小史職奠世系辨昭穆以定邦國之志此世譜之所繇作也夫人本乎祖祖也者氣之所從生身之所由出焉黃氏之先世居江夏之安陸在東漢肅宗時有曰香者以孝聞香生瓊父子繼為魏郡守以江夏為望東晉時有曰積者為新安守遂家新安至唐子孫居新安之黃墩後世遷祁門再遷婺源宋元間有自婺源而徙龍門者徙樂平者徙番易者有明經六府君希昇自婺源橫槎徙德興之茗園今又肇基新田是為仲敬之族已閱若干世矣其間鳴玉廟堂分符郡國歷躋科第繼承丕緒者不可枚舉其宗派世系之明功德行實之美在元有香山令澹菴先生崇所修之譜而詳載之矣

國朝永樂中處士取舊譜重續之以成全書蓋亦培祖德啓孫仍之一念也為其後者宜思崇本返始以行尊尊之誼稽昭辨穆以立親親之道則茗園新田之族貽謀厥美垂裕無窮矣予忝姻末因其請而為序之

景泰乙亥奉政大夫脩正庶尹禮部郎中致仕錢唐潘勤書

黟石山黃氏家譜後序

族之有譜所以序昭穆別親疎而篤同宗者也古封建一變之後宗子之禮廢而譜學不明久矣宋歐陽文忠公蘇老泉先生以尊祖敬宗睦族之心為心采太史公記表鄭玄詩譜畧作世譜且曰三世不修譜則同小人由是後世修譜牒者必以歐蘇為法余歆繼之每值奔走仕途莫申所愿一日黃彥文氏持宗譜一帙示余且索序其卷末余披閱之累日其世系源流孝義宦蹟行實見諸名公序記詩跋余奚喟然余與黃氏世姻彥文之曾祖真一公實余曾祖貴一公之館甥乃宋直閣侍御黃公葆光之裔孫也因贅居石山焉而彥文承先世之澤子孫蕃衍望出他族有貴介彥譽洎猶子瑞俱列邑庠弟子負積學優裕行將掇巍科躋膺仕以光直閣之門閥傳曰公侯子孫必復其始豈欺我哉余因彥文之索輒忘固陋遂書此于譜帙之末云

賜進士江西道監察御史文林郎姻末汪景明書

黃氏宗支一覽圖序

法二典三謨之訓則帝王之道以明究一本萬殊之旨則綱常之道以立蓋書之制作關乎世運之豐亨譜之會通係乎人風之大振是則譜之為氏族之典其亦書之為國家之本也哉今有人焉承襲乎先世不一之紀詳述於百年未正之餘不易得矣黃氏江夏大姓也其先出黃帝諸孫陸終之後若楚相春申君歆漢長沙內史東明魏郡太守香太尉瓊司隸校尉琬世有聞人東晉時太守元集者官新安卒于郡墓郡之姚家墩子尋因家之尋四世曰碧璇居黃墩碧璇十世曰縣尉元和轉官閭門又家邑之左田長子遜厥後分為黥古城婺源橫槎鳳陽盱眙浮梁勒功德興茗園樂平藍溪鳴琴里鄱陽鑪山諸派次子謙遷休寧五城鎮厥後又分溪口嶺南龍灣星洲北郭商山潛川陳村汭口閔口暈嶺下嚴城大樹巷諸派其先世譜牒間有因學翁侃大府寺丞開國公何紫陽齋長行叟秋江先生清夫鄉教授昂用是心矣惜乎由遷祖而上歷世久遠終莫得其詳者吾甥思濟氏以出羣之資該博之學志於此者有年矣常言一宗譜牒之修未窮其原乃作一覽圖以便披閱由是走歛黥績溪祁門婺源至饒之浮梁鄱陽樂平德興直抵盱眙江夏考其總譜新安歛黃墩者宋御史明高也世譜婺源橫槎者宋慶士叔仲也其他譜祁門左田者宋新鄉縣尹天衢也譜黥古城者宋直閣侍御葆光也譜浮梁勒功者宋工部尚書琰及其裔

孫元憲也譜鄱陽蠶山者宋漢川主簿先之也譜德興若園者元香山縣尹棠也譜樂平藍溪鳴琴里者濟南勸農事壽星之子柔也所注獨明本宗派系而已若究其一本萬殊源清流遠始末之詳者宋鈞州判官元之世歲新安黃墩總譜及修盱眙宗譜也併得江夏源流奉之以歸於是一覽之圖所以有據而克成編吾孟夫子有言觀水有術必觀其瀾日月有明容光必照焉至矣哉黃氏源流有本莫能掩也如此豈但學之有本為然哉思濟之功可謂大矣然則黃譜之統而會通亦猶尚書之作而垂訓也歟是譜也本乎江夏之所傳新安之所續盱眙之所成輯蓋其究之也審故其編之也詳由其本原也深故其流派也長統之則有宗而會之則有元也而黃氏先輩謂此為傳家至寶而珍藏之也信矣為黃氏子孫敬宗睦族之心抑何如哉必也知思濟用心之勤有證於前念祖宗積累之厚有繼於來也以此觀之則吾甥之考古驗今實有光於千百載之下也是為序

天順甲申春二月望後一日友雲翁北郭程亨書于五城懷德堂

休寧溪口黃氏續譜序

古者小史官之設所以統姓氏明宗法也蓋姓氏統則貴賤別而人紀所由立宗法明則世系與而昭穆所由叙其關世教之重也如此自秦以來小史失官則姓氏無書而宗法廢矣不有譜牒之作則上欲知祖宗之所由來下而欲別子孫之所由分者幾希此士君子所以有重於司馬公年表紀歷代世譜之詳而故家舊族所以則歐陽老泉譜書之法以屬族類也黃氏之先得姓自陸終始若楚之春申君歇公漢之魏郡太守香公太尉瓊公司隸校尉琬公之望本則一人而已吾新安之黃又自太守公元集始焉公江夏安陸人琬之世孫也晉元帝渡江之後守新安卒葬郡之姚家墩子尋廬于墓側遂家焉新安之有黃蓋自太守公祖也由是而後拖青紫而橫玉佩者無代無之若御史中丞德涵之功在社稷河南令伯論之德在民心又皆傑然為黃氏之英也大曆間有禮部侍郎子曰儀字元和世居黃墩因歷官初門遂家邑之左田元和子益謙遷休寧西湧歷數世曰文漢再遷五城文漢三世曰宗義又遷溪口宗義生中理中理生奉直大夫傑念七丞事府君藻傑生子二長曰倫次曰何宋乾道丙戌中蕭梁榜進士歷任大府寺丞朝議大夫主管中佑觀贈休寧縣開國男食

邑三百戶嘗修本宗譜一帙而其衣冠蟬聯門閥高大顯著吾鄉如此藻七世
日謹又自溪口分居龍灣而其子孫繩紃貳產豐拓實甲吾鄉又如此於是族
之彥曰景祐貴昌文義顯仁護九祥岩蔭等乃取本宗舊譜重加考訂上推其
源而至江夏受姓之始下達其流而明溪口派分之詳五世一圖作為家譜以
詒後人其用心亦勤矣哉噫能言其祖知子見重不識其先籍談貽笑其矣譜
牒之不可不作也譜牒作則昭穆有叙而疎戚不遺雖百世之下猶足以知其
萬殊而一本不作則喜不慶憂不弔不以至親相視如途人者蓋鮮矣今觀是
譜之作即其所用心蒐輯紀述之不苟可謂得太史公年表之旨歐蘇譜系之
意矣此予所以樂道之為黃氏子孫得不以作者之心為心也信如是廓而克
之則程子所謂管攝人心收宗族厚風俗使人不忘本者未必不本於此譜既
成求予書其卷首故不辭而為之序云昔

成化癸卯夏六月望日

賜進士出身文林郎監察御史鱗溪汪奎書

績溪疊嶺下黃氏續譜序

譜牒之修多法歐蘇二家之說所以紀源流叙昭穆也按新安黃氏始遷歙之
黃墩再遷祁門左田三遷休寧五城績溪疊嶺之族由五城分也其族之彥有
再慶者慨然以端本澄源之心為心率同氣羣從二十餘人告諸宗廟而議之
曰吾宗派自五城歷百有餘年矣不續譜牒何以正其本聯其支而為後世之
張本哉乃取舊譜重加考訂續作本支譜圖一帙上自黃國陸終受姓之始次
及新安太守元集閩門縣尉儀遜齋先生謙翁遷徙之詳下至陶統二處士分
居之要數千百年宗功祖德南支北派無一不備豈非故家巨室之所為保族
者哉嗚呼鄉先達禮部侍郎朱公有言人之祖宗莫不欲其子孫之盛大而昌
熾為子若孫亦莫不知其克承先志為務然天運靡常興衰繼踵有莫之為而
為者有莫之致而致者天歟命歟幸而清白之傳詩書之澤益久而益昌者世
德之厚故也今績溪黃氏續譜之志上昭宗祖下啓孫仍豈非世德之厚者哉
遂括其要以序其首云

成化甲辰冬十一月朔旦休寧雲溪程道隱書

新安黃氏會通譜序

自宗法不明于後世凡通都大邑之間號巨室能僅譜其家者蓋不多得矣若進而能譜其族則加鮮焉况又能推而譜其所同原異派者哉是非其心之仁志之遠力之健固不能有此而或一二見于吾鄉則亦以其居之僻俗之厚用能保其典籍丘壠于兵革之餘乃克爾邪若五城黃氏其一焉黃之先本嬴姓出自陸終受封于黃世奉黃帝之祀逮周而見錄于春秋曰黃人與有尊攘之功後為楚所并子孫因以國氏而春申君實顯于楚曰東明者乃春申之族從番君起滅秦居江夏子孫始盛由是江夏之黃遂望于天下其顯于漢者若魏郡太守香香之子太尉邠鄉侯瓊瓊之孫司隸校尉陽泉侯琬世以忠孝聞琬之後曰積仕晉為新安太守卒葬郡姚家墩子尋因家焉殆今新安之黃所共祖也尋十七世曰儀仕唐為邠門尉因居邠門左田生二子遜謙別居休寧西湧生一子思聰遜生二子思誠思道思道仕宋為盱眙尉又家焉三世曰元之為鈞州判官嘗修盱眙黃氏譜而序之思誠再世曰現生三子叔宏叔仲叔季叔仲徙婺源橫槎叔季徙浮梁勒功思聰五世曰文漢自西湧別居五城鎮生一子晟晟生四子舉溫杵季昌舉生四子宗義宗禹宗明宗和則今五城諸黃所共祖也季昌三世曰侃嘗修五城黃氏譜而序之宗義自五城徙溪口三世曰何以乾道進士歷太府寺丞爵休寧縣男贈通議大夫為時聞人蓋商山安撫吳文肅公其舅汭口端明少師程公其甥而會里尚書程文簡公其師也宗禹宗明四世諸孫最盛其顯者曰拱曰煥曰映曰應龍曰發曰卓曰珏煥生司戶雷復中陳文龍榜進士發生雷益雷豐天錫及提轄雷奮中方逢辰榜進士卓生制韓雷利中文天祥榜進士槐塘丞相程文清公亟稱之珏生若皋若皋生行叟入元授紫陽書院齋長為時宿儒始續舊譜而著其異同之故雷益生常甫號草窻陳定宇先生實師之而定宇亦嘗書其譜之續者拱三世曰元珏娶吳氏有婦節子清夫以孝聞元天曆中旌其門曰節孝見青城學士虞文靖公之銘雷豐三世曰仲瑾娶吳氏復以節聞 國初旌其門曰貞節見吾村春坊貞一汪公傳應龍六世曰昂當洪武乙亥再續其譜而鄉先生曹東白序之至天順壬午映九世曰雲蘇續作一覽圖逮弘治辛亥同其族弟祿大會諸黃為通譜自江夏而新安而盱眙自新安而歙之黃墩黃屯邠之左田休寧之五城婺源之橫槎歙之古城橫岡浮梁之勒斛又自橫槎而德興茗園樂

平鳴琴里藍溪鄱陽鑪山自五城而溪口星洲嶺南龍灣北郭商山汉口潜川
陳村閩口績溪暈嶺諸派自天順至今幾三十年所謂心之仁志之遠力之健
若雲蘇與祿者殆非其人歟然求之四方他姓豈無其心及其志與力而處孔
道之下經蹂躪之交典籍蕩于烟燼丘壠陷于蕪沒顧欲聯其族而合其同原
異流者于一且豈非事之甚難者哉於是取以鉞梓其各派相與佐之踰年而
告成奉以請序其首簡予閱之累日得其大端而書之曰惟黃氏之先實以忠
孝有開厥家故為其後人者或學古勵行以淑其身或聯科世祿以延其澤或
高閑接畛以拓其產中世以來男以孝婦以節旌其門著于史者又足以上昭
祖德下啓孫仍而况諸譜既同則宗盟益篤宗法可尋所謂新安之黃者將由
一郡而顯于四方且與江夏之望相高于數百載之上而無替焉者亦將兆于
斯乎詩云無念爾祖聿修厥德又云雖有他人不如我同姓黃氏子孫其尚勗
之若夫謹昭穆之稽徵文獻之守詳真贗之別則前人之序已備茲不待贅云
弘治四年歲辛亥冬十月望
賜進士及第中順大夫詹事府少詹事兼翰林院侍講學士兼修

國史

經筵官致仕同邑程敏政書

集成會通譜叙

譜何為而作也蓋人子為親親長長而作也然道不外於人倫而行莫尤於孝
弟親其親長其長則孝弟立而人倫明矣此譜之所以作也昔在帝堯堯明俊
德以親九族舜明於庶物察於人倫堯舜既沒夏后殷周繼作設庠序以敷五
教制宗法以統天倫當是之時人倫明於上教化浹於下百姓協和萬邦作乎
而非後世之所能及矣周室東遷明王不興異端起聖人之教不行宗法廢天
倫之序無統一變而至亡秦遂成借鋤取帚之俗曾幾何而不為堯戎也哉繼
而漢人斗粟尺布之謠唐室乳晨麀聚之瀆五典之教天倫之統果何在乎至
若五代郭崇韜之拜則又貽笑于萬世者也是蓋人倫不明宗法廢弛民俗頽
弊甚矣幸而皇宋誕膺景運五星聚奎於是吾郡朱夫子者出闡六經之幽奧
開萬古之羣蒙復祖三代之制酌古準今著為家禮以扶植世教其所以正名
分別尊卑敬宗睦族之道親親長長之義燦然具載而歐蘇二子亦嘗作為家
譜以統族屬由是海內之士聞其風而興起焉者莫不家有祠以祀其先祖族

有譜以別其尊卑若五城黃先生思濟者專以是為心嘗如左田如黃墩適時
貽至江夏以稽其祖考之所自出復偕其族弟祿如浮梁如樂平如德興如鄱
陽如婺源如黟如績溪以考其支派之所由分夫既探其本而獲其源遂舉十
邑之族統而一之以為會通之譜從事於斯十有餘載篇簡未集而卒祿亦尋
復即世已而厥子曰堯曰岳從弟曰濩者奮然協力一如先生之志因其舊簡
重加考訂復踰三載始克成編會千萬人于一家統千百世於一人世次有圖
支系有派同異有辨文獻有錄世次圖而天倫有統支派分而尊卑有序辨其
異雖貴富而有所不與致其同雖賤貧而有所不遺錄文以稽其行紀賢以勵
其俗誠有補於世教者矣吁不有先生則無以創其始微是弟是子則無以成
其終歷年有如是之久宅心有如是之勞自非知之明而行之篤其能然乎亦
可以見天理民彝之不可泯焉者也然則披而閱之十邑之子姓森乎其前仰
而觀之百世之祖考赫然其上孝弟之心其有不油然而生者幾希矣
弘治辛酉春二月甲午荃溪俞芳序

黃氏會通譜後叙

新安黃氏江東著姓也系陸終之緒自得姓以來春秋有黃人之錄楚有春申
之顯漢有江夏之望是皆載之經史歷歷可攷者也逮東晉間有曰積者自江
夏來守新安未幾而卒子尋廬居因家焉是為新安祖也其後子孫益顯且蕃
散處四方各望其地各宗其譜是以慶弔不通名分莫稽昭穆失序相視為塗
人之讖者勢固然也今休寧五城黃雲蘇氏與其族弟祿一旦奮然有會通之
舉乃取諸先世所藏家譜泝流而究其源熟檢閱之故發書告諸族人以宗盟
為言皆曰惟義是從會者二十六支請斗山程天相氏編輯為若干卷附錄像
圖一卷文獻若干卷綴梓告成求篁敬程先生大序其篇端復徵予言以識其
後予惟史筆既為之以括其要又何遺補於後哉固辭弗獲遂為之言曰自小
史不攝譜牒既廢姓氏源流錯羅無據久矣幸而歐蘇者出得有明夫錯繆之
非以續夫久廢之典足以垂範於天下後世此則法其正而成之大者也今黃
氏會通之修本人子仁孝誠敬惻怛之心以訂千載之異同歸萬殊於一本奉
奉焉以古人為法者惟欲求其正大而已然而說者或以為逞閑閱之盛者過
也抑有反其詞以為飾茫昧之過者亦過也夫以黃譜之作不因襲其舊非不

附會其已意正本澄源合諸家之異同而折衷之其法於正以成其大也為何如哉嗚呼黃氏自遷新安以至於今歷世數百年雲仍幾萬人昭昭穆穆秩然有叙俾為子孫者知祖宗之一原孝弟之心油然而生使服窮情盡不至塗人之譏則黃氏之姓益著而黃氏之譜尤足以法於世矣傳曰言而世為天下法行而世為天下則此之謂也若夫保丘隴而存其薪木守名節而耻於污下謹昏姻而擇其德望是皆巨室家法之所存予故以雲蘇與祿法之正而成之大者識其後云

弘治辛亥臘月上浣

賜進士承直郎主兵部事金陵陳欽書

鄱陽鑪山黃氏修譜序

別親疎之分明昭穆之序統世系之長而為民彛之當重者古姓氏之書所以著明也此鄉子能言其祖見稱當時籍談不識其先貽笑後來由譜系之明與不明故也譜系之於鄉平世教之大方今聖人在天子之位內昇平凡天下大姓人人以尊祖敬宗之心為心此譜牒

所由修續也弘治己未冬鑪山黃珪璋氏偕其族子從正金鑾攜族譜一帙來予宦邸貫序其端入新安五城與諸黃為會通譜以垂永久予愛之重之有以駕鄉子而鄱籍談者矣其先世有諱積者在東晉時由江夏來守江東新安郡遂家歙之姚家墩族日寢蕃迄唐時有諱儀者尉初門又家初之左田而叔仲再遷婺源之橫槎其後有希孟者仕宋為建康太守播遷鄱陽之鑪山而其譜牒始作於仁則先生繼作於孔文孔暘二公故其支系之傳源遡流分秩秩可考雖語傍人不待喋喋而自著明矣然源深者流長本厚者末茂今觀黃氏之為族也徽之六邑饒之五派不下千百餘人派雖有異而同乎祖則一也族雖有遠近而親親之情則又若一也猶木之蓓蕾條枚水之潛沱洎滴豈能逃乎一本一源哉何則情見於親親見於服服始於縷而止於總使親盡無服必至相視如途人其可也和今是譜之作視如歐蘇之譜斷自五世而止雖百世之遠可視諸掌則親疎以別昭穆以叙世系以統而所以繩其祖武通追來孝者顧皆橐籥乎是不啻雲之昭而漢之回也吾於是知黃氏子孫尊祖敬宗之心油然而生重一本之念淳然以發為前之美益彰為後之盛益傳者可多得

乎哉然有一焉是譜之作成之者不易而守之者亦難尚當世德作求勿替引之斯其可予不靳故書此以為繼述者勉焉時弘治己未孟冬吉旦

賜進士第文林郎知浦江縣事稽山虞坤書

樂平藍溪黃氏族譜序

黃本世家江夏有諱積者事晉元帝守新安郡子孫家焉今新安祁門之左田縣之橫岡休寧之五城溪口績溪之疊嶺婺源之橫槎自新安播遷于饒鄱陽之贛山浮梁之勒功德興之茗園樂平之鳴琴里藍溪諸派皆其後而藍溪之派由宋金紫光祿大夫府君之孫希由肇基也府君諱端上距郡守二十有八世矣府君之後顯于英宗朝者希由顯于徽宗朝者曰文集繼而元忠以居信而泰之以甲第顯于高宗孝宗理宗之世至元文宗朝有口常者以明經進士起家歷任戶部尚書江西省叅知政事廣東道宣慰副使僉都元帥而其子爵林同知楚石天台知縣燕石丹陽縣丞起石俱以蔭得官工部主事安石以文學顯于

國初今族胤有曰深者借其弟益佐追慕先德之積乃奉譜系入新安休寧五城與諸黃會通為大譜若干卷將壽梓以惠諸族徵應奎序之子聞古者之保姓受氏也天子賜之司商協之立宗以聯屬之而忠義之教成朝廷之勢尊天下之家正保族者保天下之道也天下各保其族天下治矣自宗法廢而譜系興公卿起自犁鋤世家降為輿皂颯旋燭轉消息興衰不能以相齊者數也自一人之身分而至于途人者勢也一氣之推亘萬世而不相忘者義也齊其數矯其勢以通其情而匡翼斯義于天地間使萬古不墜此譜之所以作者仁也仁義立而天彝以崇民紀以正教化風俗以率于古析之而喜相慶哀相弔蜡社相飲貧窮患難相助郵達則立功可伊可周窮則立言可顏可閔以求無過數前人光不自茲始乎蓋傲乎古者保姓受氏之防裁天下之幾大中也黃譜自宋叔仲翁修之叅政吳公育序之寶文待制希由續之而玩芳養吾邵菴數君子品題掄詠流光垂榮至今鏘然鳴藍溪元間嗚呼盛哉叔孫穆叔曰以守宗祊世不乏祀予尚以是勗黃氏之後人時弘治己未夏至日鄉貢進士同邑白厓彭應奎序

樂平街北鳴琴里黃氏續譜序

古者因生以賜姓賜氏於國於謚於號又或以官以爵支分派別千途萬轍自
晉東渡五胡亂中原衣冠離散譜牒之不修久之魯直與成之祖同四世年六
十始相識衡陽陶潛於長沙公同出大司馬過潯陽始譜其源委甚者如郭崇
韜哭子儀姓閔者謂已出於子騫好矜門第者同姓當路奔走乞認假令譜牒
整飭有所考而不忍背絕有所畏而不敢妄認譜牒所關非細故也吾始祖明
誠公生子二伯曰希由仲曰希舜希由自婺源之橫槎遷樂平藍溪希舜分遷
樂平街北鳴琴里街北與藍溪生齒磊磊煙火相比兼以所居異處今日秋冬
蒸嘗廟罔同事歲時蜡社不能相與盡其歡欣洽愛自是而後蔓延數十世服
盡親盡親盡則不慶吉不弔凶親親之仁忽然街北藍溪之族將至於途人也
况所視如途人者其初兄弟也兄弟之初又一人之身也以一人之身分而至
於途人則手與足異世道奔竄獨可悲也此譜之所以不可不作也譜既作則
明日昭穆次第班班可考蒸嘗蜡社對一人則念孫曾持孫曾則思一人欲背
絕者不忍為欲背絕者不敢為諸孫曾之觀此譜猶亂臣賊子之觀春秋也而

魯陶郭閔四者之弊由是箴矣昔范文正公置義田陳德高置義庄養濟羣族
之人劉德華立義學教族子弟皆念其初本一人也吾族之與藍溪獨無是心
哉勿以地里遠近為骨肉疎親若然則譜一虛具耳若夫宗支分派舊秉筆者
詳矣毋庸贅云

弘治己未冬十月既望樂平邑庠生裔孫淳百拜謹序

休寧閔口黃氏宗譜續編序

惟黃氏居新安距今千二百年子孫蕃衍散處于郡之六邑若休寧閔口之族
亦其一焉按譜黃氏先世居江夏至晉元帝渡江都金陵有曰黃積者太守新
安子孫家新安郡新安之黃蓋自太守公始也太守五世曰碧璇居歛黃墩碧
璇十世曰儀唐玄宗朝縣尉祁門子孫家祁門左田新安六邑之黃又自縣尉
公始也故新安黃氏祖太守公宗縣尉次子謙遷休寧西湧五城謙十
六世曰武自五城遷會里武次子滿居中澤滿之子虎擇閔口之地而徙家焉
其宗派世系之詳功德行實之美在

國朝洪武中五城鄉先達昂所修之譜而著明矣天順間昂之族子思濟又續

之抵至于今歷三十餘年虎三世曰永興者拳拳以敬宗睦族之心為念乃取舊譜重加考訂為閔口黃氏宗譜續編而千二百年之衣冠人物粲然在目可謂故家文獻之後有足徵者間奉以請予序予曰噫新安黃氏循太守公而上至漢尚書令香邠鄉侯瓊泉鄉侯琬以忠孝開厥家繩繩相繼而來踵其跡者在新安有守貞先生尋御史中丞上柱國德孝子芮大府寺丞何提幹雷奮制幹雷利直閣侍御葆光秋江處士清夫此數公者生有祠死有謚旌于門著于史後先相望是其祖德宗功源深本固以致子孫流長末茂也抑考之地志閔口去邑東南三十里土沃川廣民淳俗仁而永興承忠孝之後與其族人聚處于斯當思勉焉讀書以繼先志尚義以培世德顯而為良臣為碩儒隱而為良農為上賈則江夏之望新安之派相為無窮而黃氏之澤未艾也斯譜預有光焉於是乎書

弘治十一年三月既望鄉貢進士婺源胡濬序

書黃氏會通譜後

予黃氏之先始自陸終著于江夏傳于新安迄至于今歷四千餘年子孫蕃布

天下可謂盛矣第以支分派別親疎遠近未易悉考於予心嘗缺然也弘治戊午予承乏湖之定海學分教忽見輩自家來持徽之五城族人所編諸黃會通之譜而予若園之派在焉予閱之累月九支系之分出處之迹若親近若親踈歷歷可考是編之義實端本澄源之意為百世不朽之圖是可寶也噫斯譜之作倡於弘治庚戌成于庚申寒暑十二更鳩金銀梓三復校正哀為卷帙題曰新安黃氏會通譜凡古今德業勲名賢良節孝隱逸文翰無不具載俾觀者知世家鉅族之所自來可謂勵志宏遠用心精密者矣奉斯譜者誠宜勗之弘治庚申冬十一月既望分掌定海縣儒學事裔孫德興名園新田鑿廷重謹識

續修新安黃氏會通譜序

黃之為望於天下尚矣出黃帝諸孫陸終之後受封于黃春秋以黃為國後為楚所并子孫因以為氏春申君歇相楚長沙內史東明佐番君滅秦世居江夏安陸東明之後有尚書令香香子邠鄉侯瓊瓊孫泉鄉侯琬世以忠孝聞于漢於是安陸之黃遂赫然為望於江夏琬之後有曰積者仕晉為新安太守卒于

官子尋擇地塋郡之姚家墩廬于墓側後因家焉乃更名其地曰黃墩於是黃墩之黃又赫然為望于新安新安徽之舊額也自時厥後子孫支分系派棋布于徽饒之間忠孝相繼閥閥相承翼翼綿綿誥誥螭螭何其盛哉蓋其先世有大功著于朝廷大德於生民故子孫世食其報如此夫自晉至今相距千七百年不為不久也自江... 于新安盱眙以及饒嚴諸派相去千有餘里或數百里不為不遠也其支派衍為二十有六而子孫延至萬有餘人不為不繁也苟欲聯族屬於一書叙昭穆於一室使人人皆知有水木本源之義而不相視如途人者其事不亦難而其責不亦重矣哉天順壬午徽之休寧五城有曰雲蘇者歷考黃氏宗支作一覽圖弘治庚戌與其族弟祿大修會通宗譜鳩金鉞梓未克成編二人者相尋淪謝戊午春雲蘇之子曰岩豈曰岩岳以一宗之舉括其首不可不究其末乃發書再倡諸黃其族之賢者相與佐之復請斗山程君天相而編輯之又越三年而告成相與奠諸宗祠而名之曰新安黃氏會通宗譜俾黃氏子孫世世而貽範之誠一宗之盛典也予因致政家居之暇適吾邑茗園處士俊携譜來徵予序予惟譜之作所以尊祖敬宗而睦族也非苟為

夸詡門第而已然以至久至遠至繁之人之事業而為一使千柯一本萬派一源粲然明白而可據井然條理而不紊非其文獻足徵固無以得其實且詳如此而非其心之勤且厚亦何以致其詳且備如此耶余故曰其事至難而其責至重也諸派子孫苟能因是而求作譜之意以興起其水木本源之心以益修其孝悌忠信之行相與尊祖敬宗而睦族焉將不有通神明召感應摩肩接踵而起以亢宗於新安以上追江夏之芳躅者乎若然則有光於斯譜而為望於天下豈有既乎哉傳曰公侯之後必復其始吾於黃氏子孫有望焉是為序
弘治辛酉孟春吉旦
賜進士通奉大夫正治卿廣西等處承宣布政使司左布政使致仕德興舒清
本直書

休寧商山黃氏續譜序

予竊觀喬木大家莫不由其先世功德之及人者深則其澤流後裔益遠而益蕃自然之理也商山黃氏蓋晉新安太守元集公之後公子曰尋家于郡其後九世曰碧璇家黃墩碧璇子德唐高宗時刺史福州黃墩之族始大閭門尉儀

家邑之左田儀子遊齋先生謙家休寧之西湧譙四世曰堅家西湧東塢堅之孫文漢家五城文漢十二世處士樵家商山即今居是也商山有宋安撫吳文肅公之族世居之文肅為之府寺丞黃公何之母弟蓋商山之吳五城之黃自宋迨今歷三百餘年門閥相峙處士以世姻移居之隱然朱陳之村於商山之陽見之矣是其世家世德至于今日愈久愈隆而無替焉者處士子一人曰泰安孫一人曰桂字用和學文修行嘗割股以療父疾有司欲聞其事于朝以旌其門用和進謝曰父母恩深人子職分之所當然事親之道不能彷彿古人萬分之一奚當以孝行稱於時力請免

聞及父歿衰毀踰禮自治甚嚴作教範二十餘條為一家之政曰整宗理宗繼宗浩宗京宗為子職事用和知用和之於父母焉至於保丘墓剏居第連町畛培植世業者班々然也於是整宗之子德友理宗之子德蕃浩宗之子德奇京宗之子德貞率同氣者十有餘人取五城舊譜修續本支請予序其卷首予考五城先世之顯大者自大府寺丞公之後如司戶雷復提幹雷奮制幹雷利主學珏朝議大夫渙蘄州判官澄進武校尉黻迪功郎山進士逢原檢閱彌高省

元彌振草牕先生智孫秋江處士清夫或以文業顯于國家或以武功靖于邊疆或以德行著于鄉邦所謂喬木大家箕裘不墜有自來矣傳曰源之深者流必長商山黃氏子孫承先世之遺澤讀先世之遺書行將致用于時與五城之望相高斯譜預有光焉是為序
成化己亥七月既望通奉大夫河南承宣布政使司左布政祁門程泰用元書

西塘黃氏宗譜序

吾人肇生必始乎祖猶水之有源木之有本也蓋流之長者其源深榦之茂者其本厚若子孫者能追其始而善其終焉斯可稱為孝子慈孫之謂矣其或食其食而忘生生之天衣其衣而忽化化之原則昧本矣可乎哉余致仕閑居於家適新安黃君國華仲京有舊好之篤謁余持家乘一帙而言曰愚先世居江夏東晉時諱元集公者守新安而歿於官子尋廬墓因家黃墩厥後儀公為閭門尉家食左田吾祖詔公於五代天福間自左田徙居西塘迄今二十一世矣今幸吾宗添園子修正宗譜是誠光裕之盛舉也然世遠支蕃苟無文字以彰賢良以別彙系是失宗元之統會也吾儕豈可以自委乎敢請先生鉅筆以彰

之庶今之文獻得著其所自來後之雲仍不忘其所自出幸無辭焉余喟然嘆曰今之人敬多怠於二親禮恒失於族人若見鬼神也則鞠躬惴惴而不敢肆遇貴宦也則叩首顛顛而不敢言至如宗親之通者反澹然而不相聞漠然而不知序抑又不知其何心也噫不過怠宗系而弗修塵支紀而弗經耳殊不知忽宗牒而弗理者是忘其宗祖也則我他日為人之宗祖也又何責望於子孫耶此吾所以首叙水木本原之義以著生生化化之由而為盛宗賢良者贊也今黃君國華仲京求序於余是謂思本尋原之意也傳曰孝者善繼人之志善述人之事者也其國華仲京諸君之謂與姑撮梗槩以見仁人孝子者之用心亦以著大家華尊自然生生化化與乾坤同其春者焉於是乎書

賜進士第江西道監察御史建德五台徐紳撰

西坑黃氏宗譜序

休寧西坑黃氏脩其宗譜既成其彥昇持以示予而請序之予惟兩儀既判而人生其間紛然而無統也必聖王立宗法以一之收其散而合其離俾少不得以陵長疎不得以間親富不得以吞貧相生相養而後可以長治久安逮歐陽

脩氏蘇明允氏出創脩家乘而垂範百世後之作譜者雖生齒之多而年代之後先文字之繁簡有不同而大要莫能喻乎其舊是以遐陬僻壤荒服之人猶知親其親長其長况近而東南鄒魯之地涵濡聖化者乎西坑黃氏自祖十萬公田祁門左田之遷迄今歷六百有餘年相傳一十有九世雖歲有舊譜然多殘闕失次必待今而始脩之則向之殘闕者得以補完失次者得以就緒明宗正本之功其大矣哉然予猶謂祖其祖罔知所以法其祖非知譜之務也由近而言之吾十萬公垂統闢基於西坑固後人之所當法若祁閭尉儀公闢基於左田為各派之始祖非後人所當法乎等而上之積公為太守於新安尚書令香公以孝聞於天下又非爾後人所當法哉夫能近法遠稽而厥祖之是念則為聿脩厥德而無忝於後必曰身乃祖宗之所遺也吾其慎而徽之業乃祖宗之所創也吾其保而守之祖廟先靈之所安也吾其整飭而時潔之宗器先世之所陳也吾其敬而藏之典章前人之所制也吾其時而佩服之然則繼志述事德可久而業可大是譜之脩所係豈小小耶昇再拜曰君子之命至矣請書之以為後人勗而亦以之自勗也

賜進士第大中大夫資治少尹湖廣布政司左叅政前兵科給事中奉
勅南贛兵備副使郡人讓溪游震得撰

竦塘黃氏族譜序

新都多彊姓而黃氏為最著按舊譜黃氏之先昉于黃帝之裔陸終受封黃地
以國為氏自後若歆相祖封春申若東明從番君滅秦翊漢居江夏安陸子
孫始盛由是江夏之黃遂望于天下代有聞人西漢次翁相宣廟封建成侯東
漢香官尚書令子太尉邠鄉侯瓊孫司隸泉鄉侯琬世以忠孝聞琬之後曰
積字元集仕晉守新安卒任塋郡南姚家墩子尋廬墓因而家焉故名其地為
黃墩厥後儀字元和任初閩尉始居邠之左田十六傳為邠三子宋乾道末自
左田遷竦塘族遂大裔原祐為霍州判官直為龍虎衛經歷文英判九江府厥
後多潛德不樂朝食曰濡者字子沾讀書好禮懼世系之紊且墜而將來失所
據也乃手輯家譜自得姓以迄于今燦然明備以序文屬之餘夫古聖王制為
宗法使各親所親厚所厚以無忘所自出而惇睦于厥族所以通天下之情也
又凡名承石族皆古聖賢子孫亦有爵土其苗裔列為編氓匪賴譜牒之傳何

以不昧先世遺徵而無忘先王崇德象賢之餘澤哉今之為子孫者或什百千
萬其居徙或東西其初固一人之身也而至於離析不相屬者由於譜牒
廢而前無所承後無所據所以閭閻混於庸流宗明等於胡越厥有由已是故
家之有譜所以通其情率其理而救其勢其係大矣况邇遠其宗若霸之循良
香之孝行琬之忠義跡其近躅若邠之儒術竹窓之遠德濡之素封守禮又皆
彝倫之懿範也予又聞竦塘之居在歛西金竺之麓寬池巍阜棋列星羅膏腴
甚廣蓋天地之顯設以祚黃氏使世世蒙福也為黃氏子孫者若仕者隱者可
不思所以承先德而答天眷哉若然則黃氏之族弥昌以大而黃姓之譜弥遠
以光矣爰因子沾君之請為之撰述俾謹感之以貽厥後云

昔嘉靖十三年歲次甲午除月既望

賜進士中順大夫 南京國子監祭酒前右春坊右庶子

經筵官翰林院侍講學士鉛山鍾石費棠撰

高場黃氏會譜序

夫觀譜者可以知先王之教矣譜非先王制也然而有先王之遺意焉自夫宗

法既壞事無統紀而敬愛之教亡教亡然後譜作是譜之作也豈無謂哉諒然示人以愛矣秩然示人以敬矣苟譜牒未叙世遠人蕃原委昧也親疎淆也尊卑紊也而人倫以之不正風俗以之不厚耳噫譜之繫於人也豈曰苟焉而已哉今休陽黃君守之者與予友善因論其世曰吾黃氏出魏姓陸終受封于黃世奉黃帝之祀故子孫遂以國為氏逮晉有諱積者任新安郡守卒於官塋於郡南姚家墩而子尋遂家於斯焉自尋以至儀公為閭門縣尉遂家於左田聿修厥德增其式廓子孫蕃衍賢才輩出而派分於遠近者咸本於茲吾禹公之遷高源迺儀公之裔而吾族迺禹公之後也沂夫遠之先代人傑行異者固弗德悉其詳推乎近之始祖人傑行異者又不敢安其略然高源之派本於左田吾士能公雖有譜牒之叙又未會集常以惴惴有待緣丙辰左田漆園瑜君者會族之義拳拳彌切而吾族親陸之心不約而孚矣是以敦請濶澤以明吾族追遠垂後之意焉予因嘉其志而莫逆按君家譜而觀之則知君之身而達之考而祖而曾祖而高祖以及於始一脉也能勿敬乎又知君之兄弟與同祖曾祖高祖之兄弟以及於族一氣也能勿愛乎然以一脉者當敬焉而或莫知敬

一氣者當愛焉而或莫知愛非子孫弗知敦本之故也由譜籍之未續耳今左田之傑以收族而倡之是源也而欲思其流可以觀義矣高源之傑以慕族而和之是流也而欲思其源可以觀孝矣孝義並立源流胥續而斯譜適成也譜既成矣而愛敬自篤由是以永思者眎其源以昭穆者眎其序以親親者眎其宗以老者眎其年以貴貴者眎其爵以功德者眎其行以世守者眎其規以文獻者眎其籍班班可考世雖遠也而行之卓者則弗泯人雖往也而續之備者則弗磨地雖異也而派之分者則弗謬若茲則愛敬之道斯備焉光裕之心斯慰焉予故曰譜之繫於人也大矣於是乎序

賜進士出身奉訓大夫尚寶司少卿 內閣知

誥勅官賜四品俸前國子五經博士錢塘六橋徐江山撰

竦塘黃氏族譜序

夫世家鉅族胤嗣蕃衍福祚綿延寔熾而昌垂于無疆者其道有三焉一曰祖德之遺二曰地靈之萃三曰繼述之善蓋有開必先敬承在後源深而流長膏沃而光燁乃造化之數自然之理也余觀竦塘黃氏所編其族之譜寔幾其能

備此者矣越自胙土受姓本于陸終孝行忠貞顯于炎漢守土保民肇基新都
謙政胥宇遂家左田擅勝奄宅拓業竦塘揆厥源委勲庸著廊廟德澤被生民
文章昭史冊數世之下或耕或讀或出或處陰功隱德繩繩相繼未可殫述是
其祖德之所遺者深也余嘗過其里居觀其山川支壠起伏發于金竺噴岷駿
拔蜿蜒而來卷阿環抱特為一壩層巒挺秀曲水涵清有印石之奇有迴沙之
曾迺黃氏世居之代有聞人賞雄猗頓跨越江湖是雖濬發之祥有所自來而
山川鍾孕于人者亦未可罔也是其地靈之所萃者厚也世之家祿者鮮克由
禮族蕃者或至於漸踈黃氏富而好禮敦本尚義比屋豐裕生業相資詩書之
習蜚聲胄監列秩朝簪迺為念宗祊載重譜牒是不可不謂之善繼善述者乎夫
有祖德以開之地靈以孕之繼述以昌之故黃氏流芳衍慶以淑其後人將無
涯矣予與黃氏姻婭且德善相資頗久故觀其譜成而序諸篇端若夫世系之
源流歷履之委曲且詳譜中茲可以不贅
賜進士第亞中大夫苑馬寺卿前
監察御史栢庄方遠宜撰

休寧黃村黃氏會譜序

予嘗閱歷代譜暨宋元遺錄見歐陽子修有曰宦游不歸故閑者如衣繡夜行
族繁不叙根本者若蠡羅誕蔓蘇子明允又有曰蒼松喬幹寫明秀翠棣芬枝
萼自奇是皆云乎宗系之清白在乎子孫之賢肖者也是故宗系弗理胡以別
梓樗之殊柯子孫雖淑亦胡以著人文之炫奕耶余致政之餘每以琴鶴娛日
其於國史家乘亦嘗披目以燭古今之風化也適有黃之後彥踵門鞠躬而告
曰吾家始於江夏望於新安著於左田吾祖恭公又自左田而遷黃村肇開鴻
趾而為我系之始祖者也繼而支派芬芳日昇川至仕而行志者有以赫諸先
隱而樂道者有以奕諸後厥間邵德茂奮可以煜星斗之文章嗣後持操崇貞
亦可姝金石之雅粹今幸左田漆園瑜君者秉公竭忱會同攢異誠吾宗之躋
舉也吾支雖曰前後有人文獻頗具苟非名卿鉅墨以為之叙焉不猶雲龍梟
狂歐奇貝溺淘湮者耶余听其言誠契歐蘇二子之懿韻有以動夫子孫孝敬
之良懷也徐應之曰觀子之言咸云前後之實德究子之意欲叙本姓之真原
吾儕聞子宗聲第奮固已久矣亦鄉郡遐邇所共誦羨而畏敬焉者也予復何

言哉亦將盛宗實美高風以弁諸譜云

賜進士第文林郎雲南道監察御史筆山崔涯撰

歙竦塘黃氏族譜序

自昔因生賜姓胙土命氏姓氏之所由來也族類既廣生齒日繁于是國有誌家有譜所以根抵原始疏析流委叙別昭穆紀載蕃夥使一本之義明萬殊之派合尊祖敬宗而惇叙族屬之要典也我聞新都巨姓往往知重乎此竦塘黃氏為新都歙西名家舊譜載黃氏出黃帝諸孫陸終苗裔曰緡者在周時受封于黃遂姓黃氏其後在楚者為春申君歇家盡于壽春族在吳者獨存焉西漢初曰東明者從番君起滅秦居于江夏子孫遂盛墾于天下東漢有魏郡太守香香子太尉瓊瓊孫司隸校尉琬世以忠孝聞傳至東晉時曰積守新安卒于官子尋葬之姚家墩因廬墓而家焉新安有黃氏自此始尋傳十五世曰儀仕唐為祁閭尉因居于祁之左田儀傳十五世曰廉伯生百二字寢齡乾道末始遷竦塘故儀公為左田始祖而二公為竦塘始祖而二公悅竦塘而遷居之果大蕃盛英賢屢出名在仕籍有曰象祐曰直曰文英等在澤宮曰文裳業擬

素封者不可殫述而曰濡者尤著子姓振振焉停玉立將大振厥宗而曰鍾曰濂曰毓秀璵珮者日遑遑焉以修譜牒為急茲其大致據傳信之史刊繁瑣之文畧簡策之已詳疏派委之當悉遠邇陸終次錄香瓊琬所者存舊文也自積以下始加詳焉據明徵也揭書積儀百二重遷祖也下疏枝派別昭穆紀繁夥也旁收文翰取證據昭先懿也荷與休哉益彰竦塘族之盛矣諸君皆且有從政之責則由家而及國由一族而及萬民使咸取法乎是本崇而愛立族睦而恩普所以助

國家惇叙和平之治豈其微哉余與黃君雲陵夙有通家之好辱以成譜寄示且徵文焉閱而韙之因叙而弁諸首云

婺橫槎黃氏家譜序

吾黃錫姓之原遷徙之迹門地之顯晦人物之否臧前人之譜詳矣一展卷而上下數百年之祖功宗德炳然在目誠足以勵人心淑倫理樹風教于不窮譜之功大矣哉按晉諱元集公自江夏守新安遂家焉為新安之始祖厥後子姓

日蕃十五世諱儀遷初之左田十九世諱叔仲遷娶之黃村叔仲次子諱立初
又吾橫槎始遷祖也立初之曾孫九九人復僑列郡曰希堯者丕公正出長子
繼堂伯琦公居溪東曰希燦希輔居溪西故東西二派雖愈遠愈繁而一本之
恩久而彌篤迨宋末有倡異說紊東西昭穆之稱者幾二百餘載幸倫叙之譜
于各派者未墜也歲嘉靖甲午秋叔東厓翁大懼非禮命予叙東派叔祖梅崖
暨子復叙西派合而譜之稱謂之嚴無少假借不數月而東西之序復明焉是
故紀行次辨代也紀婚娶慎配也紀生沒丘墓示不忘也科第之紀非貴貴乎
節義之紀非賢賢乎儒雅者逸之紀非尚齒尚德乎出繼附疇生重所後也傳
之必書止防冒襲也同宗失序不強附無以臨尊卑也而敢棄貧賤援富貴以
亂厥宗哉吁譜之成亦難矣謹以告于先靈而颺于子姓曰人受天地之中以
生凡例名為斯譜者孰無君臣父子夫婦長幼朋友之倫乎孰無孝悌忠信之
心乎諦觀先德謹書而讚之不已者必子之孝臣之忠弟之悌婦之貞且順焉
者也彼相讐為讐反目勃礮圯尔宗辱尔先者寧能以溢美之乎故譜也者普
也普其教于五倫之間也教行則倫明倫明則愛洽和氣致詳胤熾作昌于譜

有光否雖富連阡陌官居台鼎亦奚足取哉後之譜今亦猶今之譜昔凡我宗
人宜知所以自勉矣昔

嘉靖甲午歲長至日裔孫南岩仁吉頓首謹序

休寧黃村黃氏會譜序

譜何為而作也所以統宗之同以篤親親之義者也是故其心為至仁其事為
至公而為君子之所慎重焉者蓋人之生一本發源萬派相因固天之所以廣
其傳若夫會通衆流而大統之則又夫人反本會源之義苟天遠其派而無人
事以為統紀則本支者既若燕越同宗者異若蒼緋而親親之道晦甚者流派
寢多姓氏紛錯易至淆亂心烏乎仁事烏乎公是以君子必慎重于斯今休陽
黃村黃氏其先世發軔羸姓陸終受封于黃世奉黃帝祀遂乃國號為黃此固
天啓黃氏一脉之原嗣是而支分派別蔓延海內逮晉有諱積者自江夏而任
新安郡牧政清民和卒於官所其子尋擇塋於郡南姚家墩遂家焉此吾新安
黃氏之托始也數傳而至儀公又領閭門縣尉擇家於左田子姓益熾凡黃氏
分派於遐邇者多其衍之也茲黃村黃氏燦然文物之盛實儀公曾孫恭公之

遷于茲也本宗譜牒俱有紀載但統宗之義尚未之明而志士仁人莫不撫髀興思緣乙卯春左田漆園瑜君者林下優游博學古今會族統元拳拳孝教而黃村東塘瀛山繼芳君者慕宗之心不約而孚矣故會族類之同以敦一本之義非宗者不得強合雖富貴奚以倖入同宗者不得私泯雖貧賤奚以漏遺於是續此大公至正家籍聯屬遐邇俾名分謹嚴倫叙條析如日中天而沂流可窮源萬殊一本之統不紊愛敬之崇愈久而彌碩矣嗚呼盛哉昔我程公也以世數疎遠族類彌繁雖本宗各載譜籍而統宗會源之義未昭先生篁墩迺起而大會遠迹執筆而訂正之然後親親之義大明而此書遂為程氏不刊之典其心何其仁其事何其公欤今瑜君與族同茲舉也其心其事殆質之篁墩而不謬者乎時有縣學生邦教者吾弟也因箴備休南全真與黃村黃氏府學生一泉子友善為之請敢以是應之謹序

嘉靖乙卯冬十一月望日文林郎知鉛山縣事婺源槐峯程宗洛撰

疎塘黃氏族譜序

夫族何以有譜也譜也者普也所以普吾心以達之宗族者也孩提之童無不

知愛其親及其長也無不知敬其兄是親親敬長非從天降也非從地出也皆本之吾心者也親一也而有親疎之殺長一也而有厚薄之等是親疎厚薄非從天降也非從地出也皆本之吾心者也吾有親吾自親之而非吾親者吾弗親也吾有長吾自長之而非吾長者吾弗長也是親與非親長與非長非從天降也非從地出也皆本之吾心者也是故作譜之法本始必正而原始之誤者謂之謬遠邇必明而終遠之詳者謂之誣同異必審而好大之同者謂之誇是三者作譜之通患也予親疎塘黃氏譜其可以免是矣夫黃氏得姓於軒轅受封於成周而大盛於炎漢之時至東晉有曰積者為新安太守卒於官子尋壘之姚家墩因廬墓而家焉尋之後有曰儀者為祁閭尉遂居祁之左田儀之後有曰蕪伯者生而二公乃遷今之疎塘是而二公為疎塘始遷之祖其本始不既正乎按舊譜遠邇陸終次錄魏郡太守香太尉瓊司隸校尉琬至儀而始加詳焉至而二公而又加詳焉其遠邇不既明乎考宗法以正其傳列世系以紀其實載文獻以徵其信可疑者則闕之以存其疑可黜者則削之以黜其偽而一切貴顯微賤之跡皆弗之論也其同異不既審乎本始正則非謬矣遠邇明

則非誣矣同異審則非誇矣備是三者不可以為良譜乎使是譜而行于一家則親親長長之心達之一家矣使是譜而行于一鄉則親親長長之心達之一鄉矣使是譜而行于天下則親親長長之心達之天下矣故曰人人親其親長其長而天下平然則是族也又奚特為黃氏一家之譜而已哉予與雲陵雲嵩有夙雅因過其家得以備觀其譜而又出其一得之愚以考訂之故為是言以弁諸首蓋不惟重望於黃氏而且欲達之天下也

賜進士青陽定溪方新德新甫撰

淨梁勒功黃氏家譜序

會通譜新安五城思濟之所修也蓋聚集遠近之同源者一休會僉命其第曰雲正者來我勒功石斛而邀率焉時弘治庚戌之菊月叔道偉美公及族第鉉偕錄詣五城有二程子名天相者秉筆欲致私覲之禮余曰譜乃一宗之大典萬世之盛事有一禮無二禮堂衆自表禮非致謝之儀私覲不必行也錄等諾而弗果將所需之資悉付思濟而二程子心甚含之然則思濟之心深歆晉錄共其事見二程有滾滾之語恐相子有所錄等歸越明年思濟率同其族第曰子

雅復摘其事子曰若輩相與謀其族衆共完其事以成思濟之志何其幸哉錄之族聞有濫收非族之語疑而未取迄今年子雅之姪曰輔思濟之孫曰赦遂携譜書過予而言曰譜完矣矣各派俱已去訖惟勒功石斛未至也今承故伯之遺命故特來耳無他往也錄拜而受之留之信宿以旋錄則浣手焚香披而閱之見其書宗派之分世次則白書所遷之地以表其所脉絡井然皎如日月凡各所載自晉新安太守公以前而上及于春申君千有餘年而中間世次鮮有不差謬者其序文之差謬乃二程之釁可思濟則探本尋源將各譜系系互考訂著為原本雖然世次訛誤是則思濟之用心也勤其孝思也篤其事功也大矣豈小補哉嗚呼觀其考正之詳於遠代可嘉矣夫何我近代而反有缺畧之可恨乎如我尚書楚栢公之下是稱其祖而缺一代矣其可恨乎不乎如祭酒叔道公之建雙峯寺有范文正公之所贈詩章慶栢公之建燕山亭有司業計公之佳句至于曾祖散逸翁之墓誌銘俱缺畧不載凡自勒功之遷派他處而未入會俱不一註而左田乃根本重地而又非入其可恨欤不欤况我勒功石斛之世次文獻則詳具一稿以付譜場今其缺畧之若是者其故何耶良

由沮於私覲之所致也二程之心何心哉噫思濟若在不使錄有此悔矣怨恨之私其有已乎其無已乎嗟乎莫為之前雖美弗彰莫為之後雖盛弗傳後之視今亦猶今之視昔也故將世系重錄并述其事與追悔之由於此而以望於將來者云耳

大明嘉靖四年歲次乙酉十二月甲子裔孫斛溪庭光謹序

竦塘黃氏族譜序

夫譜何為者也所以崇宗祖洽族屬秩胤系擴仁義之道於天下如斯而已者也仁以聯之故親疎遠邇賢愚貴賤隱括而弗遺義以裁之故親疎遠邇賢愚貴賤條析而弗紊自仁義廢而宗法湮宗法湮而譜牒遂紛糾於天下君子有遺慨焉江南代有世族著譜以統宗其來蓋已久矣若夫擴仁義之道以培先王敦叙之澤於無疆者非竦塘黃氏吾誰與歸哉按黃氏出黃帝裔陸終受封於黃春秋迄漢名臣碩輔炳炳史冊莫可殫述東晉時曰積公者守新安卒于官子尋奉堃姚家墩因廬居焉故新安之黃氏自積公始尋公五傳為伯漢公刺荊州伯漢公四傳德極公仕唐至御史中丞又七傳曰儀公為初閩尉遂居

祁之左田十六世孫曰而二公潛德弗耀雅嗜山水遷居竦塘曰原祐公曰直公曰文英公者名立仕籍曰叔智公生文棠公名列博士籍中灼有令譽生崇敬公稟姿朴茂不獵聲勢貨醴廣陵淮陰間勵操為時推重生濡公倜儻不群銳情經史聞涇野呂先生倡學南雍往從之遊領真知實踐與旨遭崇敬公早隕遂寘儒術益拓陶白之業以豐厥家輸粟補官優游泉石海內賢士大夫咸器禮之濡公冢嗣曰極次曰榜俱受業成均極績文種學邁志進取榜補中書舍人晉用寢駸未有艾矣夫黃氏植本於陸終揚葩於漢唐宋實實於我國朝懷珍抱璞熙載亮工者後先赫奕詎非簪纓世德之冑哉極榜二君懼族氏漫衍莫可統一爰修譜牒以緝追厥考之志乃探初生以尊祖圖派別以正宗總群系以合異紀文獻以核真是故其隱括而弗遺也仁之所以聯其愛也其條析而弗紊也義之所以裁其宜也仁義立而宗法明宗法明而家道正正家而天下理矣然則斯譜也固二君明德睦族之化由家以及天下之徵也豈特侈一時彌文而已哉予辱姻末弗獲以校讎之役敢忘其菲陋而為之序焉賜進士第春生心泉程大賓頓首拜書

浮梁燕山黃氏家譜序

論人之欲光其族者先之以義而已矣欲義其族者叙之以譜而已矣匪義以植其本則敬愛不行而譜之成也為虛文匪譜以叙其倫則昭穆罔辨而義之施也為徒善自我祖新安太守積公家於歙之黃墩傳至元和公三尉於祁遂家左田歷叔季公遷我浮之賴公子二存仁存義義之遷建德慶松慶桂遷鄱陽慶槐河南彰德州太守遂居之堯之公遷石斛志鶴公遷茶培山後移居縣前西隅貴十公遷鎮市擇居外郡者不一苟非會譜以明其宗因譜以定其倫雖有尊尊親親之義將何以自達其不至於秦越相視者幾希今源重本源之思徵往譜之訛定正宗之典特將叔季公植下支派類成一帙庶使尊尊有據親親有考貴不凌賤富不吞貧少不先長疾病相為扶持患難相為憐恤則宗祖之流傳雖千百年猶一日也雖寫遐越猶一居也苟如是吾族統之有宗會之有元是亦浦江之鄭也江州之陳也蘇州之范也黃氏之族益義而宗益宏譜非虛文而宗祖在天之靈無遺恨矣源之望於宗也又何切於茲緣左田漆園瑜宗第修正宗全譜謹具支系以美成之噫敬宗之忱修譜之篤源與瑜同此心也烏夫昔

大明嘉靖丙辰冬十二月吉日裔孫石斛恒齋源百拜謹序

重脩燕山家譜跋

謹按家譜始自叔季公遷賴公街迄今六百八十餘年子姓繁衍近而縣市鎮市鄱陽豐田視田建德遠而河南安慶太谷餘姚高陵湘陽浙江藍溪池陽等處遷徙不一相距踈遠休戚弗關幸而五城宗人雲蘇公所修會通宗譜一覽輒舉目前固可羨矣但我勒功之世次遷派多失缺畧今同叔祖源參互考訂如新安太守公以前自有宗譜茲不及贅惟將本支世次遷派缺誤者悉皆詳考自彥志公所編世系輯為一帙以為後之閱驗適幸左田漆園瑜宗叔秉公竭力務修正宗痛懲往弊爰成全譜叔源序之于前章敢竭駑駘之於後為後襲古之章程云

嘉靖三十七年正月二十日裔孫燕山章謹跋

建德峽峯黃氏家譜序

人知峽峰之有黃氏不知黃氏之所由生蓋自叔季公於祁之左田遷居浮之

勒功繼生存仁存義公存義公復遷於建之峽峰而居焉是時山林陰翳物害相尋存義公心切懼之獨計以婺州之神有五顯者威靈無方每歲九月十三日躬酬香於其祠祈陰助而默相之仍令子子孫孫率由之而勿怠也然而疆域異限難乎有恒有良公等於酬香之際懇求飛帖聽其所墜而立祠焉及歸見今廢祠之間古木之上有帖旋繞而依附焉因取而視之乃其前日之所求者大駭而異之遂為立祠鑄之鐘以為廟樂焉淳祐四年仲曆公等則又病其小而改鑄之仍勒新故之名於其上此固迄今尚存吾黃氏之有世守者也至一麟公始以明經發科擢知麻城縣事夫本師菩薩之於麻城猶五顯之於婺州也一麟公是用刻像祀之於官歸佩奉之亦為立祠於五顯行祠之左凡有求必禱焉今雖世遠年湮圯壞無存而吾黃氏所以崇祀之者則今猶夫昔也迨夫胡元中葉外而黃家墩胡村內而烏龜灣印墩無非黃氏之所居則亦無非黃氏之所有中間如郝冲其上截則為黃章上坂下截則為黃章下坂大約為戶有十軍居其九民居其一雖不能如浮之五孟貴盛一時然而吾建之族無復有大於吾黃氏者夫何有盛有衰有隆有替元末明初紅巾倡亂十戶九

亡惟吾六九公一戶僅存然而附

國之初人心未附法網甚密一舉足且入其中洪武四年景七公以王平章招集軍克遼東洪武二十八年景三景四公暨景八景十公等則又為負秋糧冒干巖憲全家收繫金陵且群盜越獄景三景四公等莫知所之方是時吾黃氏之僅存者又如一髮之引千鈞吁亦危矣幸而景八景十公寧三木囊頭而死無寧行險僥倖而生是故人定勝天剝極而復加之熟究金鵬之變與巡獄指揮謙姓者善遂為奏請蒙擬景八公軍罪景十公仍舊寧家景八公之子昂三公是生暹二公深恨已當其勞景十公之子孫享其饒欲得而甘心焉賴昂四公適在軍前潛携以歸而撫養之今遂為七股而子孫因稱盛焉吁夫以黃氏之盛若此其衰若此使非予考之舊譜之遺言參之父老之傳說謹書而備錄之則後之孝子順孫雖愛其祖考之甚而欲聞其盛衰之故者亦將何所據而知之悉哉雖然自是厥後凡為祖父者務積德以詔後凡為子孫者務積學以光前則庶幾丕顯不承而是譜之修亦可以輝映天地照耀古今矣不然祇為故紙而已又豈吾之所望於同宗共派者哉

嘉靖乙卯春三月裔孫鵬溪璽頰首謹序

高場黃氏會譜序

丙辰之秋予釋褐受休博士既之任見其邑多世家大姓自漢唐而下土著于是者幾千年下至數百年其族姓之近者不下萬指疎遠者數不可勝紀宗祠參錯民居歲時會食有常禮喟然而嘆以為有古之風訊之咸於新安在萬山中無兵燹之變以故雖土狹田隘無有徙而之他郡者居則父父則蕃有由然矣予聞言而信之既而詢其族有家譜其宗有會譜乃知惇睦崇本以相繫屬睹譜而思屬族尋系而思允宗族收則蕃宗允則遠猶支河之積也欲其不大得乎有黃君惟時者持其宗會譜請予叙其首披閱之黃氏出嬴姓陸終受封于黃世奉黃帝之祀故子孫以國為氏傳至晉有積者任新安郡守卒于官葬於郡南姚家墩而子尋家于斯遂為新安人傳至儀為閩門縣尉家于左田而儀之派有禹者乃遷今之高場云流分派衍邇而求之其原可睹也已夫自積至儀自儀至禹自禹以傳于今不啻千年其系之綴承承不紊千載如一日噫亦難矣非近有家譜遠有會譜其能考遠緒稽近服若綱目之循裘裔之緼不紊有是哉即高場黃氏之派諸黃之派可知矣即黃氏之族他族可知矣新安之俗有古之遺風不有然哉雖然會遠自近合疎自親始尺帛斷緡兄弟闔墻犯目皮以出分爭繼家人而胡越之矣又何疎遠之合也黃君有志于允宗者其亦知所本哉

嘉靖丁巳歲夏五之吉休陽縣學教諭南昌象湖刘廷膏撰

竦塘黃氏宗譜序

夫世述族衍為子孫而莫識其自出一氣所分至相視如路人者皆由於譜牒不作而源流不明也是以名家石族必重乎譜而近世為譜者多略近詳遠踵訛飾偽不為取嗤當時而於崇本合族之誼亦相去萬矣先儒論傳影以為毫髮不似則非其人况乎譜牒之作由下而上將邈所自出而尊之由近而遠將疏所同出而親之詎可不察而認為哉黃姓世系譜列之明甚惟我竦塘派出祀之左田儀公之十六世曰伯三公覽勝啟基而家於斯為故伯三公為竦塘始祖下逮于今族稱蕃大而先牒未緝苗裔日廣將來不有昧所自出疎視一氣者乎榜為此懼敬以白于宗老申緝會譜由百二公而上悉存舊文不敢

增損由百二公而下則詳告墓之地勢名籍載木主之歲月日時備家藏之懿
輝芳蹟叙名賢之故翰遺文以為正宗譜序由今而後為子孫者知所自出而
尊所尊知所同出而親所親外遠訛偽之誣而內免愆忘之歎者矣梓成敬識
歲月用示來裔云

嘉靖戊午孟夏之吉

徵仕郎中書舍人裔孫榜百拜書

橫槎黃氏正宗譜序

譜學之崇存宗法也而世道闕焉故堯親九族舜徵五典禹湯攸叙肇修皆以
此為第一義至武周而宗法立譜學亦於此乎乖矣廢后夷于秦雜于漢由晉
魏而隋唐而五季宗法之存者無幾迨宋中葉而歐蘇之譜例出重以胡元之
亂頽然蕩廢幸我

高廟龍興復帝王之綱紀正中國之人心明嫡廢別良賤同姓不為偶異姓不
相繼文科之選武弁之承必詳其世而後定一宗法之所推而譜學所由重也
知所重而世守者吾於新安黃氏取焉其先出黃帝陸終受封于黃而黃之姓

始此若春秋若兩漢代有聞人其尤著者東漢江夏尚書令曰香二侯曰琬曰
瓊世以忠孝稱而黃之姓遂望于天下至東晉曰積由江夏而刺史新安卒葬
新安之姚家墩子尋廬墓而家之因名其地曰黃墩積之十五世曰儀仕唐為
和門尉因居和門之左田儀之六世曰叔宏守左田之舊曰叔仲遷婺源石門
均曰叔季遷浮梁勳功叔仲生二子長曰昱初居黃村而明信之迂婺源遠觀
之遷曹源皆其派分者也次曰立初自夾道乘槎卜居至鮑汀而槎自橫乃居
其地曰橫槎是積為新安之始祖而立初又橫槎諸黃所共祖也立初之孫曰
翼與閩之吳公育同任叅政奉叔仲舊譜請序之今譜黃氏者取徵焉立初之
四世曰希堯居槎之東曰希燦居槎之西曰希輔居槎之姜村又自槎而遷者
有德興之茗園曰希昇樂平之藍坑曰希由鳴琴里曰希舜鄱陽之壚山曰希
孟婺城之西隅曰玠福亭之重槎曰季觀皆啓土貽謀大于宗祊者也槎之顯
而任秘書監校書曰遵以易登饒州舉曰驪曰驪曰應龍登趙遠榜進士曰時
仲登王十朋榜進士曰景明以解元登吳潛榜進士曰居仁為丹陽令死忠節
曰元承皆簪纓累世顯于宗祊者也輯修家譜曰欽承曰季昭曰騰飛曰安仁

曰道原曰貫道皆後先綱維有功宗祊者也嘉靖壬子秋厥裔拙齋梅崖同厥宗漆園歷搜諸宗譜而訂其訛合者進之不合者不苟于進爰及十載始克成編今年庚申冬舍鉞諸梓名曰黃氏正宗譜梅崖兄竹坡講學于甘泉湛先生之門於余善持其正宗譜微言于余余閱之嘆曰大哉正宗之義乎此天叙天秩而不容間以毫髮私偽者也豈易言哉慨夫世之談譜者誇門第私貨賄作好惡以亂紀度者多矣惡足以語此觀黃氏正宗凡例本始必稽倫序必明真偽必審同者雖卑罔棄異者雖高弗援不以親飾愆不以怨廢美良譜也是故本始稽而知得姓之由正宗之原也倫叙明而知昭穆之辨正宗之實也真偽審而無援附之謬愆美昭而非毀譽之私正宗之大防也由是可以會數千百載於一息萃一祖萬孫於一堂分定而安情親而洽興孝與弟尊親親賢貴而宗法行乎其間正宗之實效也又由是而錫諸後嗣世守不怠維之以典校學太之以登國典黃氏之裔其將上附三代之美而風化之移流行不悖人人親其親長其長而天下平正宗之極功也譜學之有關於世道也夫豈誣哉竹坡拜手稽首曰是可以詔我後之人遂書以遺之

賜進士及第中順大夫南京國子監祭酒前太常寺少卿兼翰林院侍讀學士掌南院事國史經筵官歸耕石屋三洞安成鄒守益撰

重槎黃氏正宗譜後序

譜何為而作也懼一本之弗厚而敦之也曷言乎一本也別生分類之始命德授氏之所同者本之所自來也合宗族通遠邇脩譜系明宗誼推其所自出而使人知所尊聯其所同出而使人知所親敦本之道在是矣自夫譜牒不脩悖睦道喪各親其親各尊其尊若諸吳罔記為周之裔舉先世而莫知所對晉獻公去桓之族越五世而不相慶吊者皆是也譜庸已於作乎故氏族之篇州郡之狀撰譜之官姓系錄姓氏苑由來之重尚矣吾黃之先出於嬴姓陸終受封于黃世奉黃帝祀子孫以國為姓至漢尚書令香公始望江夏歷傳至晉新安太守積公卒葬郡之姚家墩子尋廬墓而家焉太守十五世曰儀公為祁閭門尉因家祁之左田越六世曰叔宏叔仲叔季皆現公子也莫故居者叔宏公也肇我婺源者叔仲公也遷浮梁者叔季公也叔宏叔季之今派吾不及詳我叔仲始遷之地曰石門均繼遷曰黃村曰橫槎曰福亭重槎曰東溪曰城西以及

德興之茗園樂平之蘭坑鳴琴里星居列郡者雖遐邇不同莫不以積公為始
遷之祖儀公為繼遷之祖三叔為分遷之祖也上下數百餘年祖功宗德照耀
後先或以勲名顯或以忠節聞後沈瀛濟風雲者嘖嘖相傳固無參義不對之
病然族屬疏遠于姓愈繁故有同里而昧親疏異鄉而無識面間行列於間關
扣源流於翔見是蘇老泉所謂塗人也故本之隨安在耶噫豈知今之相視如
塗人者其始出於一人乎此今日之譜所在必作也譜之作正以明一本而啓
其真切之良也余竊有志而力弗逮廼者叔父拙齋師兄梅崖二公毅然以是
自任而左田漆園公適以是舉不約而來會曰此仁孝之同然一本之相感也
於是追左田會橫槎訪勒功各通其所分之派允我同族罔不畢集其他或以
意而牽擾或以柔而怠事者則又有待昉於壬子迄於庚申垂及十年始克成
編披閱之爍乎數十派若比于一堂曠乎數十世會通于一息雖殊方異域莫
不通訊以浹情觀摩以迪善而相親相敬相愛相恤之弗已譜豈特為文具者
耶後之子孫讀是譜者自仁率親等而上之則孰為遠祖孰為近祖昭然知其
所自出而孝敬之心生自義率祖順而下之則孰為本支孰為旁支灼然知其

所同出而親睦之念起將必有如剡子萬少皞之親而無郭氏拜汾陽之慕有
如范文正置義田之舉而無干戈起同室之慘也故本之道于是為至矣厥功
顧不大歟掌是則漆園拙齋梅崖諸君凡諸與盟宗碩則各見於所叙事峻敢
以敦本之意告於後人

嘉靖三十九年庚申一陽長至日太守公四十世孫庠生崇宗召頓首拜書

黃村重修族譜序

嘉靖乙卯一陽月自貴州都勻府離任觀

京師越明年丙辰奉

勅復任以母老在堂壽方八旬思弗釋乃便道歸省時則三月既望也弟寧適
以宗譜告成索予記予詢其首事者乃左田漆園瑜公橫槎梅崖叔群公福亭
拙齋祖瀾公秉心協力以身厥任予稱嘆不已第阻于弗暇且弗良于言既而
思曰昔予遊庠時喜人氏之譜族明也以肄業弗專嗣業冒監亦嘗有志于斯
也以艱大難舉適膺薄宦南壯驅馳正歎是願莫酬今幸諸公適成厥美誠曠
世之盛典有光前後之偉績矣循可無一言以附于諸公之列是自棄也是

自現公生叔宏叔仲叔季為的派予忝叔仲裔也由叔仲而上其本始之大有左田所紀者彰彰也由叔仲而下其分派之繁有橫槎所述者彰彰也若予之所紀述者聞之先言考之世系則叔仲公自晉天福丁酉遭世亂由左田避地于吾婺之壯曰石門均生二子長曰德次曰誠以地險隘携子德公再遷源口居地曰黃村而誠公亦同母汪氏自夾道沂流而遷橫槎此則始遷之大畧也橫槎之族蔓延浩大慶世縉紳予不及詳而予族自德公之二世曰湘以進士第歷官刑部侍郎三世曰明信遷婺城之黃家塢今居婺之東溪聲華紘紘五世曰希敬為古田縣尉弟希叔通判河東時稱十萬創建通元觀古今諺云先有黃家後有通元觀至十一世曰文德任鎮溪司巡檢十二世曰道明同知永州府事衣冠奕世上接宗祖簪纓之盛下貽孫子德澤之隆今去道明方十餘世而循以不肖官叨經府宦不踰人所籍者企學古人行無過差鄉里咸以積德稱之是雖不能盡吾報稱以大祖宗之光而積功累仁于不墜者在祖宗地下有餘榮也矧茲以往而孝子慈孫有善於繼述者又可量於方來乎於是書以塞予之夙願云昔

大明嘉靖三十四年歲次乙卯三月既望裔孫井泉循拜書

曹源黃氏譜序

古者封建井田之法行自公卿而下皆世其家國故昭穆明而世胄顯宗法立而嫡庶嚴周官小史之法可考矣漢史遷創為史記世家之書蓋倣世本小史以為義例亦仁天下厚風俗之一事也使文獻不足雖孔孟之大聖大賢亦安知其為微子慶父之後也哉魏晉以來猶尚世胄朝廷以此而著宦跡闕閱以此而締婚偶若移座遠客於江數王謝門高於侯景蓋有所據而知其然故耳逮有唐建統始類氏族為二伯九十八姓自時而後非獨閭閻小民莫知所重而士夫之家亦往往疎遺而未之講蘇老翁所謂由賤而貴者耻言其先由貧而富者不錄其祖風信薄惡莫斯為甚誠可慨矣宋歐陽永叔眉山蘇子以良史才而建譜學士大夫知所重者多慕效之我發黃氏鄉之望族也其先出黃帝迄夏而周分封于黃因以黃為氏在淮上曰駸顯于楚江夏曰香曰琬曰瓊顯于漢晉元帝時有曰積者自江夏來守新安卒葬郡之姚家墩子尋廬墓遂家之因改曰黃墩新安之黃自積始也十四世曰儀為祁門尉遷祁之左田十

九世曰叔宏仍左田之舊曰叔季遷浮梁勅功曰叔仲於晉天福又自左田遷
發之石門均長子德居黃村次子誠遷橫槎德之後十七世曰誠遠於我有
明膺運之初由黃村卜築于曹坑其地面帶清流喬木環鬱居俗淳厚有不減
李愿之盤谷者或耕而樂或商而遊家聲克振前光不墜而曰添興尤其傑出
出者也嘗慨譜牒久未續脩子姓名行多有晚生而未錄者壬子秋有厥宗橫
槎之南峯梅崖左田之添園諸公主議會修宗譜考實黜訛名曰正宗越數年
始克成編族子沛添興之婚也因致幣丐言於予予以為世家巨族根本盛大
支衍派繁皆得以稽其所自而聯其所分歷數千載猶指諸掌實於譜牒有賴
焉耳夫苟冒生天壤而不知所自所分者不智知而不傳者不仁不智不仁尚
可以為人執黃氏斯舉上昭祖德而無所泯為知下貽孫謀而無所遺為仁是
誠知所重矣若夫昌其宗而大其族又屬望責報於後者也豈德業聞望獨專
美於漢晉而已哉因族子之請遂書以遺之

鄉貢進士前陞受文林郎奉政大夫約庵程達撰

黑橋黃氏譜序

儒者之論天地間其初一人也自後受封得姓則其別生分類不得以其氏
為祖至又有大宗小宗之法其視初一人者遐哉邈矣而無所考因自其所知
者始也又後宗法既壞賜姓而廢人之族匿姓而冒人之榮與夫遷徙之失源
文獻之莫徵續繼以系之紊真得姓一本之誼於是乎亂矣孟子曰人人親其
親長其長而天下平程子又謂宗子法廢譜牒尚有遺風則夫一姓之人百千
萬億有通譜以統之其間或以所居之聚或以所屬之親各詳一譜做古家會
訂為歲月聯屬之法時出其所紀者備以為通譜焉縱宗法未能遽行政亦寓
源頭有大宗以統之人同知敬祖分派有小宗以統之人各知敬稱之意也人
人親親長長行乎其中而其同源異派俟夫欲行大宗小宗之法者得以有緣
而起而不至于亂予婦翁道山黃氏黑橋望族也先自元集公在郡守始家歙
之黃墩十五世元和公任祁閭令因家治東之左田二十七世四九公遷治北
七都之黑橋淵源遠矣而其譜牒甚明維添園欲續先世梁宋元之所脩而致
憾於雲蘇取二本之議乃爰通譜而一正之集族叔道山翁而訂焉大總其成
而以各系分其詳翁叙家譜并出先世遺文歷歷可徵者以示予而曰此黃氏

之通譜此黑橋之家譜予曰通譜有大宗相統之義家譜有小宗各統之義也必小宗之派派明而後大宗之一本正是故家譜之在各氏者所繫為尤重而不可以不嚴謂予素善於石龍道執而以通譜則既為之請而序之矣又有感于大宗小宗之說謂予不可以無言予惟自左田而分徙者既已詳於通譜按黑橋自四九公以下勝二公為宋副史國用公大奮於元季之亂蓋胡鹿義所當逐而據朱子某處兵起之例其豪義可知已公子立立子四澤民華民逸民永富永富無續澤民逸民此黑橋系也華民又自黑橋而為鍾樓下系也若汝政汝亮汝迪汝道汝祥諸公輩敦龐好義儼有古風敵齋名憲以通經將貢石山名高以弱齡英卓其汝政號翠巖為予先大父之婦翁道山名時孝友侃直又予之婦翁熙之名治之讀書守義而以道名濟謹飭在庠予眷素所篤雅者仁之質朴順之英邁顯之秀異詩書禮義代不乏人其揚先世之休光將永弗替也况君家先世有曰執此以往膏我耿光又曰益培其根以達其枝又曰為我後人宜深念之言若人殊而敦本垂裕曠世一致其要歸尤在於念之一言所執所培皆此發之此千古聖賢命脉之旨百世人心虛靈不昧之原然則為黃氏之後者宜將惕然以動其孝敬之思而揚休光于不替也哉故各徙有派則各詳其本系而總之可以為會通之典各派有會各篤其恩義而合之可以成大同之風誠在於念之一言而已噫嘻在昔梁宋元時而黃墩而左田視江夏安陸皆其轉徙而分派者也黑橋緒承於前慶衍於後又安知非後之黃墩左田而光昭江夏乎黑橋倡之而黃氏皆為黑橋黃氏倡之而天下皆為黃氏人人親親長長之風可行所謂俟夫行大宗小宗之法得以有緣而起而不至於亂或未可知也誠有在於念之一言而已矣用是表予耿耿之念是為序大明嘉靖戊午春三月望日忝眷邑庠生東山後裔中山世家紫里謝時弼撰

山斗黃氏家譜序

譜豈易言哉上而祖宗之功德於是乎承下而子孫之支派於是乎行莫為之前則雖美而弗彰莫為之後則雖盛而弗傳甚矣譜之所關者大也山斗黃氏自元處士國賓公由古林故族遷居舊譜可致至成化間國賓之曾孫曰寄興者同古林雲真諸宗老編脩統宗譜尤為詳備逮今越八十年名之登於譜者既老且逝而後之生者未有所紀也於是寄興之孫應林偕弟世隆更纂脩之

自國賓上邈於祁門少府則詳其事實自少府上邈於新安太守則謹其世系
列古林之圖而簡畧乎宗支者懼其繁也原山斗之派而具載乎雲仍者專其
事也書匹配慎其造端也註墳墓嘉其全歸也行業之錄所以昭先德也文翰
之集所以貽後人也事為之備義為之盡研究綜覈踰月而告成焉吾族與之
同里開聯婚姻而知其源流之素者也因請序於予予以為黃氏之作豈特誇
門地習儀文以求炫耀於鄉鄰而已哉亦惟知繼述之道以垂不朽焉耳為予
孫者當知乃祖春申君歇之顯於楚尚書令香之顯於漢太守元集之顯於晉
又當知由黃墩而遷左田者元和公也由左田而遷古林者思敏公也由古林
而遷山斗者國賓公也以前而索於後則統之有宗以後而稽於前則會之有
元而祖宗功德子孫支派誠謂美而彰盛而傳矣豈非黃氏之信譜也哉雖然
譜也者家之史也而所以立其家者不在於是承先人之業當紹其風守先人
之澤思衍其緒耕而為上農商為良賈讀為碩儒仕為名宦使人稱之曰某也
者某之後也其無忝於所生如此也某也者某之後也其益光乎舊物如此也
則監於成憲其永無衍斯為文獻之故家矣若夫徒念爾祖而不聿脩其德徒

執典籍而不能克振其家固非群彥自待之志亦非予之所望於群彥也乃序
大明嘉靖三十七年歲次戊午臘月吉日邑庠生里人程鳴和拜撰

倫堂黃氏會宗譜叙

譜也者所以著代也著代也者所以明有源也萬物本於天氏族肇於始祖邈
厥攸始則迤邐而下雖派衍支分越歷彌遠遷徙靡常要皆先之所貽血脉通
貫而生氣猶一日也此固聯疎為戚之道志睦族者其可以弗譜乎予閱倫堂
黃氏譜系發源左田嘉靖癸卯其裔廷瑞廷顯嘗修而梓之矣越丁巳歲左田
懼散漫者莫究本始寢失其真後倡統脩而考載之悉以示百世於無窮焉廷
節天生恪執倫堂之譜往續左田之倡而尊祖敬宗之念殷矣按黃之得姓陸
終其後有曰儀者官慰祁門因家左田儀之七世曰禹者遷休寧高原禹之十
三世六十者遷倫堂逮今十一世矣夫以倫堂自為親疏則不知有宗以左田
自為親疎則不知有支宗遠而晦則反始之恩虧支渙而迷則稽後之澤斬君
子忍言乎哉今統譜一續如指諸掌在倫堂者猶其在高原左田也其派雖三
其居雖異其精神氣意一而已矣噫譜存則宗存宗存則敬存奕葉相傳後先

無間若倫堂黃氏可謂不悖本矣予故樂為之叙以識歲月云
嘉靖丁巳九月之吉

賜進士出身江西巡按監察御史淞江海寧吳遵撰

建德峽峰黃氏家譜序

建之峽峰黃子曰璽者與吾兒一鵬同庠友也一旦重齋金幣因吾兒謁余
與之坐而問焉黃子起拜曰生家記自壬子之歲迄今丙辰之春祀之左田宗
望曰漆園婺之橫槎宗望曰拙齋曰梅崖者病吾黃氏宗派蔓延子姓兄弟不
復識別於是統同辨異敬脩宗譜迺今鉅梓將成各求所以為之引者生是以
齋宿求謁也余聞而嘉之因借譜稿觀之但見根本盛大脉絡分明信峽峰黃
氏之為世家而譜事之修為盛舉也何者人有此身出於父母父母出於祖
出於始祖始祖又出於厥初生民得姓受氏之祖自根而榦自榦而枝繩之乎
其不絕也秩之乎其不亂也然而世遠年湮得今遺昔自身及父人知其所自
出矣而或未知其祖之所自出也知其祖之所自出矣而或未知其始祖之所
自出也知其始祖之所自出矣至於得姓受氏之祖則又昧之於懷焉是亦無

源之水無根之木而已抑何貴於其為人哉以故譜也者昭示其祖之所自出
追原其身之所由來使後得以知今由今得以知昔而水木本源之思不至茫
昧而無所底止也然則譜事之修不為盛舉也哉况夫峽峰吾雖未嘗身歷其
地然聞八景交奇人生其間類多穎異是故黃公存義遷居之後其若子若孫
賢能足稱者雖不可得而悉數然八傳而得一麟公發策決科麻城是令撫字
有方號稱循吏及一麟公之五傳而得澤二公則又才可佐王德堪輔世然恥
仕胡元甘心林壑余所深喜者牧馬一歌識達天人知興知廢使得保首領於
三數年間則我

聖祖安車玄纁之迎台衡鼎彝之位當不以深山窮谷而遐遺矣公非其殼中
之英雄哉及澤二公之四傳而得松竹梅之三軒公則又皆碩德重望富壽康
寧白髮烏紗一朝寵受夫天下有達尊三而齒德居其二公之兄弟俱以是而
寵受烏紗於一朝斯亦世之絕無而僅有者矣抑余又有說焉易曰積善之家
必之餘慶夫以黃氏之厚積若此則其餘慶之所被天必大興黃氏之子孫也
歟蓋竹軒之孫若璽者登進府庠雖未即擢高科居顯宦然倡明文藝涵育薰

陶今一門子弟讀書能文者聞不下數十人則夫什伍俱前畢力殫慮其對捷
丹墀奮庸熙載者吾知自今以往代不乏人矣今日之登名譜冊者異日不垂
名史冊耶然則譜事之修今日為一家之私書異日為天下之共鑑而黃氏其
永享於休矣不將為建之光吾池之光也耶

嘉靖丙辰秋八月穀旦

賜進士第前奉

南摠制三邊貴池獅山柯相書

太平龍門黃氏族譜序

古者有大宗小宗之法所以究其本源正其統系使派別條分者皆知端緒而
報本及始聯疎為親也親長之道日行而恩義之俗日洽舉由於此自及季世
此法不行而族屬踈散至有同體之親視如胡越焉者况其親盡而服蓋者乎
是以後之君子如司馬歐蘇諸公者深以為慨而立夫族譜也立譜之義原其
所自出考其所由分辨其同異求其變遷而合之庶共本同宗者知所以相愛
相敬而不離焉耳視諸宗法非愛礼存羊之遺意歟然今之脩譜者則又不識

此意而好高誇勝遠古同姓而顯榮者則冒認為祖今世有同姓而富貴者則
強合為宗如郭崇韜之類豈不為後人嗤笑之資耶予惜之久矣適壬戌秋自
廣回有太平龍門黃君名賢號石墩者乃予邑桂氏婿也一日同其舅名棹來
顧予曰吾族初門左田漆園瑜君者今會修黃氏統宗譜而吾家乃其親派敢
丐先生一言以示傳信予不獲辭因取石墩所携之譜牒而詳觀其始末及訪
之姻戚參之士論而果協焉於是乎言曰黃氏之在新安何其歷世久而繼代
盛哉自晉之仕新安郡守諱積者發其源自唐之任閭門尉名儀者揚其波自
儀遷居左田而轉徙六邑各郡者衍其流代遠年多異居別籍焉可無譜以一
之哉今以龍門黃氏祖諱德芳者由休寧之五城溪口遷居茲土後裔漸蕃而
其先實本於左田儀公也噫其初本於一身分而至於十有千萬世不可勝紀
同勢所然也而思其一脉相傳之義必使相通而無間者又情不容已也漆園
脩譜之意得非本人情而為之歟得非以一已孝悌之心而敦黃氏之一族歟
為黃氏子孫者觀斯譜也寧不油然而興孝悌之心乎吾知春雨秋露必有追遠
之思疾苦飢寒必動賑宗之念憂傷喜樂必行慶吊之儀患難危我必堅同禦

之志相尚以德而求克尚乎前人相尚以文而求輝光於譜系合愛合敬之風
將藹然旁達而風俗以厚矣又何憂夫世遠地殊而息義不相維係哉然則茲
譜也遠而可以述大宗小宗之遺近而可以承司馬歐蘇之意垂諸萬世必耿
耿而不磨也歟予嘉漆園之志又善石墩子克成其志故不覺欣然援筆而有
言也是為序

嘉靖四十一年七月既望

賜進士廣西按察司使轉浙江布政司右布政松坡畢鏞書

竦塘黃氏統譜序

聖朝驅掃胡俗復修人紀立愛惟親立敬惟長始于家邦終于四海故國有志
族有譜凡以紀遠萃渙重宗聯情誼枝蔓葛藟而根繫苞桑國家又安長治
之業亦恒賴之詩所稱大宗維翰者此之謂也嘗聞氏族之合有更數代而
不紊者然惟郡邑之固限以山險不當孔道鮮經兵擾所以能然若新安郡
是已郡多名族蓋中原碩宗偉望皆官所至因而胥宇遂昌厥後自晉宋以
來迄于今無改者比比也天造之時實先效順所以今屬京兆為東南鉅藩

俊又濟濟仕于京師獲聞村落之蕃風俗之厚譜牒之備每稱賞焉然無
由得親閱也嘉靖己未仲春

聖天子勅建玄天太素宮於新安郡休寧縣齊雲山告成命延德攝祀事
禮成自休歷郡以趨神京凡昔所賞慕俱入覽中命重程嚴於譜牒無
暇搜也往趨朝議中翰黃君茲行也來候于道知延德夙志袖其家譜以
示其在遐古姑置弗言如香琬之顯名漢室晉積之守新安初尉儀之遷左
田遠民有二百三之遷竦塘咸鑿鑿傳信所謂更數代而不紊者非耶書以
畀黃君用紀茲逢之非偶云爾

嘉靖三十八年歲次己未二月上浣

欽差中軍都督府掌府事定國公鳳陽徐延德撰

竦塘黃氏統譜後序

叙曰昔余先君茶山公受業涇野呂先生之門縱言至于譜學先生曰譜貴信
疑則闕之不為誣其祖也先君曰唯請問為譜宜何師先生曰宜師歐蘇譜例
因出二氏譜例觀之先君聆涇野先生之言其於家乘尚矣盟會宗老禮徵學

士刪訛剔舛欲為黃氏傳信之史未成賚志以率先君病革以太史公自序授
極極俯首流涕曰小子不敏敢不與宗老宗彥以成大人之志蓋先君實比司
馬談臨終基子子長繼成史記意云去秋極應試京闈瀕行第郡學諸生溱邑
學諸生獻章祖予於舒潭酒半有執爵而言曰斯潭也南唐進士第一人舒公
之潭也吾人當以舒公自奮乎又有執爵而言曰第一人猶有朽舒為文苑英
華迄今泯泯為不朽此舒之奇也顧今黃氏家秉比之文苑英華尤為急務豈
可使之久闕哉極亦舉酒酬諸弟曰所不與諸弟同心以成家乘者有如此潭
極既入京而溱獻章輩並試應天乃冬兄烏程丞冕亦以

朝覲至京胥聚于仲氏榜之官邸相與講論津津以家乘為念及極落第南歸
兄與仲氏贈極言其畧曰丈夫得志則行其言於國忠也不得志則修其詞於
家孝也君今歸無亦修詞於家乘乎極曰嗟乎先君臨忠之言群弟舒潭之勉
猶在吾耳意在斯乎極何敢忠哉極歸出先世列祖之舊箴與叔紀慶兄毓秀
所編之世系復廣集今時名流之述作鳩宗老諸父兄弟於太守公之祠而以
譜事為盟宗老寬鍾偕群宗老翕然曰噫黃氏之秉非二子其誰為之於是

盟之曰溱獻章一魯棧司校讐其精其一毋蹈訛舛也慎諸曰珍芳紹慶琪
鑑司財用其公其明慎諸又申之曰譜之脩非為觀美已也而能使祖宗不忘
宗族不散則由有譜之力也然其所以為譜者必其人學行兼資而凡例必嚴
討論必核文詞必雅識見必遠體裁必古叙事必典全斯六者譜之選也斯其
鼓致愛之存聯宗族之散乎譜其善矣極曰若斯人者其靈山方陶山君乎陶
山君嘗脩金陵史矣時少京兆郭公雅重其才衆曰然聞其人矣如汝會言於
是介君之後孫婿國子生君用肅書幣聘之以秉斯筆君既至與極登叔紹慶
弟溱獻章商榷發凡啓例准諸歐蘇宏綱大槩准諸史記疑以傳疑准諸春秋
地理桑梓准諸漢書古今職官准諸通考先後濟美准諸左氏丘墓展式准諸
檀弓婚姻舊門准諸林宅姓纂封爵昭功准諸漢功臣表交游世講准諸柳子
碑陰博學宏詞准諸選舉萃英尚友准諸性理大全列以傳登准諸諸史世系
橫圖准諸年表下注事實准諸唐書宋史宰相宗室表總括百二公有三公以
上准諸史記世家編文倫序准諸柳文登載元集公以上之德宣昭元集公以
下之風詳述百二公百三公胥宇之誥譜編十卷洋洋乎大哉良法美意莫可

殫紀極與宗老諸父兄弟觀之作而嘆曰懿哉撰而有倫豐而弗煩約而弗遺
吾先君受諸涇野子之旨也其凡例討論嚴而核焉文詞識見雅而遠焉體裁
叙事古而典焉於茲黃氏之佳乘也可以垂之悠久矣觀斯譜也尊祖敬宗之
心聯屬宗族之情資父事君之志有不油然而興發然而奮者乎老泉族譜亭
記可頡頏矣於是卜日獻諸太守公之祠坵諸各派什襲以珍藏之於戲子孫
其聿脩純懿之德以繩列祖之武使後之觀斯譜曰某忠孝其勤義某文章某
政事克紹漢晉唐宋之先公矣則茲譜也亦永有光哉而陶山君之所以遠期
吾宗者不亦無負也歟若夫宗姓世望之源詳於譜中殫於群序極可無贅詞
也咨我黃之後人其勗之哉

嘉靖四十一年歲次壬戌六月既望裔孫極百拜謹書

竦塘黃氏統譜後序

竦塘黃氏統宗譜牒既成奉以告于晉新安太守元集公宗祠既奠黃之宗老
彥士授簡屬信曰譜自子脩子宜有序信以允例詳明比詩書小序之意加以
詳公雄序能旁通宗法之情恐多言害道信序可闕讓之弗獲緘之類隱廼以

群公序之未盡者而申之曰信聞諸王子玉海善為譜者譜德為先譜功為次
譜言次之故太上立德萬世不朽新安大江之南雄郡也當西晉懷愍之際天
網解紐國政迭移李辰石冰之徒傾之於荆揚元海王彌之夷棹之於青異四
海屠爛萬姓沸騰元帝渡江建都江左以茲新安為郡股肱爰敦琢郡守授才
任能惠安黎元於是竦塘始祖黃公元集由考功員外郎出守新安建旟剖竹
布政宣條公之下車也斷軼為園琢雕為樸潔已克勤平寬緩獄拯新安水火
之民而登諸社席之上矣及其卒也民之攀號如喪所天挽公之喪葬于姚墩
留公之子守真先生尋公家于新安新安之黃自元集公始又當唐之中唐藩
鎮割據龍蛇其民百姓廩廩同西晉太守之裔元和公者以春秋起家由青
陽縣尉調尉閭門捕奸姦良錘害植利萎枯以膏燠暘以醒台其秩滿閭門之
民卧轍斷橋於是留家邑之左田祁門左田之黃自元和公始循吏傳曰存樹
威恩沒留遺愛如元集元和二公者非耶夫以二公惠流邦邑則九霑其惠者
當百世祠而祝之而况為之子孫者乎守真先生廬父墓側旦夕悲號羔鴈成
群微辟不就枯栢相應誠馴雉棲宇孝友傳曰敦彼孝友夙標至性如先生者又

非耶夫以守真先生純孝感格天人則凡仰其風者皆願百世廟而食之而况為之後昆乎然元集元和二公居官之忠率祖文強守魏之忠守真廬墓之孝率祖文強事親之孝孝之與忠為國之元氣春秋傳曰太上立德其次立功其次立言夫是之謂不朽是文強之忠天下之達忠也文強之孝天下之達孝也謂之立德非耶聞詩德厚者流光德薄者流卑竦塘黃氏先世自百二公百三公以上厚德矣而厚德之流衍洋溢固宜其輝光哉於是百二公百三公者當宋孝宗淳熙辛丑自左田遷居歙之竦塘縣縣振振惟仁惟孝巋然炳然為德門舊族乃竦塘之黃自百二公百三公始望之次第徙之委源肇望於陸終之黃國再望於文強之江夏三望於元集公之新安四望於碧璇公之黃墩五望於元和公之左田六望於百二公百三公之竦塘支分派別遠有端緒要之皆由文強公元集公元和公守真先生忠孝之德之貽也至若期原爽公之武功結知周浚陶侃彥綸公遜公之博學宏詞名顯唐室是又不可不謂之立功立言矣傳曰祖考重光文武奕葉如竦塘之先又非耶嗟乎門固宜德族固宜舊何居香之曾孫琬者其在漢廷侃侃自將不畏強禦者賴有德門舊族也雖董

卓猛鷲恃害其誅漢廷大臣如誅狝兔於泉陽侯琬者則屏氣斂跡人間其故卓曰琬為德門舊族卓豈敢害夫以卓之猛鷲恃害尚畏德門舊族而莫之敢肆者以黃氏忠為干櫓孝為甲冑焉是黃之德門舊族天固相之人固助之而小人亦憚之斤斤乎有明徵哉然則俯忠孝之德動天人之感化彊暴之心不有望之後人耶余觀竦塘黃氏後昆悉率祖之攸行彬彬焉和和焉立德如香如瓊如琬如積如尋如儀立功如期如原奕而績文種學金相玉潤林香川冲學藝優贍筆削擅竒高步儒林騰華

禁近縮符大州鳴琴壯邑叅軍幕府通籍金門如香如論如儀如遜者不謂之立言可乎至於烈女四德爰昭風霜操潔陶朱猗頓舉重素封好行其德積而能散咸有光於先世龍於茲譜矣譜之修也族之耆英才奮胥臣識媿子羽發凡啓例師法歐蘇比事屬詞悉准經傳立體制範祖述諸史以授小子小子狂簡因譜舊文乃加筆削求端忠孝嘉樂譜成永為家史僅借以太上立德為黃氏悠遠之乘者而相告焉

嘉靖四十一年歲次壬戌夏六月朔辟雍諸生歙縣陶山方信好古拜書

祁城北鍾樓下黃氏家譜序

上古之世天下一統宗而已尊尊親親達於天下不徒族屬為然也觀舜為黃帝之後而商周同宗乎帝嚳可見矣自天子因生以賜姓而氏族姓繁周以太宰統其政唐以簿狀論其世而遷貢宿祖籍焉夫豈故為是區別哉亦以尊親之道不能達於天下而欲行於一宗使民知族屬之為重而自相親睦焉耳厥後譜系不隸於官而巨宗望族子姓蕃衍動以億萬自服窮之外吉不慶凶不弔或不諳其名不識其面者有之至其播遷異地則寥不知其始自何祖棄瑩域為荒丘茂宗族為秦越滔滔是也不有譜以紀之幾何其不淪於薄耶是故有譜系之書焉統之為大宗而世系正別之為小宗而齒叙明其統宗也則始於某祖生居某地死葬某所傳至某凡若干世皆紀之至於小宗則某祖自某地遷某處迄今凡若干世而其原本某祖葬某所者其墓也某與某同吾幾世祖之自出也某與某為吾伯叔兄弟子姪列也皆有所據而稽焉緣是而自思曰向之吉不慶凶不弔者非睦族之道也自是慶弔之禮不可廢向之不諳其名不識其面者非睦族之道也自是歲時序拜燕飲之禮不可廢向之棄

域茂宗族者非尊祖敬宗之道也自是冬至之發告稱謂之尊卑坐立之昭穆之禮不可廢雖播遷異地而水木本源之思父猶以之語諸子祖猶以之傳諸孫雖不能如上古之篤尊親於天下而一宗之人油然興親睦之心未必不自譜系風之也然則族之賴於譜系也大矣其關係世教豈淺淺乎哉記曰親親故尊祖祖故敬宗宗故叔族詎不信歟祁有黃氏者在徽為望族其始祖元和公唐時任祁閭尉攬九都左田之勝遂家焉後十三傳有四九公在宋乾道間自左田遷七都之翁橋越六世有莘民公者在

國朝永樂時遷本邑城北鍾樓下生二子伯曰汝迪仲曰汝道汝迪生寶有隱德號東山逸老寶生榮字本仁慷慨樂易業岐黃所全活者甚衆縉紳雅敬之本仁生二子伯曰溥倪偉磊落有父風仲曰濟補邑庠弟子負碩有文聲汝道之曾孫曰溢曰潮曰渭曰淵皆克家偉器傳曰子孫才族將太黃氏之興其未艾乎今其族有事於譜系則自仁率親自義率祖而尊尊親親挽偷薄之習登古道之隆其將有賴也吾故曰其關係世教豈淺淺乎哉字峯子述其祖莘民遷徙之事併以漆園子收族正譜之由為之請序余棄從先君宦祁有年與本

仁氏有夙好况成周掌以太宰內史則予又有是責今其請不容辭也故為之序之皆

嘉靖壬戌秋九月既望

賜進士及第翰林院

國史脩撰承務郎南明諸大綬撰

張闡續譜序

人之有祖猶網之有綱也宗派雖繁其始本乎一祖綱目雖多其要在於一綱祖者綱也宗派者目也大綱既正萬目斯張然作譜之羨苟能由派求源尋枝論幹不猶提綱挈目之理乎至於千枝萬派子姓蕃衍難容以世世同居故有枝分派析遷徙四方或因其地之所隔世之既遠苟無譜系以紀之則枝派繁紊長幼失序尊卑無別罔有不相視如途人者哉世自江夏望於新安著於左田遷於西塘厥後有新甫公者元至正丁亥由西塘徙於張闡築有茲室食有茲土令子孫勤力其中足以供衣食養賓客而享祀之禮得以盡其豐潔慶吊之羨賴以充其分量世世承之罔有或替至於富貴利達非人力所能必者也

惟曰克勤克儉不敢少有怠惰供游以墜厥先德耳然人但知食其食而親其親不知祖其祖而宗其宗幸吾宗有漆園公者奮乎百世之上蹇然以尊祖敬宗為心敏敏黽黽朝不暇食夕不暇寐清源正派編修譜系以叔渙散以正宗枝以序長幼以別尊卑上明始祖之源下系子孫傳諸百世耿耿不磨吾儕幸膺天福同沐休光亦得以各祖其祖各宗其宗是吾祖者雖貧賤不棄非吾宗者縱富貴不叛如此而尊祖如此而敬宗則仰不愧俯不忤在已者有狄青之操在人者無崇縮之譏夫然後有祖有孫而名分正矣名分正則教化行則風俗厚風俗既厚則恩義相屬貧富相忘孰有不思夫百千世始於一世百千人本於一人又豈有相視如途人者哉古之族譜有二家廬陵歐陽眉山蘇氏而已歐則經世人紀取法於史氏之年表今吾宗漆園公之譜行上系世名下著行深有祖於歐陽史法焉者故予叙之以為譜書之篇端云

嘉靖丙辰一陽月吉旦知上饒縣事眷生龍峯陳添祥拜撰

東流北街西街黃氏族譜序

黃氏諸彥謂族有譜足以原本始系支派叙親疏否則歷世之遠本始亡支

派系親者易疏疏者愈疏矣故汲汲惟譜之修以聯族屬者夙志也兼以本府太守躍川尹公下車訪貴池黃狀元支派得之東流北街亦命修之固稽先世來自初門左田方會左田宗老同重纂修將梓而傳之持以示余屬為譜叙顧余衰腐文不足徵何敢當斯役哉竊思宋文正范公幼鞠於青陽朱氏既長而貴謂吳中宗族以今日觀之固有親疏自祖宗視之則皆子孫為置羨田羨宅以廣禮羨仁孝之道此范公所以為天下士今推諸彥之心亦范公之心也不可固辭迺按黃氏之先出自顓帝曾孫陸終之後受封于黃地在揚州之域子孫以國為氏厥後春申君相楚而始於江夏望于新安著於左田歷春秋戰國秦漢晉唐以來代有聞人彬彬繼出以鳴其盛前已詳載大宋至和乙未年族人黃希逸源流叙及世系譜內茲不復贅謹以宋末由左田徙居貴池

皇明初由貴池徙居東流北街支派顛末姑叙其盛焉粵自左田之彥有蕪伯次子彬字文衍行二八因游學於貴池葉公蘭門下遂徙家於貴池聖母橋南居焉後學行精修薦任江浦教授尋為貴池人彬生子恭為大醫院判術傳盧扁能愈劇疾上下爰之恭生子昇字元信時胡元御極憤狄污華隱德弗仕昇生三子彥明彥敬亦弗仕彥珍號濟齋為池州路惠民藥局官醫提領彥明素與許公元善及生子德輒入贅許氏德生子觀因從其姓曰許觀字伯瀾時觀之生也母夢龍盤於體及長果異於衆從殷士受舉子業築翠微書舍於齊山砥礪於其間平生以忠義自許洪武辛未由鄉薦會天下第一及對禦戎策大要以天道福善禍淫之機人事練兵講武之法為言高皇嘉之賜進士及第授翰林編修乃復黃氏姓建文中與方孝孺等日見親用擢禮部侍郎聞

文皇靖難師入淮奮忠仗義徵上江安慶諸郡兵入援舟次李陽河見報已渡江入正大統自分大事已去知不可復為遂朝服東向拜投於羅刹磯水湍急處而死妻翁氏在京師被逮將給配象奴翁取首飾釵環給奴出市酒殺輒携二女沉于通濟橋下俱死今池州立有狀元坊忠烈祠存焉當時黃氏居貴池者皆族誅籍其家今貴池縣學基即其居址也惟彥珍生子忠號道安先於洪武戊辰為東流醫學訓科及昇支有遺腹子出贅池州陟灘畢宅

皆得免焉在畢宅者傳至二世即復黃姓於是訓科公不復歸貴池乃卜居邑之北街以世家云今為東流人訓科公有子四人曰欽曰銘曰隆曰興咸貨直好義為時所推重諸孫以下或仕或隱衣冠濟濟文質彬彬者代有其人迄今膺官帶而待用天朝游庠序而志擬巍科其所以追祖武承先緒者不能具舉且奕世家各殷實閑於詩禮篤於行義世濟其羨增光前烈繁邑之著姓如其盛者不一二也猗與訓科公一支在東流北街以次遷西街等處傳總數世而子孫繁衍榮盛若是是曷故耶余嘗觀夫山木焉凡其枝葉之暢茂者必其本根之深固也其本根深固而枝分幹別一或有所摧抑于彼則其膏液之流注生意之滋息不能不通於此彼替則此盛自然之理也天之生物因材而篤本同而末異者多矣黃氏之替於貴池而今盛於東流者其以是夫嗟乎天下著姓孰非古帝王之胄公侯之裔耶乃今盛衰榮悴之相禪萬有不齊其有以也寧獨黃氏哉東流諸彥今會左田宗老漆園同新是譜以聯族屬則本始原支派系親疏攸叙矣其尚如文正范公以禮義仁孝之道卒躬行而倡率之俾在東流者在左田者永有所視效愈久而愈盛則其在陟灘者在新安者在江夏者聞其風焉亦必皆有所興起將不與之駢榮而競茂乎余因叙其譜而併勗之

大明嘉靖癸亥年夏五月午日

賜致仕奉直大夫前奉

勅提調雲南廣西府維摩州事東流鳳山居士門下壻汪文撰

終

三氏宗法

宗法之興出自太史司馬公為始厥後歐陽文忠公蘇明允各為世譜文忠公依漢年表明允以禮大宗小宗為次今以三氏宗法備錄于譜俾後之繼之者識譜學之所自出云

司馬氏譜引

太史公

昔在顓瑊命南正重以司天北正黎以司地唐虞之際紹重黎之後使復興之至於夏商故重黎氏世序天地其在周程伯休甫其後也當周宣王時失其守而為司馬氏司馬氏世興周史惠衰之間司馬氏去周適晉晉中軍隨會奔秦而司馬入少梁自司馬氏去周適晉分散或在衛或在趙或在秦其在衛者相中山在趙者以傳劍論顯蒯臧其後也在秦者名錯與張儀爭論於是惠王使錯將伐蜀遂拔因而守之錯孫靳事武安君白起而少梁更名曰夏陽靳與武安君抗趙長平軍還而與之俱死杜陔葬於華池靳孫昌昌為秦王鐵官當始皇之時蒯臧王好印為武信君將而狗朝歌諸侯之相王王印於殷漢之伐楚印歸漢以其地為河內郡昌生

無澤澤為漢市長無澤生喜喜為五大夫卒皆葬高門喜生談談為太史公

歐陽氏譜引

歐陽脩

歐陽氏之先本出於夏禹之苗裔自帝必康封其庶子於會稽使守禹祀歷夏商周以世相傳至於允常子曰句踐是為越王越王句踐傳五世至王無疆為楚威王所滅其諸族子分散爭立皆守封於楚而無疆之子蹄封於烏程歐餘山之陽為歐陽亭侯其多子孫遂以為氏當漢之初有仕為涿郡太守者子孫遂居於此或居青州之千乘或居冀州之渤海千乘之顯者曰生字和伯為漢博士以經名家所謂歐陽尚書者是也渤海之顯者曰建字堅石所謂渤海赫赫歐陽堅石者是也建遇趙王倫之亂見殺其兄子詹以其族南奔居於長沙其七世孫曰景達仕於齊不顯至孫顧顧子統仕於陳統子詢詢子通仕於唐四世有聞遂顯自通三世生琮為冀州刺史而子孫因家於冀州自琮八世生萬又為冀州安福令其后世或居安福或居廬陵或居吉水而脩之皇祖始居沙溪至和二年分吉水置永豐縣而沙溪分屬永豐今譜雖著廬陵而實為吉州永豐人也蓋自亭侯蹄因封俞氏自別於越其後子孫散亡不可悉紀其可紀者千乘渤海而已乘之族自生傳八世至欽子復無後世絕不傳家其他子孫亦皆微弱遂不復見而渤海之後獨見於今然中間失其世次者再蓋自積奔長沙至景達七世而始見自琮至於安福府君又八世而始見其後遂不絕安福府君之九世孫曰修當皇祐至和之間以其家之舊譜問於族人各得其藏諸本以考正其同異列其世次為譜圖一篇自景達以後始得其次序

蘇氏譜引

蘇明允

蘇氏族譜譜蘇氏之族也蘇氏出於高陽而蔓延於天下唐神堯初長史味道刺眉州卒于官一子留于眉眉之有蘇氏自此始而譜不及者親盡也親盡則曷為不及譜為親作也凡子得書而孫不得書者何也以著代也自吾之父以至吾之高祖仕不仕娶某氏享年幾某日卒皆書而他不得書者何也詳吾之所自出也自吾之父以至吾之高祖皆曰諱某而他則

遂名之何也尊吾之所自出也譜為蘇氏作而獨吾之所自出得詳與尊何也譜吾作也嗚呼觀吾之譜者孝弟之心可以油然而生矣情見於親親見於服服始於縗而至於緦麻而至於無服無服則親盡親盡則情盡情盡則喜不慶憂不弔喜不慶憂不弔則塗人也吾所與相視如塗人者其初兄弟也兄弟其初一人之身也悲夫一人之身分而至於塗人吾譜之所以作也其意曰分于塗人者勢也勢吾無如之何也幸其未至於塗人也使其無至於忽忘可也嗚呼觀吾之譜者孝弟之心可以油然而生矣系之以詩曰

吾公之子

今為兄弟

吾疾在身

兄呻不

數世之後

不知何人

後死而生

不為戚欣

兄弟之

如足如手

其能幾何

彼不相能

彼獨何心

譜原

歐氏譜法

歐陽脩

自唐末之亂士族亡其家譜今雖顯族名家多失其世次譜學由是廢絕而唐之遺族往往有藏其舊譜者時得見之而譜皆無圖豈其亡之亦前世簡而未備與因采太史公記表鄭玄詩譜畧依其上下旁行作為譜圖上自高祖下止玄孫而別自為世者上承其祖為玄孫下繫其孫為高祖九世再別而九族之親備推而上下之則知源流之所自旁而行之則見子孫之多少夫惟多與父其勢必分此物之常理也九玄孫別而自為世者各繫其子孫則同出祖而下別其親疎如此則子孫雖多而不亂世傳雖遠而無窮此譜圖之法也

瑜熟思統會宗繁乃上增一橫格書上貫下以明五世之全義也

原姓

鴻濛既判而化工著乾坤交泰而物彙生人物並立於兩儀之間而人獨得其中正靈芬之氣故能物萬物而為之長也聖人者又能參贊天地之化輔相天地之宜盡天性而叙彝倫全物質而致材用於是並大地而為三馬原夫始而

生也翼翼煜煜芒芒誥誥總總林林而後物分其群別有男女夫婦父子兄弟長幼朋友之序而謂之族故有焚焚群聚濟濟咸亨而皆厚其族惇其倫協煦相生於光天化日之下而不知誰之所為也聖人從其本原事蹟定其類而姓分焉從其姓之所自出而世遵之又因其宗而肇氏之以別其元焉此姓氏之所由始也邃古之間有五龍氏燧人氏大庭氏中央氏赫胥氏無懷氏陰康氏有巢氏人皇氏降及庖犧女媧指風肇代神農綠水著宗軒黃以來姓氏方著三代而下宗法愈詳天子則因生賜姓胙土命氏諸侯命字為謚因以為族是故世之姓氏有因德者有因國者有因居地者有因食采者有因官爵者有因勲業者有因王父之字者有因先世之謚者蓋姓統祖考之所自出雖百世而不變氏別子孫之所自分或數世而合釐父傳子而昭迺穆姓循氏而姬奠姻此中古聖人之定制也是故族之為言簇也尚夫聚而有別也姓之為言生也本其膚脉之所由也氏之為言示也示有族品之科所以異夫物者也自姓統氏分之制變而支派日以紊矣大宗小宗之法廢而族屬日以踈矣於是一姓不變者累數千百年而其子孫動且億萬計也賜者別者更者冒者創者紛縷

交錯愈益難明而後譜牒之辨殷焉自周小史定世系辨昭穆而姓族攸分晉魏而下至於有唐氏錄目舉於

國朝家史明于里曲而猶或訛誤斷失甚至懵不知所由來者吁聖人碩制嘉程漸臻湮熄惜乎其終不易復也夫此李守素肉譜不足稱而唐宗歐蘇志牒不可不續舉也何也乾坤之道曰陰與陽周易生人之大義也奠人之道曰倫與綱周禮繩世之奧意也苟昧生人繩世意義而弗脩崇之非惟失奉先繼體之道抑亦淪吾人於不識不知冥趨棘越而婚娶潰維舍叙愆軌幾何而不至於踈之後而為東民之後而為氏者耶若夫閩人沈氏去水而姓尤南中危氏避惡而為元先哲不深咎者以厥族類尤存而弗泊舍叙仍爛而可稱非若幾希於禽獸者倫也善乎歐陽子有言曰冒姓者弗良貿姓者弗臧誠可為萬世捐宗委本者之大誠也原我黃氏之先本於顓帝別於陸終迨至於周而緡受封於黃豫州之域以開先焉子孫因國為氏紹自江夏逮至新安本本條條源源井井另乘譜後以便覽者敬惟

皇祖天澤原原而來以沛洋洋泝泝於無涯矣允厥于姓務各遵蒸滌污承流

敷溢以衍悠久之休焉亦肖子慈孫者分內事也瑜敢原姓誼以附於篇端云
按黃氏得姓封國在豫州之域是根本之地也不得不詳但世遠事殊忠
孝賢良惟傳志存耳其先世國郡古蹟逐一考錄于譜俾後人知所自出也

歷代沿革

肇從隆古因生賜姓昨土命氏黃氏得姓出自黃帝六代孫陸終為始後世
曰緡佐周有功成王復封之治春秋以黃為國子孫因以國為氏

黃國

地在汝寧府城東三百里本禹貢揚州之域春秋為弦黃蔣三國地戰國屬
楚秦屬九江郡漢屬汝南江夏二郡三國魏析置弋陽郡晉屬弋陽汝陰二
郡宋齊屬光城弋陽新蔡三郡梁末置光州治光州縣隋改弋陽郡唐復為
光州徙治定城天寶初改弋陽郡後復為光州宋陞光山軍節度後改蔣州
尋復光州元屬汝寧府省定城縣入焉
本朝初改屬鳳陽府洪武十三年仍屬汝寧府

古蹟

古黃國

在定城廢縣西一十里古黃子國也黃川故城在光山縣廢

黃駁宅

光州州治是楚考烈王賜春申君黃駁淮北地十二里故有宅在此又州東三里河北岸有春申君丹壚

黃國地

在荊州之域春秋時為黃國地後屬楚楚徙邾君於此又名邾城秦屬南郡
漢為西陵縣及邾縣地屬江夏郡三國時魏為重鎮後屬吳晉屬弋陽郡又
析置西陽國東晉以邾城為豫州治所宋為西陽郡南齊分置齊安郡北齊
兼置衡州陳罷州復周復置隋改為黃州大業初改永安郡唐初復置黃州
天寶初改永安郡乾元初復為黃州並治黃岡縣中和初徙治邾城宋遷州
治賓今府治是也元為黃州路隸河南行省今為黃州府

古蹟

永安城

在府城北即楚黃駁所都隋置永安郡於此城中土堆甚多蘇軾詩
東風未肯入東門走馬還尋去歲村人似秋鴻來有信事如春夢去
無痕江城白酒三盃醜野老蒼顏一笑
溫已約年年為此會故人不用賦招魂

黔中郡

地在荊州之域春秋戰國時屬楚秦置黔中郡漢初改武陵郡治索縣亦名

義陵王莽更為建平郡東漢復曰武陵治臨沅三國時初屬蜀後屬吳梁置
武州後改曰沅州隋罷郡改沅州為朗州治武陵縣大業初改為武陵郡唐
復為朗州天寶初又改武陵郡為朗州光化初復為朗州置武正軍五代梁
曰武順軍後唐曰武平軍宋初為朗州後改鼎州陞永安軍政和中陞常德
軍節度乾道初陞常德府元改為常德路
本朝甲辰年復為常德府

古蹟

春申君宅

在府城開元寺莽楚春申君黃歇唐杜牧詩烈士

思酬國士恩春申誰與決冤魂三千賓客總珠履

陽夏縣

地在開封府城東南一百一十里本夏大康所築城漢置陽夏縣屬淮陽國
東漢屬陳國晉屬梁國後魏置陽夏郡隋改縣曰太康屬匡城郡後復置陽
夏郡改縣曰匡城縣隋末廢唐初復置屬陳州五代梁屬開封府宋宣和初
屬拱州金屬開封元屬汴梁

本朝仍舊改大康縣屬開封府

古蹟

黃霸祠

在鈞州黃霸墓北一十里

江夏郡

地在荊州之域周職方氏荊州澤藪曰雲夢即此地春秋為鄆子國秦屬南
郡漢蜀江夏郡劉宋於此置安陸郡梁兼置南司州尋廢西魏置安州後周
改為澧州隋初郡廢大業初州廢復為郡唐改安州尋為安陸郡乾元初復
為安州貞元中置安黃節度觀察使治安州五代梁置宣威軍復唐改安遠
軍晉為防禦州後漢復為安遠軍周復為防禦州宋復置安遠軍隸京西路
後隸湖北路宣和初陞為德安府後徙治漢陽元復舊治隸湖北道宣慰司
尋改隸鄂州行省後隸黃州路

本朝洪武初改德安州隸黃州府十三年復為德安府

安陸縣

附郭漢舊縣屬江夏郡晉江夏郡治此劉宋以後為安陸郡治隋以吉陽縣

省入唐安州宋元德安府皆治於此

本朝初省入德安州後陞州為府而安陸復為縣

古蹟

黃香廟 在府城南門外本朝知府范理重建 黃香墓 在雲夢縣九坡志在安陸縣

慎陽縣

地在汝寧府城南八十里本漢慎陽縣東魏置義陽郡北齊省入保城縣隋廢保城置真其縣後改曰真陽唐改曰淮陽尋復舊元省入息州屬汝寧府

本朝改州為息縣初屬潁州後改屬光州

輸按斯志雖異地宦業之不同而本一也夫黃氏得姓封國在豫州之城

然荆州之城亦封黃國之地也而春申君生於黔中請封淮北是思祖焉

而內外黃之地明矣然霸居陽夏憲居慎陽皆淮北之境亦必春申君之

裔也姑錄之以俟後之考者

新安郡

本府地禹貢揚州之城春秋時屬吳吳亡屬越戰國時屬楚秦置黔歛二縣

屬鄣郡漢元封中改鄣郡曰丹陽而使都尉分治于歛鴻嘉二年以黔為廣

德王國尋廢元始二年復為廣德王國廢於王莽改黔曰想虜東漢復為黔

三國吳定黔歛分歛為始新新定黎陽休陽并黔歛為六縣遂割於丹陽置

新都郡後避嗣主孫休之諱改休陽為海陽晉太康元年以廣德故國為廣

德縣隸宣城郡 舊志因漢以黔為廣德夷王國遂謂古廣德縣及今析置建

黔其遠中限宣城寧國太平三縣之地且按史傳及廣德圖志廣德之建置

沿革與黔絕不相關或者夷王分封本在廣德而食采則在黔故舊志誤以

廣德為黔土耳若我朝宗室封國在東而之國在西者亦有之豈

可以廣德為黔土乎因制舊志所云并記此以俟後之考輿圖者焉改新郡

曰新安 舊云取今祁門之新安山為名或云言新治始新縣今淳安縣改新

則非舊日此言安則無危取其名之美也 定縣曰遂安改海陽曰海寧劉宋大明八年省黎陽併入海寧止領縣五孝

建元年分揚州之會稽東陽新安永嘉臨海五郡為東揚州梁武帝普通三

年割吳郡之壽昌來屬復為六縣自秦漢以後皆隸揚州大同中析歛置良

安縣 續溪縣志 承聖中復置黎陽縣并分海寧黔歛三縣共四縣置新寧郡

與新安並正屬揚州陳省新寧郡及黎陽縣而新安復屬東揚州隋開皇九

年廢郡省黔歛併入海寧復置歛州 歛縣南有歛浦故名或云歛俞治于黔

改始新縣曰新安又併遂安及梁所割吳郡壽昌未屬者皆入新安縣以隸
 婺州仁壽三年取婺州之新安并復立遂安以隸睦州今嚴州府之淳安遂
 安是也大業初改海寧縣曰休寧屬婺州尋復屬歙州仍改為新安郡末年
 天下亂州人汪華起兵據郡遷治于休寧之萬安山兼有宣抗睦婺饒之地
 稱吳王義寧中遷治于歙之烏聊山按唐書云汪華起新安據郡稱王者十
 年則今烏聊山之城汪華所築宋羅頤
 實有考唐武德四年籍兵民納歙復置歙州以華為總管封越國公使持節總
 管歙睦衢三州七年例改都督府尋罷良安縣亦廢永徽五年析歙置北野
 縣開元二十八年析休寧地置婺源縣天寶初改新安郡乾元初復為歙州
 屬浙西節度或隸宣歙觀察永泰元年盜方清隋州州民保休寧之山險二
 年賊平因又析置歸德縣又析黟縣及饒州之浮梁置祁門縣又以宣州旌
 德寇王萬敵平析歙華陽鎮置績溪縣大歷五年省北野入歙按新舊唐書
 改為績溪與方輿記寰宇志不合今考廢置之年不對又今省歸德縣入休
 北野舊城在歙北三十五里與績溪殊不相值當從記志
 寧於是州復領縣六元和六年升上州自罷督府後或隸揚潤二州或屬浙
 江西道節度及宣歙觀察團練使天祐二年刺史陶雅以楊行密承制拜歙
 婺衢睦四州都團練觀察處置等使唐亡楊氏國號吳及南唐李氏相繼有
 其地宋開寶八年南唐平隸江南東路為望都宣和三年睦寇方臘既平改
 歙曰徽為上州舊云取績溪之大徽村為
 名或云徽美也故以為名部使者遷其城于溪北三里因民
 不便仍治舊城今民間猶號新城為新州德祐二年實元世祖至元十三年
 李銓以州歸附十四年升為上路例置總管府隸江浙行省領錄事司一縣
 六元貞元年升婺源縣為州仍隸本路
 國初改興安府吳元年改徽州府屬浙江後改直隸京師洪武二年降婺源州
 為縣餘皆如舊

閭門縣

本縣縣赤山鎮東北一峯若旗號祁山西南兩石對峙若門號閭門唐永泰
 初土人方清作亂偽置閭門縣以據其險鎮人吳仁歡率鄉人數千破之歙
 州刺史公孫綽上其事授仁歡官明年賊平因其壘析黟縣之西浮梁之東
 置以為縣合祁山閭門而名之曰祁門為中下縣尋以仁歡為令宋屬徽州
 為望縣元屬徽州路為中縣

本朝因之

譜說

譜說何為而作也蓋閔夫昧譜牒而不知忘本源而溺於蕪津也草木有本而後善條葉川泉有源而後灑支流此理甚明人所易曉宜各思乾父坤母之心而以感報為事推水源木本之義而以敬重為先固吾人生斯世之急務亦吾為子孫者燁燁煌煌悰悰懋懋大吾祀先敬祖之誼以作夫殘孽末流不識性天之鄙俗也尤當與本然之心復帝生之孝性異禽獸殊夷狄而為胄室价祊薰遐麤邇不亦吾宗之大幸耶雖然孝敬亦易為也戒好暴情慾之私懲奔競聲色之費則倫叙可明而宗誼善美是則輕其所當輕重其所當重祭祀有田會叙有舍念念全天支支與睦不數載而興仁興讓尚禮尚文上不失芳傳之盛德下不匱翰苑之清風吾族中興天靈衍慶有茲善焉諸君曷弗為之是誠弗思尔也然譜之所以急於修者又何也紫陽朱子有曰世次之易遠骨肉之易疎墳墓之不易保也此愚之譜牒所以述朱子之意而作也噫知我者其惟譜牒乎罪我者其惟譜牒乎忘其固陋敬采真枝實派勤勞煩繫歷幾寒暑而始成亦曰

統之有宗會之有元庶作述有稽涇渭可判不失吾黃大宗之風味耳魯曰賢能創事云乎又豈敢萌竊覲之狂念乎皇天后土扶宗本明月清風共此心今圖法歐氏譜也稱法朱子意也年表法太史公之旨旁註明大宗小宗之義可為後賢之龜鑑者也於戲九我同姓為子必孝為臣必忠夫婦有別長幼有序朋友有信毋妄口以取禍毋妄足以干刑毋妄求以取辱毋妄交以損德學大人以範世學才人以顯名學賢人以脩己學聖人以全天學孝子慈孫之光裕斯為天地之賢肖亦吾宗祊之後英噫孔子由十五志學而漸造於不喻矩焉吾人亦在乎勵志善學黽奮脩德上圖著名於青史下求馥姓於黃宗斯為美矣此瑜因脩譜說所以勸孝敬而致餘意於後賢者也幸勗諸

昭穆餘議

議曰昭穆者何昭之為言明也穆之為言深且遠也古者立廟以昭穆焉是名壯昭而南穆也後世以東昭西穆名之更易雖殊而等配則一夫廟所以序名分別尊卑也天子七廟諸侯五廟大夫三廟士一廟庶人無廟而祭寢者辨貴賤也禮曰父昭則子穆子昭則父穆昭常為昭穆常為穆雖百世有不能改者本諸天也焉有之昭而遷穆之穆而遷昭者乎蓋三代盛時治隆於上倍美於下人倫正尊卑叙為萬世一定之理文王之昭武王之穆是也蓋天之生物固有榮枯人之育嗣亦有興廢或已無子取兄弟之子以為後焉兄弟之子猶子之謂也禮所宜也或不得已而求諸姻黨之親焉倫理攸宜別柯生葉之謂也律所許也雖然否泰不同機盛衰難一致招外宗之血以為嗣迨其長也及凌本骨之親莫若聯支遠族者尤為共本庶後世坦坦靈臺蕩蕩周道而無侵侮閱轍之患也故曰連株同秀萃異本兢榮枯可不慎與繇是槩而論之降第輩以為兄後收姪孫以為宗支是誠父不父而子不子禮所明懲律所重禁也若夫將質鬻之稚以為親取丐泊之流以紹姓猶靈氛而貫青雲以鰲權而接丹桂者也弗能以傳芳適足以為臭耳雖曰禮律所畧然正人君子奉先繼體之義籌之孰矣自不如是之輕幻也甚則貪婪之私勝砥矢之心微航濤鑽繼梯險爭財殊不知天道恢恢自有主宰利弗由人競嗣弗由人謀也謀而競者不亦可悲也夫或續外姓以祀彼祊矣至於世久而復與本姓為昏者世俗多也

良由世隔人非而忘之耳豈知生骨彼姓而骨仍吾宗哉凡若斯者君子當自審也至於貪利蔑義之儕動以妾姓微婚固負醜於睚鳩甚以簞門下嫁誠傾樓而汚玉於戲私欲熾時自失苟且太虛晃昶寧無愧耶又有溺妾為妻者固為干誼不足齒矣若曰後妻帶來之女配子勿論者亦非聖人之規制也詎可狂引而亂吾宏宗懿範之家法乎何也文公之邦中華之域自有大道可行天衢可樂奚必冥趨莽擊以自喪厥生哉嗟夫世教陵夷風俗頹弊中流砥柱正於守道君子是賴也秉宗譜者當法春秋烈日嚴霜之筆而不貸夫亂倫悖理之流則中道立而正人多昭穆明而彝倫叙上可以承天休次可以誇聖族矣茲瑜所重其議而不敢易之也宗英族彥而最襄之幸甚

譜辨

夫譜辨何為而作也以辨同異以辨冒謬以辨虛名偽爵以辨年代不實也若此不辨其有損於譜也大矣是故不敢避怨避嫌辨是用作也玉石判於斯乎

淳梁譜宗志圖辨

漢丞相霸江夏人隱士憲魏郡太守香為兄弟蜀將權吳將蓋為邠鄉侯瓊之孫新安太守元集為泉鄉侯琬之孫

五城譜考漢書列傳霸淮陽陽夏人憲汝南慎陽人世貧賤父為牛醫不言憲父之名香江夏人事親孝亦不言香父之名香傳其子瓊瓊傳其孫琬亦不言琬父之名三國志權巴西閬中人事蜀蓋零陵泉陵人南陽太守黃子廉之後事吳亦不言權蓋為同氣之兄弟江夏黃氏纂錄琬五子次松壽傳四世當晉元帝渡江時居江東郡亦不言元集為琬之孫隔此數者之弊是祖他人之祖以為祖稱他人之父以為父冒他邦之人以為孫隔此數者之弊是祖他人之祖以為兄弟取五世後人以為孫其有妄謬一也

飛尹娶張氏封恭人香娶李氏封孝德宜人瓊娶陳氏封君夫人元集娶張氏

贈恭人漢制霸非謚憲非官而封號非太恭人孝德宜人君夫人之名晉例亦然隔此數者之弊是竊蓋以為尊號假官以為顯名托娶以為駁配其

為謬妄元集生子尋尋次子貞奕遷常德州東晉大元甲申入武陵苑源逢仙

女飲井酒食胡麻飯悟仙得道唐韓文公堯源圖宋蘇東坡堯源詩王介甫堯源行注晉大康中武陵人捕魚從溪行忘路遠

女飲井酒食胡麻飯悟仙得道唐韓文公堯源圖宋蘇東坡堯源詩王介甫堯源行注晉大康中武陵人捕魚從溪行忘路遠

近逢苑林夾岸乃避秦之地居人相傳與世相隔知古秦而不知今晉也何有言黃貞奕之名何有言甲申之年何有言苑源真有神仙之人若據逢仙女飲其酒食胡麻飯之事乃劉晨阮肇入天台桃源所有也又先正鄂州太守羅公所編新安志書本郡入仙侶者許宣平而下數人而已亦無黃貞奕之名抑晉唐野錄云此一事之弊是沒他人之善以為己有取幽怪之事以為真實其有妄謬三也

瑜按舊譜霸上世曰季琬遷淮陽後有智者復遷江夏不可謂非香江夏人憲慎陽人蓋泉陵人權閩中人生雖同時居各異地謚與封實非漢制貞奕非原道况苑源之說惟氏族神仙傳載黃敬真之名似非實事雖然漢以前源流非特吾家宗譜有可辨者即國史亦有不可致詰但自吾左田而今者不可不辨真偽耳今瑜於五城譜是者因之其革之者以誤登之者也蓋孽之不可以亂正義子不可以為宗人近左田而非左田者且不嚴革其何有辭於他宗故舊譜辨諸古瑜敢辨諸今辨不指其誰何存厚也幸悉之

黃屯黃潭辨

瑜按屯與潭俗通呼之屯古額也弘治間雲蘇公修會通譜歛潭渡有諱華者携本支譜而往先至高倉後至五城五城不悅遂以非族偽序視華後作外錄而外之殊不知左田世譜元和公次子益光字子亮者生子芮遷歛黃屯而孝

行著後徙溪北家焉華雖注意於譜而未窮其源誤信五城外錄以元和公在貞元以璋在垂拱而左田世譜無璋昂之名但益光公為璋謬誤耳夫元和公生唐開元丙寅至大曆二年遷左田而五城乃謂貞元末尉閭門遷左田則甚謬誤矣今府誌妄載會昌任又大謬矣
按屯輒符六年葉往黃敬屯屯于此因名黃屯

舊譜已載未載辨

瑜按五城譜之收族可謂廣而勞矣載我左田載熙之石山載績之暈嶺載婺源之橫槎載盱眙載休寧之溪口商山漢口潛川陳村閩口載浮梁之勒功載樂平之街北鳴琴里藍溪載德興之茗園新田載鄱陽之鑪山皆有譜序然勒功序謬盱眙序謬謝御史序偽左田者又大謬今或正之或削之清吾之根幹義不敢辭也其西塘古林黑橋山後黃村竦塘黃屯沙田滄坑高場西坑峽峯皆未載然其原皆有所本與吾家譜合者間無可疑何乃棄其真而不之載此又義不可辭也特附諸辨

五城譜辨

瑜按雲蘇公辨諸族有謬者考之宜也殊不知其信謬而自謬誤者多矣如載

元集公生西晉大康戊申元帝渡江時為新安太守年僅三十歲以二十歲生子計之渡江時尋年十歲而抱喪廬墓者一謬也載太守公至元和公一十九世以三十年一世計之歷年五百七十然我左田譜載太守公生西晉大康庚子下距元和公一十五世歷年四百四十有八彼乃謬增代者四謬增年者一百三十又一謬也載原奕公死蘇峻之難而蘇峻死咸和戊子原奕公尚未週又一謬也其伊儂引載雲蘇公躬至安陸乃得源流世譜而香公以下三世為太尉俱係功臣然瓊之子又何失其傳又一謬也信偽妄元公墓圖者大謬也又偽入栗樹坦又大謬也夫左田各派根本重地烏得不辨以截其妄冒之端庶後世雲仍之玷今正之俾繼此者勿輕有所惑也

世次辯

觀夫譜牒之作多由世次不明以致支流紊亂是以事偽者假此以為籍口而執銓者卒致無所稽也吁不能自正如正人何耶瑜按舊譜載魏郡太守香公生東漢永平辛未下距新安太守積公八世而積公生西晉太康庚子合以七世而計之歷年二百一十蓋一世只三十年也而積公至縣尉元和公十有五世而元和公生大唐開元丙寅是亦以十四世而計也歷年四百三十有八蓋一世三十一年也而元和公至瑜二十六世瑜生正德丙寅合以二十五世而計也歷年七百九十有一蓋一世三十一年半也而瑜之上見存者有二世焉而瑜之下又有二世焉究其所由乃弟兄生年先後嫡庶遲早得子之故耳復奚疑哉今考我大聖孔夫子生周靈王戊午至今嘉靖三十七年共計二千一百一十年世傳六十七世矣蓋一世三十一年也更考天師張道陵先生係東漢建武甲午生吳天目山焉至今嘉靖三十七年共計一千五百二十五年世傳四十九世矣蓋一世亦三十一年也而香公至瑜下有二世共四十八世至嘉靖三十七年計一千四百九十年蓋一世亦三十一年也若以五城譜積公至元和公一十九世計之蓋一世只二十三年也茲以二家較之併以香公傳衍世次研之參互考訂細察端倪皆不外乎三十上下之數也同吾宗者盡明倫順理各慎本支庶名正言順永保和平而前修後武有振起於將來也否則攢真引贗駁正流偏事偽籍口者寧無赧赧然耶

背義辨

夫義者天下之大防所以開人道也苟一渝焉則真偽混淆石可以亂玉紫可
 以奪朱小人可以混君子矣是故君子必嚴主僕之辨蓋主之與僕分有貴賤
 猶君臣之有上一定而不可渝也今逆奴江縹翅係吾祖汝賢公長子德誠
 次子德清所蓄家奴有撫育之恩有衣食之惠生居死葬皆藉主土汝賢公生
 元貞二年丙申歿洪武二年己酉祖妣休陽大溪吳氏生大德二年戊戌歿洪
 武九年丙辰德清公棄儒就武元至正丁酉為石埭元帥王友仁下克仁安翼
 萬戶時值弗偶謫戍滁州悔曰吾為子孫百死一生豈陷於此計將長子應祥
 弊立民籍故逆奴乃敢乘不測之機肆無主之志占祖遺之產懼清查之患竟
 爾逞奸背義於弘治年間補入休邑五城宗人黃雲蘇統宗會譜將主汝賢妾
 稱伊祖宋恭宗廿九年生洪武元年卒主母吳氏捏作李氏妄稱德祐二十六
 年生至正二十年卒切查德祐繼統止有年年並無廿九年曆數噫逆奴吾家
 所蓄也主僕大義人皆得而知之彼雖越分則玉石殊質朱紫異采君子小人
 同形而異類矣惡得不嚴其辨以絕其妄冒之端以防萬世之大閑哉謹以吾
 祖率德行實備載諸譜使觀者識逆奴為背義之賊而唾罵於千載矣是為辨

元曆 甲寅 二 三 四 五 六 開慶 世祖中統 一 二 三 四

甲子 五 度宗立淳熙 三 四 五 六 七 八 九 十

甲戌 十一 德祐景炎 二 帝昺 宋亡元繼十八十九二十

甲申 二十一二十二二十三二十四二十五二十六二十七二十八二十九三十

甲午 三十一 成宗 元貞 二 大德 二 三 四 五 六 七

甲辰 八 九 十 十一 武宗 二 三 四 五 六 七 八 九 十

甲寅 延祐 二 三 四 五 六 七 英宗 二 三 四 五 六 七 八 九 十

甲子 晉王 二 三 四 致和元年天曆 二 至順 二 寧宗 順帝 元統

甲戌 二 至元 二 三 四 五 六 至正 二 三 四 五 六 七 八 九 十

甲申 四 五 六 七 八 九 十 十一 十二 十三 十四 十五 十六 十七 十八 十九 二十 二十一 二十二 二十三 二十四 二十五 二十六 二十七 二十八 二十九 三十

甲午 十四 十五 十六 十七 十八 十九 二十 二十一 二十二 二十三 二十四 二十五 二十六 二十七 二十八 二十九 三十

甲辰 二十四 二十五 二十六 二十七 二十八 二十九 三十 大明 二 三 四 五 六

甲寅 七 八 九 十 十一 十二 十三 十四 十五 十六 十七 十八 十九 二十 二十一 二十二 二十三 二十四 二十五 二十六 二十七 二十八 二十九 三十

甲子 十七 十八 十九 二十 二十一 二十二 二十三 二十四 二十五 二十六 二十七 二十八 二十九 三十 三十一 三十二 三十三 三十四 三十五 三十六 三十七 三十八 三十九 四十

甲戌	二十七二十八二十九三十三十一三十三三十三十四三十五求樂
甲申	二 三 四 五 六 七 八 九 十 十一
甲午	十二十三十四十五十六十七十八十九二十二十
甲辰	二十二洪熙宣德 二 三 四 五 六 七 八
甲寅	九 十 正統 二 三 四 五 六 七 八
甲子	九 十 十一 十二 十三 十四 景泰 二 三 四
甲戌	五 六 七 天順 二 三 四 五 六 七
甲申	八 成化 二 三 四 五 六 七 八 九
甲午	十 十一 十二 十三 十四 十五 十六 十七 十八 十九
甲辰	二十 二十一 二十二 弘治 二 三 四 五 六
甲寅	七 八 九 十 十一 十二 十三 十四 十五 十六
甲子	十七 十八 正德 二 三 四 五 六 七 八
甲戌	九 十 十一 十二 十三 十四 十五 十六 嘉靖 二
甲申	三 四 五 六 七 八 九 十 十一 十二


新安左田黃氏正宗譜圖

黃墩始祖墓圖說

黃墩之地乃吾始祖諱積公者東晉時為新安太守後歿於官子尋廬墓焉家食于此因以姓名其地至廣明時黃巢之亂諸姓多遇害惟避於此地者獲免黃姓之恩亦溥矣惜其所居湮沒無存未免有遺恨焉然始祖墓在於忠壯公廟後歛之石嶺乃購地虛畝偽指是亦郭崇韜之遺意也 雖居左田久慕先德欲復無由謹刻圖于譜以永孝思廢禮存羊安知他日之雲仍不有因是而想其遺址與其墓者乎是某之拳拳所望於後者也安土重遷吾徽之常不忘其本吾宗之奕葉得無有所感動也歟

按黃墩古名姚家墩厥後吾祖東晉時避居於此因名為黃墩自晉迄今文獻砧礎冊籍元明經理及急遞舖皆以黃墩為名按程公忠壯郡志載休寧篁墩人而程季士因以為彌弘治間修郡志季士以休之篁墩場古墩之黃墩其字義不同而地分殊遠雖重子亦不能掩豈有異地而號者哉且忠壯公後吾祖三伯餘年廟食不過近代而學士易字易地之私天之以私易後其効速哉今正之夫繼志者不可不詳察也

黃墩基墓圖



左田墓圖說

左田吾祖基今之洪田火燒坦是也公青陽尉時土賊為亂改任閭門
 觀左田之要麗因以家焉左田之後有源公思派自安陸故名曰安陸
 源以示不忘本源之意也夫子墩即余干段田心迺吾祖縣尉公之墓
 也厥後植栢以蔭墓因而號曰栢林墩慨夫無本之徒偽吾左田之黃
 者併祖基祖墓而亂其地曰此為非與彼為是與嗚呼其誰欺欺天乎
 九環吾左田栢林墩而居者姓非一家業非一時祀非一日歷今八百
 餘載孰不能指而言之偽亂之私將奚逞哉亦不過欲惑夫遠遷之族
 耳瑜詳圖註于譜俾觀者即圖像而識其山川就山川而別其真偽是
 則玉石顯明源流清白吾宗之大幸也事偽亂者良不愧於心耶監慶元年

栗樹坦逆奴江嬌陽冒立左田牌於橫
 路頭亭額猶賊徒臉上刺字豈不自恥

左田其墓圖

萬樹峯

青山

柱學

栢林敷
元和公墓

洪田橋

蛇頭嶺

左田祖墓

神林

黃殿

安陸源

周王朝

漆園

寺

竹塢

寺

寺

寺

寺

寺


寺

寺

寺

左田其墓圖

三



唐秘書省正字公益遜墓

保七

土名坑口黃
墓




形月

左田始祖縣尉公墓圖

保九

土名余干段栢林墩黃
商伯子孫世承祀業



何亥

形齊郵驛

大路

縣署口

唐太液院中書泰公等墓

保九

蓮塘墩青龍山黃德清發
紫小塘塢塢塢塢塢查本
塢裏外茶園黃景瑞黃景
仁會業



梁開府儀同三司叔宏公墓

保三

土名管塘充
黃景瑞會業



黃景瑞會業


黃景瑞會業

五

東處士運幹公之墓

八保

主名牌山黃景
瑞黃汝賢公業



鳳形



宋處士松暨祖妣汪氏墓

十保

主名黃泉塢
黃顯仁僉業




將軍大坐形

明處士汝賢孺人吳氏墓

保八

土名合家塋中
坐黃景瑞金業



形釵

明處士汝賢公之墓

保八

土名許平坑東培山四畝地
一角三十步黃景瑞金業



形卧仰入仙

明處士德誠公暨祖妣汪氏墓

保九

土名何小塢
黃景瑞繪



提中右

汪豪墓基圖說

隆慶四年庚午十一月廿四日葬因墓深將
墓誌係原石未降

地在寧國府太平縣道泰鄉汪豪嶺下中段也嘉靖壬戌契買歙縣十五
都宋玄正洪字壹阡捌伯拾號民地貳畝伍分四至在契中証許世高李
太安嘉靖甲子四月十三辰時葬妣孺人程氏未時葬考能遠府君共鄉
鋪地金星漁翁撒網形庚山甲向加申寅焦黃山為撰墓誌銘本年十一
月十九寅時造屋五間於墓側廬守祭奠四圍地店及路係買朱震山許
洪等地漆園名目立戶過冊收租供稅及春秋祭掃之需子孫世守毋以
妄生具議瑜深慮焉故刻圖於譜以為後裔警也
汪豪地勢發自黃山迢
迢至楊田三十餘里過
峽起玉屏作祖約高四五里許其勢如寶蓋如長藩如龍飛鳳舞有迎有
送至三十餘節即聳列品字三台屈曲而下展鋪地金星兩傍分大八字界
左右護砂地約一頃之餘三台左下抽一技為青龍起雙金為夾耳再抽
四五節如引象溪東北抽一技如伏獅獅外自天而下列大金星開關
象此初層水口也楊田未龍重疊星峯至迄溪橋右白虎沙也玉屏下左
分一技起高峯各洪山再分列四五枝星峯疊嶂如卓筆鎮山斷而後起
乃角雙峯為捍門乃第二層水口也華山繞至仙王山高聳為北十旗星
乃第三層羅城水口也至瑤潭單峯獨立為華表星乃第四層水口也其
流纒玄武攸洋至縣而東北焉其羅城有樓臺有鼓角前帳下有貴人峯
三有上天梯有旗鼓有屯軍有排衙昌若有旌節有飛詔有官鬼水口有
啟文有禽雁江南之局勢亦頗
觀焉姑記之於後世之所驗也

明處士能遠公墓基圖



譜像說

家有譜猶國之有史也國史必修而後備故家乘亦必修而後全苟失弗理則世遠人繁支離族紊共本者或視為殊柯異源者反喚為聯派後有覺者寧無赧赧然耶此漆園子所以歷苦勞神而為是不得已之舉也噫譜既修矣弗繪形像則何以識大宗之榮貴而興景仰之思何以知鼻祖之肇基而致維則之孝斯又漆園子所以繪像陳贊而寓乎光前啓後之意也何也愚幼徒目者覩容儀之盛而肖象其身賢敏知義者觀贊誦之光而銘奮其志魏魏爾祖衍派洵顯顯令德風化原原生華雲嶽歸馥縵編靈游于天神炫于前善天歐陽子有曰牒上瞻宗祖書中見聖賢漆園子繪像之意是歐陽之謂與或曰胡若是像之侈為也應之曰國有忠誠必圖形臺閣古多聖賢亦塑像然嘗其於金麗禪垣雲輝道陞簷簷塔塔弗可勝紀殆咸邇以赫前焱遐以祠弗地也會彼邈邈者所易測邪夫丁蘭之孝茂以加矣孰敢以刻木之議而肆輕頰於其間哉往哲既以刻木者為是則後賢亦不以具像者為非

漢丞相公霸之像

天資穎悟非時
俗之矚蹤秉量
寬厚非來儕之
趨崇受書於獄
也崇理趣之豁
曾致治於險也
錫水火之旃幟



春秋寢祀具神位執紀明矣譜像之有無弗繫於大義也子曷過慮之
若是乎或者唯唯拜謝而退拾說於端以見漆園子之初意焉

黃氏詩傳言

黃氏詩傳言

漢長沙內史東明公像

形貌儼然
氣宇渾全
居官清慎
千載名傳



漢尚書令香公之像

萃風習習天經地
義勇冲良知温被
扇席江夏黃童活
衆行仁輕利重義
天下第一致君澤
民遷祿增秩將胡
比倫綿旃卓異江
漢泱泱泰華屹屹



黃氏分廿遺像

漢 祁 鄉 侯 瓊 公 之 像

荆山良璞美質生輝
良工競售璞蘊自如
然而至寶不終無也
迺幡然挺量以揚耀
也燿彩華以遠山川
之神也列裡席以繁
鬼神之氣也都於跡
罕世之元精休哉續
二代之真靈



漢 泉 鄉 侯 琬 公 之 像

雖早失父辯慧夙
成對日食杖百世
英稱練達榮衛襟
裾齋泓母奪苞直
弗流濁渾撥亂維
畧紹祖經綸



東晉孝隱先生之像

於戲孝為萬善之
原百行之首公整
子忱憂細賴守廬
墓天香遺黃地又
橋梓乾坤儀章山
斗蒸杞崇粉奉勒
弗朽



東晉新安太守公積之像

出塵之表絕俗之
英節以持已虛以
受人昂霄聳壑鳳
舞龍騰吟風弄月
玉振金聲不遷百
世垂梓黃墩
上柱國鄭延光書



梁襄州刺史公伯漢像

飽蘊奇猷兮求侯
 鄉感珮卿雲兮焚
 于襄赤胆漢漢兮
 洲島芳青汗琅琅
 兮日月長四民照
 煦兮被綉裳二天
 魏兮頌難忘



東晉都尉公原奕之像

厥貌惟莊
 厥行惟匡
 厥志弥光
 厥德弥香
 顯：昂
 如圭如璋
 一時死難
 千載流芳



黃氏先世遺像

黃氏先世遺像

唐御史中丞上柱國德涵公像

才奇天下
行著臺端
群邪震伏
百役騰懽
蜚聲奕々
鳳舞飛鸞



唐晉陽縣尹昂公像

明達之才
淵邃之學
清儉持身
德垂後竟



唐 協律郎 景福公 像

公才不偶
公貌異常
天眷魏擢
榮協律郎
譽芳玉籍
德滿閭鄉



黃氏世遺像

唐 刑部 外郎 彦倫公 像

維衡之平維鑑
之空岳降宿化
榮毓我公執法
存心衡鑑攸同
是以祖父子姓
弁裳天寵奕奕
崇崇



黃氏世遺像

唐吏部左侍郎損公像

光明正大
天生自然
尊嚴敦厚
謙或能先
出類拔萃
合聖與賢



唐禮部侍郎宗器公像

文章典麗
才識天成
早登科甲
晚掌登衡



唐閻門縣尉公儀之像

貌古而有威尉閻門之墟戶不外閉而道不拾遺相厥攸居左田為廬春風秋月槐柳依依子孫其湛奕葉彌滋是曰世祐之可大夫安能諉乎永思



唐秘書省正字公益遜像

雍雍德容休安氣舒彬彬文藻電掣雲龍學承少府官歷秘書省先墓慈貽後居出以經濟慶以樵漁無吏隱名金忠孝舉厥德既彰宜盛後裾



唐氏先世遺像

唐氏先世遺像

唐隱士益光公之像

勤以勵已
敬以成身
卜築擇處
喬然隣雲
軌度超卓
行業拔群
千支萬疊
灑々漆々



唐隱士益謙公之像

繫有先德瞻先隱
翁温、氣象優、
儀容袒顯文謨開
繅綸之官業考熙
武列肅少府之兵
戎簪纓繼世禮染
名宗善其身寒鄉
邦之偉望行厥慶
垂統緒於無窮



唐潯陽縣令益讓公像

漢漢悠悠
肇脉天台
蛟龍變化
頭角崔嵬
恢弘宇蹟
夙月優游



唐孝子思芮公之像

行本性成
孝愛篤至
彼蒼感忱
木生連理
盛譽流芳
萬年不已



唐史卷之七十四

唐史卷之七十四

唐太液院中書公太像

上天蒼々
星斗煌々
璇璣克腹
司握文章
豪參造化
氣艷彤堂
生也非偶
英且長芳



唐盱眙縣尉思道公之像

綺：嬌鶯
飛舞黃鳴
委彼幽卉
喬我喬埃
自游卓々
偉業亭々



唐蒲田縣令慶公像

疑之靈石
 碑之雲峯
 芝蘭馥郁
 鵬鷲翱翔
 光前裕後
 闢拓蕪萊
 勇往種德
 產育奇材



梁開府儀同三司叔宏公像

公眸如炬
 公髯如戟
 蒲腹甲兵
 境虎碎易
 桓七將軍
 鐵彼夷賊
 大君是嘉
 開府赫奕
 神劔倚天
 威芒猶昔
 懋哉後人
 元勳有繹



黃氏六世遺像

黃氏六世遺像

宋隱士叔仲公之像

器質顯昂神清貌
古劔握鄭城珠明
水府昭職技於時
流詩書知乎今古
兵甲紘紘擇遷仁
所厥志擬於巢由
德業千年不朽



黃氏先世遺像

宋隱士叔季公之像

形之偉氣之充彪
乎其外淵乎其中
待見以悌持身以
恭分荆柯於亂世
創新業於賴幼子
孫奕奕列三公



黃氏先世遺像

十四

宋孝隱先生崧公像

孝心戚戚
忠義恢恢
明倫正已
經濟邦材
超九出類
荷歟休哉



宋鉤州判官元之公像

進登國學兩優
釋褐出判鉤州
衆民全活清慎
之守人不可奪
厥修宗譜詳究
本末



宋朝大散大夫嚴州府判允中公之像

容貌儼然
氣宇渾全
居官清慎
千載流傳



宋議郎天衢公像

天濱鳳凰一雌
一雄雌抱節殞
雄噉蒼穹上帝
憐異下民仰從
井霖應德早魁
威縱風兮風兮
舜文推崇精英
貞淑頌節頌忠



宋特奏名鼎公像

龍吟雨兮虎嘯風
兩帝天兮風飄隆
先生英邁銳閭閻
坐今四海來清風
杓洒鱗揚潤萬里
丹墀特奏聲摩空



宋掌書商伯公像

維山嵯嵯維水
漪漪春山迤叢
秋水清漸公也
孝以事親義以
服族地靈人傑
人顯境輝比山
更巍比水更瀾



宋工部尚書琰公像

閩苑芬々錦綉
兼天生英秀
露華浴九世塵
埃飛不到薰蒸
日月有黃公



宋直秘閣行殿中侍御史徐光公像

職居總宰
統攝百官
屏除姦慝
引拔孤寒
垂紳正笏
屹立朝端



宋禮部尚書何公像

堂臺乎表其容
頽昂昂乎正其
表冠作
皇家之宰輔
黎庶如丘山
公之良公之德
燕芳名於翰苑
烟烟而不磨也



宋台州參軍雷復公之像

英雄灼灼
忠信昭昭
大驅龍虎
世變舜堯
威風遠播
下民仰翹



宋禮部尚書何公像

宋台州參軍雷復公之像

宋彰德州太守瓊公像

公端章甫
救民疾苦
紀綱操持
德澤遠推
榮耀當時
民誦于斯



宋提幹雷奮公像

奉天行樂
众咸仰欽
勤勞王事
傳稱于今



貴州先世遺像

十九

宋禮部尚書瑄公之像

堂堂容儀
禮律自持
茂材佐主
碩德抚黎
榮居極地
肖形顯繁



宋刑部侍郎球公之像

官居刑部
德政臨民
青天存心
赤膽勞勤
不為俗染
不為勢傾
清風拂拂
宴惟斯人



黃氏先世遺像

宋知錄公宗元像

蘭處於畹萋々
者奔幽馨噴天
風味堪携天生
茂材而以道自
牧者吾公之謂
也公兮蘭兮豈
若萎々者耶



宋制幹雷利公像

光榮厥身
弗飄九塵
事上抚下
咸竭丹心



宋先標大希夫由公像

叨華天祿
光榮山谷
幼卒壯行
未受胡福



宋薄尉公宗之和之像

非熊非虎
兆民賴撫
髯德追靡
參猷化魯
豈第君子
民之父母



黃氏先世遺像

十一

宋建康太守希孟公像

深人矣府
文章公
百姓
宗崇



宋從事郎錄事遇龍公像

興尔靈龍飛黃子
天連雲緝與帝
玄吟醜涎兮秋
澍時弘化兮春消
苗油以向秀飽
泥以自然煥江
山之艷治浦宇宙
之芬荃公也登
林之輝誠然與
龍而翻



宋處州錄事時伸公像

丹衷奉上
素履持身
昂然雲鶴
不泊凡羣



宋咸淳進士公選公像

英采煌々
奎星爛々
遲攀芳桂
夙奢文章
雖悼逝早
從文玉堂



宋 丹 陽 縣 尹 元 承 公 像

琴堂朗朗
飛李妍妍
和風甘雨
白日青天
密侯雷也
牛刀兆焉



元 戶 部 尚 書 仲 綱 公 像

守大道以
榮身竭精
忠以事上
是以宗祚
晃々棟宇
煌々名芳
汗青光及
我黃



黃氏元承公像

元承公像

十八

明 州判 原官 祐公 像

奉法備職
不汨他岐
判斷不回
清湛无欺
惟其正而
是以福而



明 狀元 黃公 觀 像

偉貌堂堂
星斗文章
連登首第
御墨生香
丹心不屈
羅漢沉江
妻女抱節
繼弱身亡
名垂翰史
萬載流芳



明敬齋先生顯政公像

志氣願昂
神清貌古
追崇先德
萬年不朽



明壽官伯秀公之像

春風藹藹
苑李依依
陽和德澤
月霽光輝
榮封壽帶
超耀鄉閭



漆園積瑜小影

正以持已
信以及人
修明譜牒
追祀厥宗
千載之下
孝敬猶存



